



১৩৩

# বিদায় আরতি

৫  
৩৩

সত্যেন্দ্রনাথ দত্ত



এম, সি, সরকার এণ্ড সন্স  
৯০১২এ হারিসন রোড, কলিকাতা

দাম পাঁচসিকা

প্রকাশক

শ্রীস্বধারচন্দ্র সরকার

এম সি সরকার এণ্ড সন্স

২০।২এ হারিসন রোড কলিকাতা

29.11.2007  
12834

কালিন্দিক প্রেস

২২নং হুজিরা স্ট্রীট কলিকাতা

শ্রীকমলাকান্ত দালান কর্তৃক মুদ্রিত




## সূচী

হিন্দোল-বিলাস	...	...	১
যুমতি নদী	...	...	৩
জাফ্রানিস্থান	...	...	৫
আলোর পাথার	...	...	১০
কয়াধু	...	...	১১
মল্লিকুমারী	...	...	১৮
একটি চামেলির প্রতি	...	...	২৫
দুভিক্ষের ভিক্ষা	...	...	২৭
সিঞ্চলে সূর্য্যোদয়	...	...	২৮
বর্ষ-বোধন	...	...	৩১
সর্বদমন	...	...	৩৪
ভোমুরার গান	...	...	৪০
কোনো নেতার প্রতি	...	...	৪১
তিলক	...	...	৪২
বর্ষার মশা	...	...	৪৪
স্বন্দ-ধাত্রী	...	...	৪৭
দাবীর চিঠি	...	...	৫৭
দোরোখা একাদশী	...	...	৬৩
জলচর-ক্লাবের জলসা-রঙ্গ	...	...	৬৫
নীরব নিবেদন	...	...	৬৭

ঋণার গান	...	...	৭০
বিকর্ণ কি ঘটাক্ষর	...	...	৭৩
বজ্র-বোধন	...	...	৭৪
কবি দেবেন্দ্র	...	...	৭৭
বড়দিনে	...	...	৭৮
কোনো ধর্মধ্বজের প্রতি	...	...	৮১
চরকার গান	...	...	৮৪
সেবা-সাম	...	...	৮৭
মহানামন্	...	...	৯১
দূরের পাল্লা	...	...	১১১
হঠাতের ছল্লোড়	...	...	১২১
মালাচন্দন	...	...	১২২
গিরিরানী	...	...	১২৫
ইন্সাক্	...	...	১৩৪
রাজ-পূজা	...	...	১৪১
পাতিল-প্রমাদ	...	...	১৪৩
মধুমাধবী	...	...	১৫৬
শরতের আলোয়	...	...	১৫৮
ঋণা	...	...	১৬১
কে	...	...	১৬২
জৈষ্ঠী-মধু	...	...	১৬৪
গান	...	...	১৬৬
নরম-গরম-সংবাদ	...	...	১৬৬

বহাদুর	...	...	১৬৮
গুণী-দরবার	...	...	১৭২
পরমান	...	...	১৭৪
কবি-পূজা	...	...	১৭৬
নবজীবনের গান	...	...	১৭৭
বৈশাখের গান	...	...	১৮৭
গান	...	...	১৮৮
সিংহবাহিনী	...	...	১৮৯
মুক্তি-মেথলা	...	...	১৯০

১৮৮৮



বধার নবীন মেঘ এল ধরণীর পূর্বদ্বারে  
 বাজাইল বজ্রভেরী । হে কবি, দিবে না সাড়া তা'রে  
 তোমার নবীন ছন্দে ? আজিকার কাজরী-গাথায়  
 ঝুলনের দোলা লাগে ডালে ডালে, পাতায় পাতায় ;  
 বর্ষে বর্ষে এ দোলায় দিত তাল তোমার যে বাণী  
 বিহ্বাৎ-নাচন গানে, সে আজি ললাটে কর হানি'  
 বিধবার বেশে কেন নিঃশব্দে লুটায় ধূলি 'পরে ?  
 আশ্বিনে উৎসব-সাজে শরৎ সুন্দর শুভ্র করে  
 শেফালির সাজি নিষে দেখা দিবে তোমার অঙ্গনে ;  
 প্রতি বর্ষে দিত সে যে গুরুরাতে জ্যোৎস্নার চন্দনে  
 ভালে তব বরণের টীকা ; কবি, আজ হ'তে সে কি  
 বারে বারে আসি' তব শূন্যক্ষে, তোমায়ে না দেখি'  
 উদ্দেশে ঝরায়ে যাবে শিশির-সিক্ত পুষ্পগুলি  
 নীরব-সঙ্গীত তব দ্বারে ?

জানি তুমি প্রাণ খুলি'

এ সুন্দরী ধরণীরে ভালবেসেছিলে । তাই তারে  
 সাজায়েছ দিনে দিনে নিত্য নব সঙ্গীতের হারে ।  
 অন্যায় অসত্য যত, যত কিছু অত্যাচার পাপ  
 কুটিল কুৎসিত ক্রুর, তার 'পরে তব অভিষাপ  
 বধিয়াছে ক্ষিপ্ৰবেগে অর্জুনের অগ্নিবাণ সম,  
 তুমি সত্যবীর, তুমি সুকঠোর, নির্মল, নির্মম,



করণ কোমল । তুমি বঙ্গ-ভারতীর তন্ত্রী-’পরে  
 একটি অপূৰ্ণ তন্ত্র এসেছিলে পরাবার তরে ।  
 সে তন্ত্র হয়েছে বাঁধা ; আজ হতে বাণীর উৎসবে  
 তোমার আপন সুর কখনো ধ্বনিবে মন্ত্ররবে,  
 কখনো মঞ্জুল গুঞ্জরণে । বন্ধের অধনতলে  
 বর্ষা-বসন্তের নৃত্যে বর্ষে বর্ষে উল্লাস উথলে ;  
 সেখা তুমি এঁকে গেলে বর্ণে বর্ণে বিচিত্র রেখায়  
 আলিম্পন ; কোকিলের কুহরবে, শিখীর কেকায়  
 দিয়ে গেলে তোমার সঙ্গীত ; কাননের পল্লবে কুসুম  
 রেখে গেলে আনন্দের হিল্লোল তোমার । বঙ্গভূমে  
 যে তরুণ যাত্রিদল রুদ্ধদ্বার-রাত্রি অবসানে  
 নিঃশঙ্কে বাহির হবে নব জীবনের অভিযানে  
 নব নব সঙ্কটের পথে পথে, তাহাদের লাগি’  
 অন্ধকার নিশীথিনী তুমি, কবি, কাটাইলে জাগি’  
 জয়মাল্য বিরচিয়া, রেখে গেলে গানের পাথেয়  
 বহিতেজে পূর্ণ করি’ ; অনাগত যুগের সাথেও  
 ছন্দে ছন্দে নানাস্বত্রে বেঁধে গেলে বন্ধুত্বের জোর,  
 গ্রন্থি দিলে চিন্ময় বন্ধনে, হে তরুণ বন্ধু মোর,  
 সত্যের পূজারি !

আজ্ঞো যারা জন্মে নাই তব দেশে,  
 দেখে নাই যাহারা তোমারে, তুমি তাদের উদ্দেশে  
 দেখার অতীত রূপে আপনারে করে’ গেলে দান  
 দূরকালে । কিন্তু যারা পেয়েছিল প্রত্যক্ষ তোমায়



অনুক্ষণ, তাঁরা যা হারান্ তার সন্ধান কোথায়,  
 কোথায় সাস্থনা ? বন্ধু-মিলনের দিনে বারবার  
 উৎসব-রসের পাত্র পূর্ণ তুমি করেছ আমার  
 প্রাণে তব, গানে তব, প্রেমে তব, সৌজন্যে, শ্রদ্ধায়,  
 'আনন্দের দানে ও গ্রহণে । সখা, আজ হ'তে, হায়,  
 জানি মনে, ক্ষণে ক্ষণে চমকি' উঠিবে মোর হিয়া  
 তুমি আস নাই ব'লে, অকস্মাৎ, রহিয়া রহিয়া  
 করুণ স্মৃতির ছায়া স্নান করি' দিবে সভাতলে  
 আলাপ আলোক হস্ত প্রচ্ছন্ন গভীর অশ্রুজলে ।

আজিকে একেলা বসি' শোকের প্রদোষ-অন্ধকারে,  
 মৃত্যু-তরঙ্গিণীধারা-মুখরিত ভাঙনের ধারে  
 তোমাতে শুধাই,—আজি বাধা কি গো ঘুচিল চোখের,  
 হৃদয় কি ধরা দিল অনিন্দিত নন্দন-লোকের  
 আলোকে সম্মুখে তব, উদয়-শৈলের তলে আজি  
 নবসূর্য্যবন্দনায় কোথায় ভরিলে তব সাজি  
 নব ছন্দে, নূতন আনন্দ-গানে ? সে গানের স্বর  
 লাগিছে আমার কানে অশ্রুসাথে মিলিত মধুর  
 প্রভাত-আলোকে আজি ; আছে তাহে সমাপ্তির ব্যথা,  
 আছে তাহে নবতন আরম্ভের মঙ্গল-বারতা ;  
 আছে তাহে ভৈরবীতে বিদায়ের বিষণ্ণ মুচ্ছনা,  
 'আছে ভৈরবের সুরে মিলনের আসন্ন অর্চনা ।

যে খেয়ায় কর্ণধার তোমাতে নিয়েছে সিদ্ধুপারে  
 আশাটের সজল ছায়ায়, তার সাথে বারে বারে

হয়েছে আমার চেনা ; কতবার তারি সারি-গানে  
 নিশান্তের নিজা ভেঙে ব্যথায় বেজেছে মোর প্রাণে  
 অজানা পথের ডাক, সূর্যাস্তপারের স্বর্ণরেখা  
 ইঙ্গিত করেছে মোরে । পুন আজ তার সাথে দেখা  
 মেঘে-ভরা বুষ্টিঝরা দিনে । সেই মোরে দিল আনি,  
 ঝরে'-পড়া কদম্বের কেশর-সুগন্ধি লিপিখানি  
 তব শেষ বিদায়ের । নিয়ে যাব ইহার উত্তর  
 নিজ হাতে কবে আমি, ওই খেয়া' পরে করি' ভর,  
 না জানি সে কোন্ শান্ত শিউলি-ঝরার গুরুরাতে ;  
 দক্ষিণের দোলা-লাগা পাখী-জাগা বসন্ত-প্রভাতে,  
 নব মল্লিকার কোন্ আমন্ত্রণ-দিনে ; শ্রাবণের  
 ঝিল্লিমজ্জ-সঘন সঙ্কায় ; মুখরিত প্লাবনের  
 অশান্ত নিশীথ রাত্রে ; হেমন্তের দিনান্ত বেলায়  
 কুহেলি-গুণ্ঠনতলে ?

ধরণীতে প্রাণের খেলায়  
 সংসারের যাত্রাপথে এসেছি তোমার বহু আগে,  
 স্থখে দুঃখে চলেছি আপন মনে ; তুমি অহুরাগে  
 এসেছিলে আমার পশ্চাতে, বাঁশিখানি লয়ে হাতে,  
 মুক্ত মনে দীপ্ত তেজে, ভারতীর বরমাল্য মাথে ।  
 আজ তুমি গেলে আগে ; ধরিত্রীর রাত্রি আর দিন  
 তোমা হতে গেল খসি', সর্ব আবরণ করি' লীন  
 চিরন্তন হ'লে তুমি, মর্ত্য কবি, মুহূর্তের মাঝে ।  
 গেলে সেই বিশ্বচিত্তলোকে, যেথা স্নগম্ভীর বাজে  
 অনন্তের বীণা, যার শব্দহীন সঙ্গীতধারায়

ছুটেছে রূপের বত্মা গ্রহে সূর্য্যে তারায় তারায় ।  
 সেথা তুমি অগ্রজ আমার ; যদি কভু দেখা হয়,  
 পাব তবে সেথা তব কোন্ অপরূপ পরিচয়  
 কোন্ ছন্দে, কোন্ রূপে ? যেমনি অপূৰ্ব্ব হোক নাকো ।  
 তবু আশা করি যেন মনের একটি কোণে রাখো  
 ধরণীর ধুলির স্মরণ, লাজে ভয়ে হুখে স্থখে  
 বিজড়িত,—আশা করি, মর্ত্যজন্মে ছিল তব মুখে  
 যে বিনয় স্নিগ্ধ হাস্য, যে স্বচ্ছ সতেজ সরলতা,  
 সহজ সত্যের প্রভা, বিরল সংযত শাস্ত কথা,  
 তাই দিয়ে আরবার পাই যেন তব অভ্যর্থনা  
 অমর্ত্যলোকের দ্বারে,—ব্যর্থ নাহি হোক এ কামনা ।

শ্রীরবীন্দ্রনাথ ঠাকুর





সত্যেন্দ্রনাথ দত্ত

# বিদায়-আরতি

## হিন্দোল-বিলাস

প্রাণে মনে হিলোল

বনে বনে হিন্দোল

মেঘে মৃদঙের বোল্‌ মৃদু-মস্তুর ;

শ্রাবণেরি ছন্দে

কদমেরি গন্ধে

আয় তুই চঞ্চল ! চির-সুন্দর !

নিশাসে কি সৌরভ !

কাব্যে চূলে মেঘ সব !

পশ্লায় পশ্লায় রূপ ধর গো ;

কালো চোখে বিদ্যুৎ,

কোনোখানে নেই খুঁৎ,

অদ্ভুত ! অদ্ভুত ! তুই স্বর্গ !

আরো কাছে আয় তুই

কালো চোখে চোখ খুই,

ভুলে থাকি দিন-দুই দুনিয়ার সব,

## বিদায়-আরতি

শুধু হাসি আর গান

শুধু সাবড়ের তান

ভালোবাসাময় প্রাণ—শুধু উৎসব ।

কে গেছে কে যায় আর

অতশত ভাবনার

ফুরসৎ নেই আজ নেই, বন্ধু !

তুমি আছ এই খুব,

ধ্যানে ধ'রে ওই রূপ

ভরপুর চিন্তের সব তত্ত্ব ।

এ মিলনে, অশ্রুর

মেশে যদি খাদ্ সুর

কি হবে তা' ? হয় বা কি ভেবে বিস্তর ?

কেয়া-গুঁড়ি তবে মাখ্,

তুলে নে রে লাখে লাখ্

জুঁইফুল,—বিল্কুল চুলে তুই পর ।

আমি দেখি তন্ময়

চেয়ে চেয়ে মন্থয়

শত তারা যাক্ হেসে লাখ্ হিন্দু ;—

যদিও এ বাদলায়

ঝিঁঝিঁ-ডাকা কাজলায়

নেই চাঁদ,—জ্যোৎস্নার নেই বিন্দু ।



## ঘুমতী নদী

ঘুরে ঘুরে ঘুমতী চলে, হুমরী তালে ঢেউ তোলে !  
 বেল-চামেলির চুম্বকি চুলে, ফুলেল হাওয়ায় চোখ ঢোলে !  
 কুড়ুক-পাখীর উনুর রবে ঘুম ভাঙে তার, দিন কাটে,  
 ক্ষীর-দোয়েল-শালিক-শামা-বুলবুলিদের কনসাটে !  
 শণের ফুলে ছিটিয়ে সোনা শরৎ তারে সাজিয়ে যায়,  
 ভিঙি-ফুলের কনক-জবা তার নিকষে যাচিয়ে যায় ।  
 হেমন্ত ভেট ছায় তাহারে আনন্দে দুই হাত ভরি'  
 মুক্তো-কাটা গাজর-ফুলের চিকণ চাক ফুল্করী !  
 শিশির আসে নীল আকাশে বকাঞ্ ফুলের বক-ধ্বজা,—  
 উড়িয়ে ঘোষে ফুল-মলুকের নিত্যদিনের নওরোজা !  
 সমারোহ সর্ষে ক্ষেতে জর্দা-ফুলের একজাইএ—  
 খেলাঘরের খাস-গেলাসের জলুস বাঁধা-রোশ্নাই এ !  
 ঘুরে ঘুরে ঘুমতী চলে রিমঝিমিয়ে মন্বরে,  
 দিনের আলোর ফুলকিগুলি বুক জুড়ে তার সস্তরে !

\*

\*

\*

\*

ঘুমপাড়ানি ঘুমতী নদী ঘুমিয়ে কি তুই পথ চলিস্,  
 ঘুমের ঘোরে ঘুরিস্ শুধুই স্বপন-পুরীর বোল বলিস্ !  
 দুই কিনারায় ফুলের ফসল, পরণে শাড়ী ফুল-পেড়ে,  
 আমের ছায়া নিমের ছায়া এড়িয়ে আগে যাস্ বেড়ে ;

## বিদায়-আরতি

বসন্তে তোর ডাইনে বাঁয়ে ফুলের ধূলোট, ফুলের বান,  
মগজ ভরে মন হরে তোর সাত-আতরের ঐকতান !  
জলুম স্বপ্ন করলে নিদাঘ আঙুরা-ঝুরো ছুটিয়ে লু,  
শিরীষ-চাঁপার অঞ্জলিতে দিস্ ঢেকে তুই তার চিলু ।  
কাজরী যখন গায় মেয়েরা, বাদল-মেঘে থির কাজল,  
অটেল্ কেয়ার পরাগ মেখে তুই হ'য়ে যাস্ কেওড়া-জল ।  
খোস্বায়ে তোর খুসীর হাওয়া সোঁতের পিছন সঞ্চরে,  
ফুলগুলো ধায় ফড়িং হ'য়ে উড়ন-ফুলের রূপ ধ'রে !  
ঘুরে ঘুরে ঘুমুতী চলিস্ কুম্‌কো-ফুলের বন দিয়ে,  
চেউ-ঝিলিকে মাণিক জেলে চাঁদের নয়ন নন্দিয়ে ।

\*

\*

\*

\*

সঙ্গীতে তোর তৈরী শরীর রঙ্গ-বীণার রঙ্গিনী !  
অল্-গজলির গজল-গানের তুই যে চির সঙ্গিনী !  
কুশাণকে তুই করিস্ কবি, করতবে মন চমৎকার,  
নূপুর পায়ে চলিস্ মূছ ছুলিয়ে কনক-চন্দ্রহার !  
স্বল্‌তানেদের স্বল্‌তানা তুই, নবাব-বেগম রাজ-রাণী—  
অম্বর তুই, উর্বশী তুই, চার যুগই তোর প্রেমবাণী !  
দুই হাতে তোর ডালিম-আনার, ভুট্টা-জনার ছড়িয়ে যাস্,  
অড়র-চানার মাঝখানে তোর যোজন-জোড়া ফুলের চাষ ।  
মস্‌জিদে তোর টিপের মেলা, মন্দিরে তোর চন্দনা,  
পিক আহেরী-ময়না মিলে গায় তোমারি বন্দনা ।

আনন্দে নীলকণ্ঠ-পাখী বেড়ায় উড়ে তোর তীরে,  
মাছরাঙাকে চমকে দিয়ে চৌচিয়ে উঠে তিতিরে !  
ফুল-ক্ষেতে আর ফুল-খামারে শঙ্খচিলের আস্তানা—  
মুখ-চোখে ঠিক ফুল-বিলাসী স্থলতানেরি ভাবখানা ।  
ঘুরে ঘুরে আসছে তারা, ভাসছে ফুলের মুখ চেয়ে,  
ঘুরে ঘুরে ঘুমুতি চলে ঘুম-নিঝুমের গান গেয়ে ॥

### জাফ্রানিস্থান

যে দেশেতে চড়ুই-পাখীর চাইতে প্রচুর বুলবুলি,  
যেথায় করে কাকলি কাক নীরস নিজের বোল্‌ তুলি',  
বারোমাসেই সরস ঘাসে সবুজ যেথা ঘরের চাল,  
চালে চালে ফুলের ফসল চুম্বকী-চমক নিত্যকাল,  
ভূর্জপাতার চৌড়ায় যেথা আঙুর বেচে স্থন্দরী,  
হাজার হাজার হৈমবতী বেড়ায় যেথা রূপ ধরি',  
পথে ঘাটে রূপ-শতদল পাপড়ি যেথা ছড়িয়েছে,  
গিরিরাজের বৃকের পাঁজর আলোক-লতায় জড়িয়েছে,  
কোমল-কঠিন মিলছে যেথায় আঙুরে আর আখরোটে,  
ভুঁই-চাঁপারি সহ-স্যাঙাতি জাফ্রানে নীল ফুল ফোটে,  
শৈল-শ্লেটে অলখ্ আঙুল যেথায় দাগা বুলিয়ে যায়,  
বলাকা-বকফুলের মালা বিনি-সুতায় ছুলিয়ে যায়,



## বিদায়-আরতি

পাহাড়-কোলের কঁকণুলি সব যেথায় তরল-হর-ভরা—  
দিকে দিকে নূপুর-পায়ে নামছে ঝোঁরা শ্রদ্ধা,  
হাওয়া যেথা মেওয়ার সামিল, মেওয়ার সে অফুরন্ত,  
একলা ঝিলম্ব একশো যেথা, শান্ত এবং ছরন্ত !  
যেথায় লুকায়—মল্লৈ যেন—ক্লান্তি যত কায়-মনের,  
চিড়-খাওয়া হাড় হয় সে তাজা বাতাস লেগে চীড়-বনের,  
বনে ফোটে বনপুষ ফুল, পদ্ম ফোটে পবলে,  
ধূপের গন্ধে আমোদ করে ধূপী-বনের জ্বলে,  
ফলসা চেয়ে আঙুর স্থলভ, ফুলের জলসা রোজ দিনই,  
ঝাঁকে ঝাঁকে গুলাব ফোটে, ফোটে গুলেল্ ঘোস্মিনী,  
লাখে লাখে ম্যজারমণ্ডি গিলাস-ফুলের থাস-গেলাস,  
সোষম-ফুলের নীল স্বপ্নমায় আকুল যেথা হয় আকাশ,  
মর্ত্যে যাহার নাই তুলনা, তাই যারে কয় ভূস্বর্গ,  
মুগ্ধ ওরে ! হৃ-হাত ভ'রে দে তুই তারে দে অর্ঘ্য ।

\* \* \*

গোগর-ঝাউয়ের গোকর্ণ-ছাঁদ শাখার তুষার সবুতেছে,  
শালের পশম ঝলমলিয়ে ছাগলগুলি চবুতেছে,  
শিস্ দিয়ে যায় রাখাল-ছেলে গুজর এবং গকরে,  
লাফিয়ে হঠাৎ হাসতে থাকে উছট খেয়ে টকরে,  
ধান চলেছে চাল চলেছে পশমী মোটা বস্তাতে,  
মোদো হ'য়ে উঠছে মেতে আপেল-পেয়ার রাস্তাতে,

ককা-ছামে নক্সা এঁকে চলছে বঁকে ঝিলম্ গো,  
 ফুলছে ফেনায় সাপবাজী তার দিন-দেওয়ালির কী রঙ্গ !  
 ঘূর্ণি ঘুরে চকী কেটে চলছে কোথাও ঝড়-গতি,  
 ঝঙ্কারে তার ঝঞ্জা বধির মঞ্জীরে ছড়ায় মোতি,  
 ঝামঝামিয়ে যায় রূপসী চাঁদি-রূপার পায় তোড়া,  
 ফুলিয়ে হোথা হুলিয়ে কেশর বার হ'ল ওর সাতঘোড়া,  
 চলছে নেচে কাঁচিয়ে কঁচে পাহাড়গুলোর অচল ঠাট,  
 ওঠা-নামার নাগর-দোলায় হুলিয়ে আঁচল পাগল নাট,  
 তুঁত-পাহাড় আর খয়ের-পাহাড় পাহাড় সাদা ফটুকিরি,  
 নস্ত্রি রঙের পাহাড়গুলো ভস্ম হেন যায় চিরি',  
 গৈরিকে সে সাজছে কোথাও, মাজছে কোথাও নীল পাথর,  
 জম্কে এসে থম্কে হঠাৎ ঘোম্টা টেনে হয় নিখর ।

\*

\*

\*

কঠোর ধূসর নয়কো উষর পাথর হেথা-উর্বরা,  
 এই পাথরের স্তরে স্তরে ফসল ফলে বুক-ভরা,  
 এই পাথরের পাটায় পাটায় স্বর্গ হ'তে বারম্বার  
 লক্ষী নামেন, ঐ দেখ গো পৈঠা-পীড়ি আসন তাঁর !  
 উথলে দিতে সোনার সরিৎ হরিৎ-বেশে উদয় হন  
 এই কঠোরের ঘাটে ঘাটে, রানায় রানায় তাঁর চরণ !  
 এই কঠোরে কোমল ক'রে ফসল ফলায় কাশ্মীরী,  
 অন্ন আয়ু আদায় করে এই পাথরের বুক চিরি' ।

\*

\*

\*

## বিদায়-আরতি

পৌছেছি গো পৌছেছি আজ গিরিরাজের অন্তরে,  
শিবের বিয়ের ওই যে টোপর ওই যে গো বিরাজ করে,  
ঐ যে 'হরমুকুট' উজল ঐ যে চির-চমৎকার,  
বেড় দিয়ে ভূজঙ্গ-সাথে গঙ্গা আছেন অঙ্গে ধার,  
ঐ যে 'নাক্ষা' ঐ যে ধিক্ ঐ যে নন্দী ভূঙ্গী সব,  
নিচ্ছে মনে আজ বা মোরা শুন্ব শিবের শিঙার রব,  
মুক্তিমতী হৈমবতী কবির কন কাশ্মীরে,  
ফুটেছে এই সোনার কমল গিরিরাজের বুক চিরে,  
তপের তাপের শেষ নাহি এর, শিবের আশা-পথ চেয়ে,  
হুঃসহ ক্রেশ সইল কত উষা-প্রভা এই মেয়ে ।

\* \* \* \*

সার দিয়েছে সফেদ তরু দীর্ঘ পথের দুই ধারে,  
লক্ষ ময়ূরপুচ্ছ-চামর হেল্ছে হাওয়ার সঞ্চারে,  
সবুজ ঘাসের গাল্চে 'পরে গাব্বা পাতে সুন্দরী,  
গাছের ছায়ার গাব্বা—তাতে টুকরো রোদের ফুলকরী,  
চীনার গাছের ধবল বাহ মেল্ছে পাতার পাঁচ আঙুল,  
দেবের ভোগ্য ফল্ছে গো সেব, ফুটেছে হোথা আনার-ফুল,  
বাদাম-গাছের পাংলা পাতায় লাগ্ছে হাওয়া দিক্-ভোলা,  
হাস্ছে আলো আকাশভরা, হাস্ছে হাসি দিল্-খোলা ।

\* \* \*

সপ্তসেতুর শহরে আজ নূতন হিমের পড়্ছে ঘের,  
শৈল-পটে বরফ-হরফ নূতন কে গো লিখ্ছে ফের,

হ্রদের জলে কমল লুকায়—মস্তে যেন যায় উড়ে,  
 পদ্মফুলের পাপড়ি শুকায় পদ্মপাতার কোল জুড়ে,  
 শিঠিয়ে ওঠে কাঁটার মালা বেগুনি পাতায় পানফলের,  
 ট্যাপের ট্যাঁপা ফলগুলো সব শীতের শাসন পাচ্ছে টের,  
 সর্ষেফুলের ঝাঁঝালো মউ, পদ্মফুলের মউ মিঠে,—  
 মোমাছির ভিয়েন্ করে, নেই অপচয় এক-হটে,  
 ভাসা ক্ষেতে খাটছে চাষা শেষ-ফসলের তব্বিরে,  
 কাংড়িতে ফের ভরছে আগুন বুড়োবুড়ী গম্ভীরে,  
 হাঁজীর মেয়ে আজকে সাঁঝে প্রাচীন কাঁথা জাড়িয়েছে,  
 শীতের বাতাস প্রাচীন গাথা পাণ্ডু পাতা ছড়িয়েছে,  
 বরফি-কাটা ক্ষেতের পরে জাফরানে ফুল ফুটল রে,  
 শিশির-জলে ঘুম-জড়ানো চোখের ঘুম কি টুটল রে !  
 নীল-লোহিতের বিভূতি ওই লেগেছে আজ আস্মানে,  
 লেগেছে য়োস্মিনীর ফুলে, আর লেগেছে মোর প্রাণে,  
 নীলের কোলে সোনার কেশর 'নীলসুখেতে' স্পন্দমান,  
 নীলপাহাড়ের ফুলদানীতে প্রফুল্ল জাফরানিস্থান ।

## আলোর পাথার

কে বাজালে মাঝ-দিনে আজ প্রহর-রাতের স্বর সাহানা !  
 শঙ্খ-গৌর মেঘের মেলায় শঙ্খ-চিলের মিলায় ডানা ।  
 জর্দা-কাঠির গম্বুজেতে ময়না জেগে স্বপ্ন দেখে,  
 শিউলি-ফুলি হাওয়ায় ভেসে ঘাসের ফুলে ফড়িং ঠেকে !  
 গাছের গোড়া গোন্টী ক'রে নিকিয়ে ছায়া ছায় নিভুতে,  
 সেই চাতালে রাখাল আসে একটুকু গা গড়িয়ে নিতে ।  
 জলের তালে ঢুলছে মাঝি বাধা নায়ের ছই-তলাতে,  
 টুনটুনি ধায় একলা কেবল করমুচা-ডাল টল্‌মলাতে ।  
 পালান্-ছোঁয়া শাঁওলা ঘাসে বাছুর গরু চরছে পালে,  
 নাড়িয়ে দু'কান তাড়িয়ে মাছি লোটন্-ল্যাজের ছেপ্‌কা-তালে,  
 দীঘির জলে রূপোর ঝিলিক দেখছে ব'সে মাছরাঙা সে,  
 ঢল্‌-নামা জন থিতায় গাওের,—যায় আখা তার পাড় ভাঙা যে ।  
 পতব্-আঁটা গতর নিয়ে চলছে গেতো বোঝাই-ভরা,—  
 মাঝাই বেলার গোড়েন্‌ স্বরে গোড় দিয়েছে নেইক স্বরা ।  
 দূর কিনারায় পাজর-খোলা মেরামতের নৌকোখানা  
 প'ড়ে প'ড়ে খেয়াল ছাথে বন্যাদিনের প্রলয় হানা !  
 চরের পরে ঝিমায় কাছিম, চোখের পাতে মোতির দানা,  
 পিঠেতে তার ঝিমায় ব'সে শামুক-খুলি পাখীর ছানা ।  
 মরালী ধায় লহর তুলে মরাল তাহার ফেরে পাছে,  
 দোলন-চাঁপার নিখর মোহে মগজটা তার ভ'রে আছে ।



মাজা আলোয় সাজন সাজে, বিজ্ঞন গেহে মুখ চোখে,—  
 বাজন বাজে বুকের তালে, আয়নাতে মুখ দেখছে ও কে!  
 আতর-ভরা চাওনি দিয়ে আপনাকে ও বরণ করে,  
 চাপাই আলো সাত ঝরোকায় ঝাঁপায় রে ওর চরণ-পরে।  
 আলোর আতর খিতিয়ে বুঝি এই অপরূপ রূপ পেয়েছে,  
 রূপের ধূপের সৌরভে আস্মান ছেয়েছে—প্রাণ ছেয়েছে,  
 আস্মানে আর পরাণে আজ সোনার পোড়েন সোনার টানা,  
 শুক্তি-ধবল মেঘের মেলায় হংস-মিথুন মিলায় ডানা।

## করাদু

[ দিতি ও কণ্ঠপের পুত্র অশ্বর-সম্রাট হিরণ্য-কশিপুর পত্নী  
 করাদু। ইনি জম্ভাসুরের কন্যা ও মহিষাসুরের ভগিনী। ইহার  
 চারি পুত্র—প্রহ্লাদ, সংহ্লাদ, হ্লাদ ও অহুহ্লাদ। ]

কার তরে এই শয্যা দাসী, রচিস্ আনন্দে ?  
 হাতীর দাঁতের পালকে মোর দে রে আগুন দে।  
 পুত্র যাহার বন্দীশালায় শিলায় শুয়ে, হায়,  
 ঘুম যাবে সে ছুধের-ফেনা ফুলের-বিছানায় ?  
 কুমার যাহার উচিত ক'য়ে সয় অকথা ক্রেশ,  
 সে কি রাজার মন ভোলাতে পরবে ফুলের বেশ ?

হুলাল বাহার শিকল-বেড়ীর নিগ্রহে জর্জর,  
 জন্তলিকা! রত্ন-মুকুট তার শিরে দুর্ভর !  
 পার্ব না আর করতে শিঙার রাখতে রাজার মন,  
 জঞ্জালে ডাল্ জঞ্জাল-জাল রাণীর আভরণ !  
 ফণীর মতন রাজার দেওয়া দংশে মণিহার,  
 যম-যাতনা এখন এ মোর রম্য অলঙ্কার !  
 কেয়ূর-কাঁকণ শিথ্লে দে রে, খুলে দে কুণ্ডল,  
 শিথ্লে দে এই মোতির সীঁথি শচীর আঁখিজল !  
 রাণীত্বে আর নাই রে রুচি—নাই কিছুরই সাধ,  
 যে দিকে চাই কেবল দেখি লাক্ষিত প্রহ্লাদ !  
 যে দিকে চাই মলিন অধর, উপবাসীর চোখ,  
 যে দিকে চাই গগন-ছোঁয়া নীরব অভিযোগ,  
 যে দিকে চাই ত্রতীর মূর্তি নিগ্রহে অটল,  
 সাপের সাথে শিশুর খেলা,—মন করে বিহ্বল ।  
 মারণ-পটু মারছে বটু—মারছে বাছারে,  
 শত্রুপানি দিচ্ছে হানা বালক নাচারে,  
 কাঁটায় গড়া মারছে কোড়া হৃদয়ের ছেলের গায়,  
 ছাখ্ রে রাঙা দাগ্‌ড়াতে ছাখ্ আমার দেহ ছায় !  
 প্রাণের ক্ষতে লোহর ধারা ঝরছে লক্ষ ধার,  
 আর চোখে নিদ্ আস্বে ভাবিস্ পালকে রাজার ?  
 গুমে গুমে পুড়ে যেন যাচ্ছে শরীর মন,  
 ক্লান্ত আঁখি মূদলে দেখি কেবল কুস্বপন,

পাহাড় থেকে আছড়ে ফেলে দিচ্ছে পাথরে—  
 প্রহ্লাদ মোর ; দিচ্ছে ঠেলে সাপের চাতরে ।  
 জগদলন পাষণ বুকে ফেলছে তরঙ্গে,  
 চোরের সাজে সাজিয়ে সাজা চোরেরি সঙ্গে !  
 নির্দোষেরে খুনীর বাড়া দিচ্ছে রে দণ্ড  
 কালনেমি, কবন্ধ, রাহু দৈত্য পাষণ্ড ।  
 কতু দেখি ফেলছে বাছায় পাগুলা হাতীর পায়,—  
 বিদ্রোহীদের প্রাপ্য সে আজ নিরীহ জন পায় !  
 চর্মচোখে রক্ত ঝরে দারুণ সে দৃশ্যে,  
 মর্মচোখে কেবল দেখি...নৃসিংহ বিশ্বে !

\* \* \* \*

হায় ক্ষমতার অপপ্রয়োগ !...হাহা রে আফশোষ,  
 অপ্রযুক্ত দণ্ড এ যে,...জাগায় বিধির রোষ !  
 কি দোষ বাছার বুঝে নারি, অবাক্ চোখে চাই,  
 ইচ্ছা করে এ দেশ ছেড়ে অন্ন কোথাও যাই—  
 অন্ন কোথাও—অন্ন কোথাও—এ রাজ্যে আর নয়,  
 ভাগ্যে আমার স্বর্গপুরী হ'ল ভীষণ-ভয়,  
 চোখের আগে কেবল জাগে ছেলের মলিন মুখ,  
 খড়্গে জেতা স্বর্গপুরে নাই রে স্বর্গ-সুখ ।  
 বুঝে নারি কী দোষ বাছার,...ভাবি অহর্নিশ,  
 ষণ্ড গুরুর শিক্ষা পেয়েও ষণ্ডামি তার বিষ,...

মিনতি-বোল্ বলতে গেলাম দৈত্যপতিরে,...

বিমুখ হ'য়ে,...আঁকড়ে বুকে নিলাম ক্ষতিরে,

ছেড়ে এলাম সভাগৃহ বাক্য-যন্ত্রণায়

সিংহাসনের আসনে ভাগ্য ঠেলে এলাম পায়,

ভাব-দেহে যাই লাগল আঘাত, হায় রে কয়াদু,

স্থূল-শরীরও মরিয়া হ'ল, টিকল না যাহু।

চ'লে এলাম রাজ্য রাজা ডুবিয়ে উপেক্ষায়,—

সত্য যেথা পায় না আদর চিত্ত বিমুখ তায়।

আমার পথে দেখে এলাম কেবল অলক্ষণ,—

বিপ্লব মোর বিধবা-বেশ স্তম্ভ অগণন।

ব্যাকুল চোখে চাইতে ফাঁকে চোখ হ'ল বন্ধ,

মশানে স্ব-মুণ্ডে লাগি ঝাড়ছে কবন্ধ!

ক্ষিপ্ত-পারা আকাশে চাই, সেথায় দেখি হায়,

রক্ত-স্নাত সিংহ-শীর্ষ পুরুষ অতিকায়,

অঙ্গে তাহার লুটায় কে রে মুকুট-পরা শির,

সিংহনখে ছিন্ন অস্ত্র চৌদিকে রুধির!

হু'হাতে চোখ ঢেকে এলাম অন্ধ আশঙ্কায়

ভিত্তি-পরে কপাল ঠুকে কেবল প্রতি পায়।

সেই অবধি শুন্ছি কেবল অন্তরে গুরুগুরু

বিসর্জনের বাজনা বাজায় বিপর্যয়ের স্বর,

টলছে মাটি নাগ বাসুকী অধর্মেরি ভার

হাজার ফণা নেড়ে করে বইতে অস্বীকার।

যে বিধি নয় ধর্ম্য, বুঝি, তার আজি রোখ-শোধ ;  
 বিধির টনক নড়ায় শিশুর শিষ্ট প্রতিরোধ ।  
 বিধি-বহিষ্কৃতের বিধি মান্বে না কেউ আর,  
 ওই শোনা যায়, জন্তলিকা ! নৃসিংহ-হুকার !  
 রেখে দে তোর শয্যা-রচন রাণীর পালকে,  
 হৃষীকেশের শাঁখ হৃদে শোন্ হর্ষে—আতকে !  
 ভীষণ মধুর রোল উঠেছে রুদ্র আনন্দে,  
 স্থখের বাসায় স্থখের আশায় দে রে আগুন দে ।  
 দুঃখ বরণ করেছে মোর নির্দোষী প্রহ্লাদ,  
 সেই দুখে আজ আঁকড়ে বুকে চল্ করি জয়নাদ ।  
 আত্মা চাহে শিশুর রূপে প্রাপ্য যাহা তার,—  
 বিদ্রোহ নয় বিপ্লবও নয় গ্রায্য অধিকার ।  
 উচিত ব'লে দণ্ড নেবার দিন এসেছে আজ,  
 উচিত ক'রে পরতে হবে চোর-ডাকাতের সাজ,  
 চিত্ত-বলের নড়াই শুদ্ধ পশু-বলের সাথ,  
 বক্তা-বেগের হানার মুখে কিশোর-তনুর বাঁধ !  
 প্রলয়-জলে বটের পাতা ! চিত্ত-চমৎকার !  
 তীর্থ হ'ল বন্দীশালা, শিকল অলঙ্কার !  
 খেদ কিছু নাই, আর না ভরাই, চিত্তে মাঠে রব ;  
 উচিত ব'লে বন্দী ছেলে এ মম গৌরব !  
 কয়লাধু তোর জনম সাধু, মোহ রে চোখের জল,  
 রাজ-রোষেরি রোশ্নায়ে তোর মুখ হ'ল উজ্জল !



## মল্লিকুমারী

[ ইনি মথুরার রাজকন্যা ; মতান্তরে মিথিলার । মহাবীর, পার্শ্বনাথ, শীতলনাথ, শান্তিনাথ, ঋষভদেব প্রভৃতির গ্রাম ইনি একজন জৈন তীর্থঙ্কর । চব্বিশজন তীর্থঙ্করের মধ্যে নারী-তীর্থঙ্কর এই একজন মাত্র । মল্লিকুমারীর আবির্ভাব-কাল বুদ্ধদেবের অনেক পূর্বে । ]

সকল প্রাণীতে সমান দৃষ্টি,—

কারো প্রতি মোর বৈর নাহি ;

অজানিতে যদি ঘটে অপরাধ

কীটেরও নিকটে ক্ষমা যে চাহি ।

ছেড়েছি হরিষ-বিষাদের বিষ,

ছেড়েছি সকল উৎসুকতা,

রতি-অরতির ঘুচেছে দ্বন্দ্ব,

মোহের বন্ধ ছিন্ন-লতা ।

অশোকের তলে একাকী বিরলে

করি' তপস্যা পদ্মাসনে,

গেছে দীনভাব, ভীকর স্বভাব,

সকল শোচনা গেছে তা' সনে ।

বিমল শ্রদ্ধা-নীরে নিরমল

চিত্তে অহিংসা নিয়েছি ব্রত,

সায় হ'য়ে আসে কলুষ-কষায়

নিশি-শেষে দুঃস্বপ্ন মত ।

শুষ্ক-ধ্যানের সাগর-বেলায়

আছি দাঁড়াইয়া শাস্ত-অঁধি,

তবু মনে হয়—এখনো সময়

হয় নি, কি যেন রয়েছে বাকী ।

হে অশোক ! মোর তপের সাক্ষী,

তুমি জানো মোর সকল কথা,

শুষ্ক বৃক্ষ ! তোমার তলায়

সিন্ধু-শিলার পাই বারতা ।

নিদাঘে দহিয়া, বাদল সহিয়া

জীর্ণ করেছি দেহের দ্রোহ,

শুণ-স্থানের ছাদশ সোপানে ;

তবু নয় উপশাস্ত মোহ !

তবু সংশয়, তবু মনে হয়

মৈত্রী এ মোর সর্বভূতে

এ শুধু নারীর মাতৃ-হিয়ার

মমতা,—দূরে না যায় কিছুতে ।

বর্জন যারে করেছি কঠোরে,

সে এসেছে চূপে ছদ্মবেশে,—

স্নেহ-ঘন মোহ-বন্ধন-জালে

জড়ায়ে আমায় বাঁধিতে শেষে !

অগাধের মীন, পথের পিপীলি'

হ'য়ে ওঠে ক্রমে পুত্রসম ;

## বিদায়-আরতি

অশোক ! অশোক ! ফুটাও আলোক,  
ভাবনার ঘানি নাশ এ মম।  
খেলাঘরে ছিল পুতুল যাহারা  
সব স্নেহ মোর দখল ক'রে  
মিনতি করিল মা হ'তে তাহারা  
একদা নিশীথে স্বপ্নঘোরে।  
মুরতি ধরিয়া আমারে সাধিল  
আমার হিয়ার মাতৃস্নেহ ;  
আমি কহিলাম, “বাছা রে অ-নাম !  
তোদের যোগ্য নাই যে গেহ।  
কঠিন এ ধরা ককর-ভরা,  
নবনীর চেয়ে কোমল তোরা,  
ঘুমাইয়া থাক এ হৃদি-কমলে  
পরিমল-ঘন স্বপন-ভোরা।  
ফিরাইয়া চোখ ফুলাইয়া ঠোঁট  
মিলাইয়া গেল মূর্তমায়া,  
মমতার ক্ষীর-সায়রের জলে  
লীলা-কুতূহলী লুকাল কায়া।  
কৈপে গেল বুক, মমতার ভুখ  
স্বপনের পাওয়া হারিয়ে ফেলে  
হাহাকারে যেন জাগাল আমায়  
অঁাখিজলে অঁাখি-কবার্ট ঠেলে।

স্বপ্ন-শিশুর স্নেহে অজানিতে  
 নেমেছিল যেই পীযুষ-ধারা,  
 অজানিতে গেল ফিরে সে আবার,  
 সারা দেহ-মনে হ'ল সে হারা !

না পেয়ে আধার অমৃতের ধার  
 শিরে উগশিরে মিনাল চূপে,  
 আজ মনে হয় হ'ল সে উদয়  
 হৃদয়ে বিশ্ব-মৈত্রী-রূপে !

ঘুম পাড়াইয়া যারে ঘুমন্তে  
 রেখেছিহু হৃদি-পদ্মপুটে,  
 মনে হয় সেই জলে মহীতলে  
 শত রূপে আজ উঠেছে ফুটে !

তুণে অকুরে সেই তুষাতুর—  
 থাকে পথ চেয়ে, মনেতে মানি,  
 নিত্য তাদের তৃষ্ণা মিটাই

কলসে কলসে সলিল আনি' ।  
 পাখী হ'য়ে আসে করিঘা কাকিল  
 যেন জানেনাক' আমায় বিনে  
 পিপীলিকা হ'য়ে ফেরে পায় পায়,  
 চিনি দিব আমি রেখেছে চিনে ।

স্নান হ'য়ে চায় অনিমেঘ-আঁধি  
 আমারি হাতের অন্ন লাগি',

## বিদায়-আরতি

অতলের ডেরা ছেড়ে আসে এরা।

যেন রে আমারি মমতা মাগি' ।

মনে হয় এই চির-কুমারীর

মানস-পুত্র ইহারা সবে,

বিশ্বের প্রাণ করে আস্থান

মোরে নিশিদিন, নীরব রবে !

মুখ চেয়ে থাকে, মা বলিয়া ডাকে,

ভুলে ভুলে যাই আমি কুমারী ।

এ-কি অহুঃ-বাক্য ? হায় !

এ কি অপরূপ বৃষ্টিতে নারি ।

অঞ্জলি যার অন্নের খালি,

তরুতল যার হয়েছে গেহ,

এ কি মাতৃতা-ভৃক্ষা তাহার

এ কি ব্রতঘাতী ছদ্ম স্নেহ !

অশোক ! অশোক ! খুলে দাও চোখ,

ভুমি যে আমার তপের তরু,

তোমার ছায়ায় পাব আমি পাব

কেবলী-জ্ঞানের পরম চক্র ।

\* \* \*  
এ কি দেখি ছবি ! সাক্ষী-বিটপী \*

অকালে ফুটায় কুসুমপাঁতি,—

কি বলিতে চায় ?—কলুষ-কষায়

লাগেনি ?—মলিন হয়নি ভাতি ?



তাই এ পুলক ? ফুলের স্তবক  
 অকালে অশোক তাই ফুটালে ?  
 দীর্ঘ-বেলার হৃথ অবসান,  
 তপী তরু মোর ভ্রম ছুটালে ।  
 মিছে সংশয়,—বন্ধন নয়,  
 নিখিল জীবিতে এই মমতা,  
 নিখিল জিনের প্রসাদ ঘোষিছে  
 পুষ্প-তরুর প্রসন্নতা ।  
 মিছে এ দ্বন্দ্ব কপট-বন্ধ  
 রচে নাই বাধা হৃদয়ে ঢুকে,  
 ফলের কামনা নাই এক কণা,  
 নিদান-শল্য নাই এ বুকে ।  
 সকল প্রাণীর হিতে এ শরীর  
 ব্রতধীর হ'য়ে নিয়োজে যোবা,  
 তার মমতায় নাইক কষায়,  
 মমতা তাহার মহতী সেবা ।  
 জয় ! জয় ! জয় ! নাই সংশয়,  
 টুটেছে সকল ভুল টুটেছে,  
 আমার তপের সাক্ষী-পাদপে  
 অকালে প্রসাদ-ফুল ফুটেছে !  
 জ্ঞান-আবরণ হ'ল রে মোচন,  
 মোহনীয় কিছু নাইক প্রাণে,

## বিদায়-আরতি

শুরু-ধেয়ানে সঁতারিয়া চলি

অযোগ-কেবলী গুণস্থানে ।

দেহ-কর্পূর যায় কোন্ দূর,

মনে অনন্ত-বলের লীলা,

জ্ঞান অনন্ত, অফুরান্ স্থ,

নাগালে আমার সিদ্ধশিলা ।

মমতার পথে মোক্ষ আমার,

সাধনা আমার ত্রিকাল ভরি',

বিস্ত আমার চির-চারিত্র,

হৃদয়ে ললাটে রত্ন ধরি ।

প্রসূতি না হ'য়ে শত সন্তান

পেয়েছি, হৃদয়ে নিয়েছি টানি' ;

প্রসবের ব্যথা যে খুসী সে নিক

পালনের ব্যথা আমারি জানি ।

যুগলিক-যুগে হয়নি জনম,

যুগল-সাধনা আমার নহে,

সেই সাধনার সার যে মমতা

মনে ভায়, মোর রক্তে বহে ।

নিখিল প্রাণীর পাপ্‌ড়ি মিলায়ে

মমতার কোলে দিয়েছি মম,

নিখিল প্রাণের চন্দ্রমল্লী

এ হৃদয়ে ভায় চন্দ্র সম !

একটি চামেলীর প্রতি

চামেলি তুই বল,—  
অধরে তোর কোন্ রূপসীর  
রূপের পরিমল !

কোন্ রজনীর কালোকেশে  
নুকিয়েছিলি তারার বেশে,  
কখন খসে পড়লি এসে  
ধুলির ধরাতল !

কোন্ সে পরী গলার হারে  
রেখেছিল কাল তোমারে,  
কোন্ প্রমদার স্বধার ভারে  
টুপটুপে তোর দল !

কোন্ তরুণীর তরুণ মনে  
জাগলি রে কোন্ পরম ক্ষণে,  
বাইরে এলি বল কেমনে  
সকোচে বিহ্বল !

সুন্দরী কোন্ বাদশাজাদীর  
কামনা তুই মৌন-মন্দির,  
বান্দা-হাটের কোন্ সে বাদীর  
তুই রে আঁখিজল !

জ্যোৎস্না-জলের তুই নলিনী  
পান্লে তোরে কোন্ মালিনী,  
কোন্ হাটে তোর বিকিকিনি  
জান্তে কুতূহল !

সব্জে কোপের পান্না-ঝাঁপি  
রাখ্তে নারে তোমা'য় ছাপি' ;  
বাতাস দেছে ঘুরিয়ে চাবি  
আল্গা মনের কল !

সৌরভে তোর স্বপন বলে,  
বুল্‌বুলে ছায় কণ্ঠ খুলে,  
পাপিয়া মাতাল মনের ভুলে  
বক্ছে অনর্গল !

তোর নিশাসের মুসক্সরে  
মুসাফিরের যগজ্জ ভরে,  
ফুটায় মনে কি মন্তরে  
খুসীর শতদল !  
অধরে তোর কোন্ রূপসীর  
হাসির পরিমল !  
চামেলি তুই বল !

---

## ছুভিক্ষের ভিক্ষা

গান

[ উচ্চারণ সংস্কৃতানুযায়ী, হ্রস্ব-দীর্ঘ-ভেদে লঘু গুরু ]

আজি নিরন্ন দেশ বিপন্ন,

ক্লেশ-বিষন্ন লক্ষ হিয়া ;

নিষ্টুর মৃত্যুর নীরব-ছায়া

ছাইল অম্বর পক্ষ দিয়া ।

মরু-ধূসর প্রান্তর ওই,

বিমর্ষ অন্তর, বর্ষণ কই ?

আজি ভিখারী বালক নারী,

প্রাণ ধরে শিশু অশ্রু পিয়া ।

অতি দুঃসহ দুর্গতি রে,

হতাশ শত কক্ষালে ফিরে !

“কে দিবি অন্ন ?—কে হবি ধন ?”—

পুণ্য পথে ফিরিছে পুছিয়া !



## সিকলে সূর্যোদয়

হৃদে ধুয়ে আঁধার-মানি দৃষ্টি যে চাঁদ দিল নিশার চোখে,—  
 মিলিয়ে দিল পুষ্প-কলির প্রাণ-কুহরের কুহক স্ক্যান্ডালোকে,—  
 উপল-বহু উচল পথে স্নিগ্ধ-উজ্জল জালিয়ে রতন-বাতি  
 যাত্রীদলের সাথে সাথে মৌন পায়ে চলছিল যে সাথী,—  
 পথের শেষে থমকে হঠাৎ চমকে দেখি মাঝ-গগনের কাছে  
 রাত্রি-দিবার সন্ধি-রেখার অবাক-চোখে সে চাঁদ চেয়ে আছে—  
 চেয়ে আছে তুমার-রুচি খেত-ময়ূরের পারা,—  
 হিমে-হানা, কুণ্ঠিত-কায়, শীর্ণ-শিথিল পাখানা, পেখম-হারা ।

\*

\*

\*

মিলিয়ে গেছে মুখর জগৎ,—তলিয়ে গেছে অতল মৌনতাতে,  
 পেয়েছে লোপ দৃষ্টি-বাধা,—সকল বাধা সকল সীমার সাথে ;  
 সীমার সমাধ আকাশ অগাধ ডিম্ব হেন বিশ্ব-ভুবন ঘিরে  
 স্থপ্তি ঘেরা জন্ম-কোষে জগৎ-গরুড় পোষে হিমাত্রিরে !  
 হারিয়ে গেছে হাওয়ার চলা, নিশাস ক্যালা ফুরিয়ে গেছে যেন,  
 সঞ্চারে প্রাণ-বায়ু-বিতান গর্ত-শয়ান শিশুর নিশাস হেন,  
 বিশ্বয়েরি নূতন বিশ্ব স্বপ্নে মূঢ় হাসে ।  
 সকল আঁখি পূর্বমুখী অপূর্বেরি অভ্যুদয়ের আশে ।

\*

\*

\*

উষার আভাস জাগ ল কি রে ?—দিনমণির খুল্ল মণি-কোঠা ?  
 শুকতারাটির শিউলি-ফুলে লাগ্ ল ফিরে অরুণ-রঙের বোটা ?

পূব-তোরণে চিড়্ খেল কি দিগ্‌বারণের নিবিড় দস্তাঘাতে ?  
 ধূংরো-ফুলের ডালি মাখায় তুমার-গিরি আগ্‌ছে প্রতীক্ষাতে !  
 মুক্তা-ফলের লাবণ্য কি আমেজ দিল মুক্ত নীলাশ্বরে ?  
 দিগ্‌বধুরা চামর করে আকাশ-আলোর বিরাট হরিহরে ?  
 অলখ পরী উষারতির রত্ন-প্রদীপ মাগে,  
 'আলোক-গঙ্গা-স্নানের লাগি' জহু, কুবের, কনকজন্মা জাগে ।

\* \* \*

সোনার কাঠি ছুঁইয়ে দে রে, এ-নিদ্‌-মহল কার আছে তজ্‌বিজে ?  
 বিভাবরীর নীলাশ্বরীর অঁচল ওঠে মোতির আভায় ভিজে ?  
 হোরার কালো চুলের রাশে কোথায় থেকে ধূপের ধোয়া লাগে !  
 বন্‌-কপোতের গ্রীবার নীলে জাফরাণী নীল মিলায় অল্পরাগে !  
 পাশ্‌-মোড়া ছায় স্বপ্নে উষা আধ-খোলা চোখ আধ-ফোটা ফুল পারা  
 সোনা-মুখের হাই লেগে হয় মুহূর্মূহ আকাশ আপন-হারা !  
 বরণ গলে, মেঘ-মহলে দোলে কমল-মালা,  
 ছোপ রেখে যায় সোনার ধোয়াট, নীল কটিকের বিরাট্‌-তোরণ-আলা ।

\* \* \*

মাগর-বেলায় ছোট্ট ঝিলুক যেমন রঙে সদাই সেজে আছে—  
 ফুলের ফোটার ঢেউয়ের লোটার ঘে রঙ—ধরা ছায়না তুলির কাছে—  
 ফিরোজ-মোতি-গোমেদ্‌-চুনী-প্রবাল-নীলার নিশাস চয়ন ক'রে  
 আমেজ দিয়ে, আভাস দিয়ে, আব্‌ছা দিয়ে আকাশকে ছায় ভ'রে—

## বিদায় আরতি

ইন্দ্রলোকে রামধনকে কবির শ্লোকে যত রঙের মেলা

ভুবন ভ'রে নয়ন ভ'রে তেমনি-ধারা লক্ষ রঙের খেলা !

নিসর্গ আজ আচম্বিতে হয়েছে স্বর্গীয় !

অলখ্ তুলি সেচন করে, লোচন হেরে অনির্বচনীয় !

\* \* \*

পারিজাতের দল ছিঁড়ে কে ছোট্ট মুঠায় ছড়ায় গগন হ'তে

দেও-ভাঙাতে টিপ রাঙাতে আনন্দে দুধ-গন্ধাজলের শ্রোতে;

কোন্ ব্রত আজ গৌরী করেন রজতগিরির ভালে সিঁছর দিয়ে,

হেম হ'ল গা শঙ্করের ওই হৈমবতীর পরশ-পুলক পিয়ে !

আড়াল করে মেঘের মালা গিরিবালার ভরম দিতে ঢেকে,

আড়াল করে যবনিকায় মহাযোগীর মনের বিকার দেখে ।

জলে নেবে তুষার-ভালে আলো ক্ষণে ক্ষণে,

সেই আলোকে স্নান করে আজ বহুঙ্করার উচ্চতমের সনে ।

\* \* \*

প্রবাল-বাঁধা ঘাটের পারে তরল পদ্মরাগের নিলয় চিরে—

কে জাগে ? উদ্ভিন্ন ক'রে কমল-ঘোনির জন্ম-কমলটিরে !

কে জাগেরে অরুণ-রাগে ব্যগ্র আঁখির পুরিয়ে বাঁধা যত—

বাঘের চোখের আলোয় ঘেরা বরণমালা তুলিয়ে লক্ষ শত !

একি পুলক ! হ্যালোক-ভরা ! আলিঙ্গিছে হর্ষে অনিবার

আমার চোখের চমৎকারে তোমার আলোর চির-চমৎকার !

রোমে রোমে হর্ষ জাগে, জগৎ ওঠে গেয়ে,

চির-আলোর সাগর দোলে চোখের আলোর সঙ্গটুকুন পেয়ে ।

বর্ষ-বোধন

তোমার নামে নোয়াই মাথা ওগো অনাম ! অনির্কচনীয় !

প্রণাম করি হে পূর্ণ-কল্যাণ !

প্রভাত পেলে যে প্রভা আজ, সেই প্রভা দাও প্রাণে আমার প্রিয়,

আলোয় জাগো সকল-আলোর-ধ্যান !

সন্দেহী সে ভাবছে—তোমার অব্যাহত কল্যাণেরি ধারা

বন্ধুরতায় বিফল নরলোকে,

চর্মচোখের আশী হ'তে দিনে দিনে যাচ্ছে ঝ'রে পারা,

এবার জ্যোতি জাগাও মনের চোখে ।

বীভৎস হৃৎস্পন্দ-ভরে বিশ্ব-হৃদয় উঠছে মুছ কৈপে,

হাসছে যেন ভৈরবী-ভৈরবে ;

ভয়ের মেঘে ঝাপসা আকাশ, ভয়ের ছায়া সূর্য্যেরে রয় চেপে,

সে ভয় প্রভু ! হরো 'মা ভৈঃ' রবে ।

প্রীতি-শীতল এই পৃথিবী প্রেত-শিলা হয় যাদের উপদ্রবে,

রক্ত-রূপে তাদের কর নত ;

দস্তাঙ্গের দস্ত কাড়ো, মুখে-মধু কৈতবে—কৈটভে—

মাটির তলে পাঠাও কীটের মত ।

\*

\*

\*

রাজ-বিভূতি তোমার শুধু, বিশ্বধাতা ! তিন ভুবনের রাজা !

ইঙ্গিতে যার জগৎ মরে বাঁচে ;

মৃত্যু যাদের করবে ধূলো, বিড়ম্বনা তাদের রাজা সাজা,

পোকার-খোরাক তোমার আসন যাচে !

## বিদায়-আরতি

মানুষ সাজে বজ্রধারী, তোমার বজ্রদণ্ড নকল ক'রে,  
স্পর্শভরে পূজার করে দাবী ।

জীয়ে-কাঠির খোঁজ রাখে না, হয় ভগবান্ মরণ-কাঠি ধ'রে,  
দেবের ভোজ্যে মুখ দিয়ে খায় খাবি ।

যায় ভুলে সাম্রাজ্য-মাতাল কোথায় মিশর, কোথায় আফ্রিকা,  
খাল্দি, তাতার, রোম সে কোথায় আজ,  
কই বাবিলন, আরব, ইরান ? কই মাসিডন, রয় কিনা রয় জীয়া  
রথ-পাখীদের জরদগবের সাজ !

কই ভারতের বরুণ-ছত্র—দিগ্বিজয়ীর মাগর-জয়ের স্মৃতি ?  
মহাসোনা স্মৃতি আজ কার ?

যব, গ্রীকজয়, সমুদ্রিকা, বরুণিকা কাদের বাড়ায় প্রীতি ?  
সিংহলে কার জয়ের অহঙ্কার ?

প'ড়ে আছে অচিন্ দ্বীপে হিম্পানীয়ার দর্প-দেহের খোলা—  
ঝাঁজ্‌রা জাহাজ তিমির পাজর হেন,

পর্ভুগীজের সমান ভাগে গোল পৃথিবীর নিলে যে আধ-গোলা  
ফিলিপিনায় পিন্ পুঁতে ঠিক যেন ।

কোথায় মায়া-রাষ্ট্র বিপুল মাওরি-পেক-লক্ষা-মিশর-জোড়া ?  
ছায়ার দেশে বুঝি স্বপন-রূপে ?

হারিয়ে গতি ধাবন-ব্রতী ময়দানবের সিদ্ধচারী ঘোড়া  
বাড়ব-শিখায় নিশাস ফেলে চুপে ।

\*

\*

\*

আজ বরষের নূতন প্রাতে আলোক-পাতে প্রাণ করে প্রার্থনা—  
 ওগো প্রভু ! ওগো জগৎ-স্বামী !—  
 প্রণব-গানে নিখিল প্রাণে নবীন যুগের কর প্রবর্তনা,  
 জ্যোতির রূপে চিত্তে এস নামি' ।  
 সকল প্রাণে জাগুক রাজা ; যাক্ রাজাদের রাজাগিরির নেশা ;  
 জগৎ জয়ের যাক্ থেমে তাণ্ডব,  
 যুচাও হে দেব ! নিঃশেষে এই মানুষ জাতির মানুষ-পেষণ পেশা,  
 চিরতরে হোক সে অসম্ভব ।  
 দেশ-বিদেশে শুন্ছি কেবল রোজ রাজাসন পড়ছে খালি হ'য়ে,  
 সে-সব আসন দখল কর তুমি,  
 মালিক ! তোমার রাজধানী হোক সকল মূলুক এ বিশ্বনিলয়ে,  
 সত্যি সনাথ হোক এ মর্ত্তভূমি ।  
 তোমার নামে হুইয়ে মাথা, অভয়-দাতা ! দাঁড়াক জগৎ-প্রজা  
 ঝঙ্কু হ'য়ে তোমার আশীর্ব্বাদে,  
 তোমার যারা নকল, রাজা ! তাদের সাজা আসছে নেমে সোজা  
 যুগান্তেরি ভীষণ বজ্রনাদে ।  
 অমঙ্গলের ভুজগ-ফণায় মঙ্গলেরি জলছে মহামণি  
 কয় মোরে এই বিভাত-বেলার বিভা ;  
 বিভাবরীর নাই আয়ু আর, বিমল বায়ু বলছে মুকুল গণি'—  
 কমল-বনে আসছে নবীন দিবা !

---



সর্বদমন

আদি-সব্রাহ্ম সর্বদমন—

পুরাণেতে যারে ভরত বলে,  
যাঁর নামে সারা ভারতবর্ষ  
আজ্ঞো পরিচিত ভূমণ্ডলে,  
শৈশবকালে খেলা ছিল যাঁর  
সিংহের দাঁত গণিয়া ছাষা,  
প্রতিভার বলে আৰ্য্য-দ্রাবিড়  
নিবিড় ক'রে যে বাঁধিল একা,  
গঙ্গা-যমুনা-সিন্ধু-কাবেরী  
অভিষেক-বারি দিল যে ভূপে,  
হিমালয় হ'তে মলয়-নিলয়  
অঙ্কিত যাঁর যজ্ঞ-যুগে,  
দীর্ঘতমার প্রাণের স্বপন  
সত্য করিল যে মহামনা,  
তাঁর ছেলে হ'ল কুল-কঙ্কণ !  
হায় ! বিধাতার বিড়ম্বনা !  
আৰ্য্য শবর সবার ভরণে  
লভিলেন যিনি ভরত নাম,  
তাঁর ছেলে হ'ল প্রকৃতি-রক্ষ,  
পীড়নে দক্ষ, পালনে বাম !

সঙ্গাগরা নব-খণ্ড মেদিনী

পদতলে, তবু রাজা ও রাণী

অস্থখে কাটান দিবস যামিনী

রাজ্য কীৰ্ত্তি বিফল মানি' ।

স্তিমিত প্রদীপে তৈল টোপায়

মণি-ময়ূরের চঞ্চু দিয়া,

শ্লিত-বচন সর্বদমন

মহিষীকে কন কুরু-হিয়া—

“বড় সাধ ক’রে পুত্রের, রাণী !

নাম রেখেছিলে ভুবনমণি,

নিখিল প্রজার মন্যু কুড়ায়ে

আজ সে ভুবন-মন্যু গণি ।

অন্ধ-আতুরে কশাঘাত করে

শৈশব হতে এমনি রীতি,

দৃঢ়তার চেয়ে রুঢ়তা প্রবল,

যুবরাজ হয়ে পীড়িছে ক্ষিতি ।

কোথা হ’তে তুর এল এ অস্থর

তোমার গর্ভে, হায়, মহিষী,

চণ্ডাল-পনা সব কাজে ওর;

আসে অভিযোগ দিবস-নিশি ।

নিখিল প্রজার ওঠে হাহাকার—

কত আর শুনি, কত বা হেরি,

## বিদায়-আরতি

শুধু কলঙ্ক—কেবল পঙ্ক . . . ৩

ওরে ঘিরে ঘেন হয়েছে ঢেরি ।

বেতালের মতো চিত্ত উহার

নিষ্ঠুরতায় নৃত্য করে,

ক্ষত্রিয় হ'য়ে খড়্গ হানে ও

ক্ষমা-ভিখারীর কণ্ঠ 'পরে ।

বিধাতার ও যে করে অপমান,

রাজার বাড়ায় পাণের বোঝা,

শত্রুপুরীর কূপে বিষ দিখে

জয়ের রাস্তা করে ও সোজা !

তলোয়ার চেয়ে খুনীর ছোরায়

আস্থা উহার দেখি জেয়াদা,

এ যে অকার্য্য, এ যে অনার্য্য,

এ যে ধর্ম্মের অমর্য্যাদা ।

নাম নিতে চায় অতি সস্তায়

যুদ্ধ না ক'রে হত্যা ক'রে,

পিতা আমি ক্ষমা অনেক করেছি,

রাজা আমি দিব শান্তি ওরে ।

রক্ষা-বেতন করিয়া গ্রহণ

সাজা দিতে কত করিব দেবী ?—

দেশের ইচ্ছা—দেশের ইচ্ছা—

ইচ্ছা সে জগদীশ্বরেরি ।

মহিষী ! সে মুঢ়ে এনেছি প্রাসাদে—

নিকটে নজর-বন্দী আছে ;

পীযুষ পিয়েছে যার কাছে, আজ

বিষ পিবে সেই তাহারি কাছে ।

স্থির হও, ...ওকি ? ...দূঢ় কর মন, ...

ছেলে সে আমারো, ...ভাথো আমারে, ...

গুপ্ত হত্যা করিতে না কহি,

বিষ ব'লে বিষ পিয়াবে তারে ।

কুংসিত এই অন্ধের ব্রণ—

মমতা কোরো না অস্ত্রাঘাতে ;

কুশ্রী করেছে স্থনাম মোদের,

কুশ্রী করেছে মানুষ-জাতে ।

সেই সন্তান—শতদিকে যেই

ত্রি-কুলের খ্যাতি বাড়ায়ে তোলে,

নিন্দা-পঙ্কে ডোবায় যে নাম

তারে মানিবে কে পূজ ব'লে ?

দ্বিজাতি ক্ষত্র ; দ্বিতীয় জন্ম

লভে সে ধর্ম-যুদ্ধ ক'রে ;

বীরে ও খুনীতে ভেদ যে মানে না

ঠাই নাই তার ছনিয়া-ভোরে ।

স্বর্ণ্য সেজন কর্কশা-মন

কুপায় কুপণ কুপাণ-পাণি,

## বিদায়-আরতি

বিদ্বাং-ছুরি চেতনার ডুরি  
কাটিল সহসা বজ্র হেসে ।  
গরলের কাজ করিল গরল,  
বিচারক পিতা দেখিল চোখে,  
মহিষীর আর সংজ্ঞা হ'ল না  
টুটেছে জীবন চণ্ড শোকে ।  
সে দিন হইতে কেহ কোনোদিন  
হাসি দেখে নাই রাজার মুখে ;  
সংসার-সাধ হ'য়ে গেল বাদ,  
আত্ম-প্রসাদ রহিল বৃকে ।  
\* \* \* \* \*  
গেছে কত যুগ, কত দুখ সুখ,  
নাই সে সর্বদমন রাজা,  
দুগ্ধ বংশ, নাম আছে তবু  
আম-ধরমের স্বর্গে তাজা ।

## ভোমুরার গান

কে আসে গুন্‌গুনিদে, চেনে তায় কমল চেনে ।  
অরসিক হল চেনে তার, রসিক চেনে রস-ভিয়েনে ।  
কালো তার অঙ্গেরি রঙ,  
মাখা তায় পরাগ হিরণ,  
চ'লে যায় বাজে সারং—হিয়ার সোহাগ হাওয়ায় টেনে ।

## কোনো নেতার প্রতি

আসে যায় আনন্ডনে ও হুলিয়ে কলি,  
চেনে ও ফুল-মূলুকের অলি-গলি ।

ওরি মস্তরে কমল  
মেলে তার ছায় শত দল,  
হৃদয়ের সাত-মহলা খুলে দ্যায় বন্ধু মেনে ।

তুলে ঢেউ গুঞ্জ-গাথার কুঞ্জে ঘোরে,  
মধু-বিষ মিশিয়ে বিধি গড়লে ওরে,  
জানে ও হল ফোটাতে,  
জানে ও ভুল ছোটাতে,  
পারে ও ফুল ফোটাতে প্রাণের তারে গমক হেনে ।

---

## কোনো নেতার প্রতি

দশে যা' বর্জন করে, লোকে বলে, সেই আবর্জনা ;  
তাই শিরোধার্য হ'ল ? তাই হ'ল তব উপার্জন ?  
বিদেশীর দরজায় পেয়ে উষ্ণ উচ্ছিষ্টের কণা  
থেমে গেল অকস্মাৎ তুণ-পুটে সিংহের গর্জন !

স্বদেশ একদা যারে দিয়েছিল ফুলের মুকুট,  
একি হায় সেই তুমি ? মর্যাদায় রাজার অধিক—  
ছিল যেই ? এ কি ভিক্ষাবৃত্তি আজ ? একি বুটমুট—  
বুটা সম্মানের লাগি' সম্মানীর লাজনা, হা দিক্ !

## বিদায়-আরতি

জীয়ন্তে জালিয়াঁ-বাগে পুঁতে ফেলে ভারত-মাতায়,  
শ্রাদ্ধে যবে স্বর্ণ-ধেহু ; অগ্রাহ্য সে অমানুষ দান ;  
ভাটেরা আশুক ছুটে, দলে দলে, ক্ষতি নাই তায়,  
তুমি যে ভিড়েছ সজে, এই-দাগা, এই অপমান ।

না লুকাতে রক্তচিহ্ন, না শুকাতে নয়নের পানি,  
প্রবীণ স্বদেশ-ভক্ত ! যেচে গিয়ে হ'লে অগ্রদানী !

---

### তিলক

অটল যে-জন দাঁড়িয়ে ছিল অনেক নির্ধ্যাতনে  
মর্যাদারি মৌন ধ্বজা তুলে,  
প্রতিষ্ঠা যার লক্ষ লোকের নিষ্ঠাপূত মনে,  
চিতায় শুয়ে আজ সে সিদ্ধকূলে !

মারাত্মা যার চরণ-পংখীড়ি,—কীৰ্ত্তি দিগ্বিদিকে,  
দৃষ্টিতে যার উঠত কমল ফুটে,  
বাংলা-মূলক সত্যি ভালোবাস্ত যে বর্গীকে,  
নেই রে সে আর হৃদয় নিতে লুটে !

তীর্থ হ'ল কয়েদখানা যাহার ইজ্ঞাজালে,  
নির্বাসনে কাঁপত না যার হিয়া,  
দিল যে-জন দীপ্তি-তিলক দৃপ্ত দেশের ভালে  
বজ্র-মেঘের বিদ্যুতে নিছিয়া ;—



‘কেশরী’ যার বাহন ছিল—দোসর দেশের শুভ,  
 স্বাতন্ত্র্যে যে ছিল রাজার মত,  
 ‘স্বরাজ’ ছিল স্বপ্ন যাহার, স্বদেশ-প্রীতি ধ্রুব,  
 সেই মহাপ্রাণ আজকে মরণ-হত !

সাঁচা পুরুষ-বাচ্চা সে যে মর্দ তেজের ছবি—  
 নয় কোনোদিন অশু জুজুর ভয়ে ;  
 ভিক্ষা-পন্থী নয় ভিখারী, নয় সে প্রসাদ-লোভী,  
 স্পষ্ট কথা বলত ধজু হ’য়ে ।

খোসামোদের তোষাখানায় ছিল না তার ঠাই,  
 আড়াই-কড়ার অনারেবল নয়,  
 সে ছিল লোক-মাগ্ন তিলক, তুলনা তার নাই,  
 জাতীয়তার তিলক সে অক্ষয় !

হৃদয়ে তার নিত্য-উদয় শক্তিরূপা মাতা ;  
 ললাটে তার বেদের সরস্বতী ;  
 ভারত-রথের রথী ক’রে গড়েছিলেন ধাতা—  
 ছত্র-চামর-বিহীন ছত্রপতি !

ভুল-সময়ে এসেছিল হঠাৎ কেমন ক’রে,  
 বিদায় নিল তেমনি আচম্বিতে,—  
 খুঁজছে যখন দেশের হৃদয় খুঁজছে সকাতে  
 যুগের যজ্ঞে পৌরোহিত্য নিতে ।

## বিদায়-আরতি

কারার শেষে ঘরে এসে পায়নি সে যার দ্যাখা;  
সেই সতী আজ ডাক দিয়েছে বুঝি,  
বৈ তরণীর তরণীতে তাই পাড়ি দ্যায় একা  
তারার আলোয় পায়ের অঙ্ক খুঁজি'।  
চ'লে গেল ডুবিয়ে মশাল ভরা ঘিয়ের ঘটে  
স্বদেশ-প্রেমের সজীব মন্ত্র দিয়ে।  
চলে গেল কর্মী ত্যাগী, অন্ত-সাগর-তটে  
শরীর রেখে হঠাৎ ছুটি নিয়ে।  
চ'লে গেল মৃত্যু-পারে, রেখে অমর-স্মৃতি,  
যম-জয়ী যে তার জীবনের ভাতি—  
ভবিষ্যতের অন্ধকারে তার সে ভারত-প্রীতি  
জাগ্বে যেমন বাতি-ঘরের বাতি।  
তার সে চিতার ভস্ম-কণা উড়ে হাওয়ার ভরে  
পড়বে যেথা নূতন তিলক হবে,  
শ্মশান-শিবা বতই বলুক, সত্য-শিবের বরে  
কীর্তি তাহার অমর হ'য়ে রবে।

### বর্ষার মশা

বর্ষার মশা বেজায় বেড়েছে,  
খালি শোন শন্ শন্,  
সুদে-সুদেগুলো দ্যায় বা খামিয়ে  
ভ্রমরের গুঞ্জন!

বাণীর অরুণ চরণ ঘিরে যে  
 রক্ত-কমল শোভে,  
 রঙে তুলে তার দলে দলে মশা  
 ছুটেছে রক্ত-লোভে !  
 আদাড়ের মশা পাঁদাড়ের মশা  
 জুটেছে মানস-সরে,  
 রক্ত-পদ্মে রক্ত না পেয়ে  
 ছেকে ধরে মধুকরে !  
 চপল পাখায় বাণীর চরণ  
 করিয়া প্রদক্ষিণ  
 ভারতীরে ভণে ভ্রমর “হায় মা !  
 একি হেরি হৃদ্বিন ।  
 কোথা হ’তে এল ক্ষুদে-ক্ষুদেগুলো  
 উড়ে উড়ে সারে সারে,  
 জুড়ে বসে হের রক্ত-পায়ীর  
 মধুপের অধিকারে !  
 বিশ্রাম নাই ‘পঙ্’ ‘পিঙ্’ ‘পাই’  
 বব করে ফিরে ঘুরে,  
 “মোরাও তোমরা” ভণিতা করিয়া  
 ভণে ঘেন নাকী সুরে !  
 বিকট জরার শাকটিক ওরা  
 রোগের বাহন জানি,

সহসা ওদের হেরে বাণী-গেহে  
 মনে আতঙ্ক মানি ।  
 মানসের জল হ'ল কি গরল ?  
 হৃদয় কাঁপিছে আসে !  
 বাণীর চরণ ঘিরিল কি এরা  
 পেট পোরাবার আশে !  
 হেসে বাণী কনু—“কেনু উন্নয়ন  
 কমল-লোভন, ওরে !  
 ঘোলাটে রাতের অপচার ওরা,  
 প্রভাতেই যাবে স'রে ।  
 রবির আলোয় ঘোর আপত্তি  
 সত্যি ওদের আছে,  
 কোনো ভয় নাই, পেচকের হাই  
 ভোরাই আলোর আঁচে—  
 হবে অদৃশ্য ; তাড়াতে হবে না  
 কিটিঙের গুঁড়া দিয়া,  
 হবে না তা ছাড়া, মশার কামড়ে  
 ভেঁমুরার ম্যালেরিয়া ।”

---

## স্বন্দ-ধাত্রী

[সপ্তর্ষির পত্নীদের মধ্যে বশিষ্ঠের স্ত্রী অরুন্ধতী বাদে বাকী ছয়জনের পত্নীর নাম বধাক্রমে বর্ষয়ন্তী, অভ্রয়ন্তী, অশ্বা, ছলা, নিবস্ত্রী ও চুপুনীকা। এরাই শরবনে পরিত্যক্ত ইন্দ্রের শত্রু তারকাসুরের ভারী-দমন-কর্তা রুদ্রের পুত্র স্বন্দ বা কার্তিকেয়-দেবের ধাত্রী। এঁদের অন্ত নাম কৃত্তিকামণ্ডলী।]

কই রে কোথা বর্ষয়ন্তী ? অভ্রয়ন্তী কই ?

—নাম ধ'রে আজ আকাশ-বাণী ডাক দিয়েছে ওই !

শূন্য নভে বুলাস্নে আর ব্যথার অনিমেষ,

দৈব হ'ল সদয়, বুঝি হবে ব্যথার শেষ !

প্রাণে পুষিস্ন স্নেহের স্মৃধা, হৃদয় উপোষী,

গুনিস্ন নে কি শিশুর কান্না কঁাদায় ক্রন্দসী ?

গর্তে ছেলে ধরি নি তাই শূন্য রবে কোল ?

শুকিয়ে যাবে সব মমতা ? গুনব না মা-বোল ?

এমন কঠোর ন'ন্ বিধাতা আকাশ-বাণী তাই

ডাক দিয়েছে সফল হ'তে, চল্ ছ'বোনে যাই !

খুঁজে দেখি তিন ভুবনে কোথায় সে কুমার,

রুদ্র-তেজে জ'য়ে যে কোল পায়নিক উমার ।

এইদিকে আয়, এইদিকে আয়, এইদিকে আয়, বোন্ !

কচি ছেলের পাস্ কি আওয়াজ ? কান পেতে ভাই শোন্ ।

## বিদায়-আরতি

সন্দেহে সৌভাগ্য-হারা আমরা অভাগী—  
একটি শিশুর একটু পরশ ছয় বোনে মাগি।

\*

\*

\*

এইদিকে আয় !...ওই দাখা যায় ! আহা চমৎকার !  
চোখের পলক কেড়ে-নেওয়া মুখ দাখা বাছার !  
সাগর-সেঁচা মাণিক এ যে সাতটি রাজার ধন,  
দৈব-বাণী ভুল বলে নি, ভুল বলে নি, বোন্ !  
এ যেন রে নিখিল নারীর মাতৃ-হিম্মত সাধ,  
স্বপ্নে-গড়া মূর্তিমন্ত জীবন্ত আহ্লাদ !  
এ যেন রে দিব্যছটা মৃত্তিকা 'পরে  
ভাস্কর জন ভোরাই মেঘের স্মৃতিকা-ঘরে !  
জন্মেছে এই ফুলকিটুকু নৈহাং অসহায়,  
দৃষ্টিবিষা বিষধরে ঘেরা বনের ছায়।  
নাইক গেহ মায়ের স্নেহ, নাইক বাছার নীড়,  
খাগ্‌ড়া-শরের খাড়ার মতন পাতার খালি ভিড়।  
ভিড় ক'রে কি করিস্ তোরা ? সব তো দেখি, দে,  
দেখিস্ নে কি ছুধের বাছার পেয়েছে ক্ষিদে ?

\*

\*

\*

ছয় মা দেবে পীযুষ, ছেলের একটি সবে মুখ ;  
কোন্ মাকে দুখ্‌ দিবি, হেলে ? কার ভরাবি বুক ?

ছয় মায়েরি পীযুষ-ব্যথা, সোয়াস্তি নেই আর !  
 হঠাৎ একি ! ছাখ্ দিদি ছাখ্ ! এ কি চমৎকার !  
 সত্যি এ কি ? স্বপন দেখি ? একি রে বিশ্বয় !  
 দেখতে-দেখতে নতুন মুখ আর নতুন অধর হয় !  
 এক আকাশে উদয় যেন হ'ল রে ছয় চাঁদ,  
 এক লহমায় মিটিয়ে দিতে ছয় জননীর সাধ !  
 আর কেন বোন্ বর্ষরন্তী আর কেন বিমন ?  
 ছয় মায়েরি ফোভ মিটাতে কুমার ষড়ানন !

\*

\*

\*

ছয় জননী স্তম্ভ পিয়াই চাঁদ-ঝোলানো দোলাতে,  
 ছয় বোনে হিম্শিম্ খেয়ে যাই একটি ছেলে ভোলাতে !  
 কচি-কচি ঠোঁট রয়েছে হৃদয়-সুধার সন্ধানে,  
 চোখ দেখে ওর হয় গো মনে ও আমাদের মন জানে !  
 সবার কাছেই নিচ্ছে ও যে নিচ্ছে পরম আগ্রহে,  
 জীবন্ত মৌচাক ও যেন চিত্ত-মধুর সংগ্রহে !  
 উঠছে বেড়ে পীযুষ কেড়ে মধুর ভারে টুপটুপে,  
 খুশীতে মন তুষ্ট ক'রে নেবার যা সব গায় চুপে !  
 পিয়াই ওরে আট-পহরে আনন্দেরি হৃন্দ গান ;  
 ওর দে'-আলার দীপ্ত আলোয় চন্দ্রতপন স্পন্দমান !  
 পিয়াই স্মৃতি, পিয়াই আশা, স্বপ্ন পিয়াই স্তম্ভ সাথ,  
 তরুণ আঁখির তারায় হেরি অরুণ-আলোর স্তম্ভভাত ।



## বিদায়-আরতি

সেরা-সেরা তারায় ঘেরা হিন্দোলা ওর প্রশস্ত,  
সোনার কাঠি ছোঁয়ায় ধুব, রূপার কাঠি অগস্ত্য !  
নিদ্-মহলে সিঁদ কাটে ও, স্বপ্নে চীয়ায় স্তম্ভকে !  
পরম নোভী হাত বাড়িয়ে ধরতে ও চায় 'লুককে' !  
ত্রিপুর-বধের বিপুল ধনু হয়েছে ওর খেলনা সে,  
রূপাণ-পাণি কাল-পুরুষের খড়্গ দেখে খুব হাসে ।  
হাস কুমার ! খেল কুমার ! অপ্রসূতির আঁতুড়-ঘরে,  
দুর্ভাগাদের আঁচল-আড়ে, বঙ্কিতাদের ধন্য ক'রে ।  
ছয়-ধারাতে স্তম্ভ পিয়াই, শক্তি চীয়াই ছয় ধারাতে,—  
—রক্ত হিয়ার ক্ষীর মমতায়,—সঞ্চারি বল স্তম্ভ সাথে,—  
শক্তি যাতে রয় নিহিত—সেই শুভ—সেই স্বতঃস্ফূর্তি—  
আত্মাহীনে আত্মা যে ছায়—পুণ্যেরি যে ভিন্নমূর্তি ।  
মূর্ত্তিমন্ত সাস্ত্রনা মোর শক্তিতে হও ওতঃপ্রোত ;  
স্তন্য পিয়াই আত্মপ্রদ, পীযুষ পিয়াই বলপ্রদ ।

\*

\*

\*

পাশুৰ সনে কে পিয়ালি প্রাণের জ্বালা রে,  
ছয় বোনেরি গলায় মোদের জ্বালায় মালা রে !  
অকারণে নির্বাসিত স্বামীর সন্দেহে ;  
অশ্রায়েরি দহন দহে মোদের মন দেহে ।  
স্পষ্ট ক'রে ভাবতে না চাই, ভাবলে হারাই জ্ঞান,  
অভিশাপের তাপে পাছে হয় রে অকল্যাণ !

অগ্নিকে হায় তুষলে স্বাহা মোদের রূপ ধরে,  
 ঋষির মনে লাগল ধোঁকা, দিলেন দূর ক'রে,  
 সন্দেহে মন বিষিয়ে গেল স্বামী হলেন পর,  
 ঋষি স্বামীর পুরুষ-রিষে বিষম আখান্তর।  
 ঘর হারালাম বর হারালাম আমরা ছ'জনা,  
 পণ্ড হ'ল নারী-হিয়ার শিশুর কামনা।  
 প্রাণের যে সাধ,—আচম্বিতে পশু নেহারি,  
 আকাশে নিশ্বাসের জ্বালা বিফল বিথারি।  
 ক্ষুর শরীর ক্ষুর শোণিত ক্ষোভের পীযুষ পান  
 করছে কুমার, অন্নাগ্নে সে করবে অবসান।  
 বাছা ওরে কার্তিকেয় ! দুলাল কৃত্তিকার,  
 সুরাসুরের করবে তুমি অন্নাগ্নে সংহার।

\* \* \* \* \*  
 কল্প-তেজে জন্মেছে যে আত্মদায়িক তার,  
 সময় ব'য়ে যায় যে, ছাখা নাইক পুরোধার ;  
 কই পুরোহিত ? কই পুরোহিত ? অশ্বষি মহী,  
 ঐ যে ঋষি বিশ্বামিত্র বিশ্ববিদ্রোহী।  
 উনিই হবেন যাজক মোদের সকল ক্রিয়াতে ;  
 পারেন উনি আপন গুণে শক্তি চীয়াতে ;  
 দৈব-জয়ী ঐ যে মুনি, ঐ যে তপোধন,—  
 ছয় বোনে চল প্রণাম করি, জানাই নিবেদন।

## বিদায়-আরতি

আভ্যুদয়িক না হ'তে শেষ কাণ্ড একি, হায়,  
দিগ্‌গঞ্জেদের পাকড়াতে গুঁড় দামান ছেলে ধায় !  
পাঁচোট পূজার দিন বাছনি আছড়ালে হাতী,  
আচোট আকাশ উঠল কেঁপে চাঁদ-তারার পাতি !  
কাঁপল মাগর আর ধরাধর বাসুকী চঞ্চল,  
স্বস্তি না পায় অস্থিরতায় ত্রস্ত অস্থিরদল ।  
রুদ্র-শিশুর শক্তি-দাপে কাঁপে অস্থির-রাজ ;  
তারক হেরে মারক-গ্রহ শিশুর দেহে আজ ।  
বালক-বীরের অলীক ভয়ে ইন্দ্র ব্যাকুল-মন,  
হাজার আঁখি মেলে কেবল ছাথে অলক্ষণ !  
তারক-নিপাত রইল মাথায়, রক্ত-নয়নে—  
বজ্র নিয়ে ইন্দ্র এলেন শিশুর দমনে !  
অস্থরে যে রাজ্য নেছে, নাই সে খেয়াল হায় ;  
রোষের ভরে শিশুর 'পরে বজ্র নিয়ে ধায় ।  
বাছার গায়ে বাজ্র হানে রে !...বুজ্‌তে গেলাম চোখ,  
মুদল না নক্ষত্র-নয়ন—পড়ল না পলক !  
দেখতে হ'ল বাধ্য হ'য়ে...কিস্ত কী দেখি !...  
বিশ্বয়ে বাকরুদ্ধ,—অবাক—কুমার করে কী ।  
বজ্র লুফে ধরল হাতে—আঙুল চিরে তার  
পড়ল যত বিন্দু তত রুদ্র-অবতার ।  
হুসারে দিক্‌ কাঁপিয়ে দাঁড়ায় কুমারকে ঘিরে  
রুষ্ঠ চোখে ওষ্ঠ চেপে উদ্ধত শিরে

স্বপ্নে বলে, “ইন্দ্র হ’য়ে ত্রিলোক তুমিই নাও,  
 ঈশ্বরতার ঈর্ষাজরা ইন্দ্রকে তাড়াও।”  
 রুদ্র-সেনায় ইন্দ্র-সেনায় যুদ্ধ আসন্ন,  
 এমন সময় কে আসে ওই মরাল-নিষগ্ন।  
 মাঝে এসে বলেন তিনি, “সম্বরো দেবরাজ,  
 কী বিপরীত বুদ্ধি, মরি, দেখি তোমার আজ।  
 শত্রু তোমার মারবে যে হায় শত্রু ভেবে তায়  
 যুদ্ধ কর? বজ্র হানো রুদ্র-শিশুর গায়?  
 অশ্বর-কুলের অভিমানের অত্যায়ে জর্জর  
 অত্যায়ে চাও জয়ী হ’তে অশ্রু জনের পর!  
 রুদ্র-রোষে স্বর্গ-মর্ত্ত হবে যে ছারখার,  
 অস্ত্র রাখো; এই বালকে দিয়ে সেনার ভার  
 রথ ঘুরিয়ে একলা তুমি যাও ফিরে দুর্গে,  
 এই শিশু কাল বধ্বে কেনো তারক-অশ্বরকে।”

রুদ্র-সেনার জয়-রবে কে ফির্বল হরষে—  
 জয় যাহার রুদ্র-তেজে বহি-উরসে!  
 ঘূমে আলা দুলাল আমার লড়াই খেলিয়ে,  
 ময়ূর জাগে তারায়-ঘেরা পেখম মেলিয়ে।  
 লক্ষ তারা শিশুর সমর আখার প্রত্যাশে  
 চোখ চেয়ে সব ঘুমিয়ে গেছে আকাশ-ফরাশে।

## বিদায়-আরতি

হিন্দোলাতে স্কন্দ ঘুমায়, চন্দ্র জেগে থাক !  
ব্রাহ্মী-নিশার প্রহর গণি' ছয় বোনে নির্ঝাঁক !  
চতুর্দুখের বাক্য স্মরি' আশার আশঙ্কায়  
আন্দোলিত চিত্ত মুহ, মন কত কি গায় ।  
ব্রহ্মবাণী মিথ্যা হবার নয়কো, তবে কি—  
অত্যাচারের অন্তকারী বালক হবে কি ?—  
বজ্রকাটা আঙুলে যার জ্যোৎস্না জড়িয়ে  
পাড়িয়েছি ঘুম ঘুম-পাড়ানি মজ্ঞ পড়িয়ে,  
সে মোর হবে দৈত্যজয়ী ?...পূর্বে মনের সাধ ?...  
অন্তায়েরি বন্তাজলে পারবে দিতে বঁধ ?...  
অন্তায়ে কেউ বালক-বধের ফন্দী আঁটে, হায়,  
শিশুর দেহেও শত্রু দেখে খামোকা চম্কায় !  
অন্তায়ে কেউ হত্যা করে নারীর নারীত্ব,  
পুরুষ-রিষের বিষে-জরা জীবন ও চিত্ত ।  
অন্তায়ে কেউ ইন্দ্রলোকের কর্তা হ'তে চায় ।  
অন্তায়েরি বন্তাধারায় জগৎ ভেসে যায় ।  
অন্তায়েরি অভিযানে স্বর্গ সে ত্রস্ত ;—  
অন্তায়ে হায় অন্তপ্রায় আজ পুণ্য সমস্ত !  
অন্তায়ের এই সৈন্ত-ঘটায় একলা এ বালক—  
করবে ছিন্ন ? তিন-লোকে ফের জান্বে সত্যালোক ?  
আন্বে ত্রৈয় কাঙ্ক্ষিকের ?...কখন হবে ভোর ?...  
পথ চেয়ে রই সূর্য-রথের, ভাবনাতে বিভোর ।

কোন্ হোরা ওই ঘুম-চোখে যায় ? স্বধাই আয়, সখী !  
অন্ধকারের আঁচল ভিজে উঠল আলোয় কি ?

\*

\*

\*

আকাশ ফিকে হ'তে হ'তেই আঁধার ! একি হায় !  
ঘুরিয়ে ঘোড়া উণ্টো দিকে অন্ধ ফিরে যায় !  
সূর্য্যে প্রবেশ করলে শশী ! সকল আলো লোপ !  
অকাল-রাহ-অস্বর আসে মূর্ত্তিমন্ত কোপ !  
আঁধার নভ পাপের ভিড়ে, বিখে জাগে ত্রাস,  
বাঘের রথে গ্রসন্ আসে করতে জগৎ গ্রাস !  
ত্রসন্ আসে পিশাচ-রথে, জন্তু-কুজন্তু,  
নিশানে কাক কালনেমি সে জীবন্ত দন্ত !  
ঈকুটিতে ভুবন ভ'রে তারক সে দুর্দ্দ  
যোজনজোড়া হাজার ঘোড়ার ছোটায় বিপুল রথ !  
অমাতিথির অতিথি ওই প্রচণ্ড ধূর্ত  
রোদনে দিক্ ভরিয়ে চলে রৌদ্র মুহূর্ত্ত !  
রথের ধূলায় ছায় নভতল, রাত্রি অকালে,  
উর্দ্ধে ঞ্চব নিম্নে তপন সবায় ঠকালে ।  
ছুঁচ গলে না এমনি জমাট ভরাট অন্ধকার,  
গ্রাসের ত্রাসের আসন্নতায় বিশেষ হাহাকার !  
পলক-ভোলা তারার আঁখি তাও সে অন্ধপ্রায়,  
কোনের মাহুষ যায় না ছাখা, এমনি আঁধার, হায় !

## বিদায়-আরতি

কোথায় গেলি অভয়ন্তী !...বান্ধ পড়ে মাথে, ০  
সাতটি দিনের বাছা মোদের নাই রে দোলাতে !  
যুগন্তে কে করলে চুরি !...ঘটল অনিষ্ট,...  
হায় লো মেঘমন্ত্রী ! মোদের মেঘলা অদৃষ্ট !

\*

\*

\*

অন্ধকারের বুক চিরে ও কাদের সিংহনাদ ?  
ভয়ের আঁধার ছিন্ন-করা জাগল কি !...আহ্লাদ !  
বিছ্যতেরি হাজার-নরী ছলিয়ে তমসায়  
সংশয়েরি তমস্বিনীর করলে কে রে সায় !  
কে আসে নিঃশঙ্ক মনে ময়ূর-বাহনে  
অম্বর-ছায়া-পিণ্ডী-কৃত-তিমির-দহনে !  
ইন্দ্রদেবের মুকুট-বোঝা তারণ ক'রে যে  
তারক নামে আপ্নাকে হায় জাহির করেছে,  
তাগ ক'রে তায় বাণ হানে কে শৌর্য্য-অবতার ?  
এমন-ত্রসন-জন্তু-মহিষ আরস্তে চীৎকার !  
ছয় মায়েরি ছলল ও যে বালক ষড়ানন !  
অম্বর সাথে শিশুর লড়াই ! অপূর্ব এই রণ !  
পল্টনে কার হানে কুমার শক্তি শতঘ্নী—  
লক্ষ নাগের জিহ্বা যেন উগারে অগ্নি !  
বধির ক'রে হাজার বজ্র গজ্জে যুগপৎ,...  
টুটল বুঝি তিমির-কারা...দৈত্য হ'ল বধ !...



কুড়িয়ে পাওয়া কুমার মোদের অস্বরজয়ী, ভাই,  
 জয়ধ্বনি করতে তোরা কাদিস্ কেন, ছাই !  
 ছোঁয়াচে এই স্ব্থের কান্না... কাদতে... জেনেছি...  
 অম্বা ! দুলা ! নিতল্লী ! বোন্ স্বপ্ন দেখেছি ।  
 তোলাপাড়া করতে মনে পদ্মযোনির বাণী  
 কখন যে হায় ঘুমিয়ে গেছি কিছুই নাহি জানি ।  
 ভোরের আলো, তাত্ স্বমেরুর গায় কি লেগেছে ?  
 ছয় জননী'র স্নেহের নীড়ে কুমার জেগেছে ?  
 উষার হাসি মলিন !... মেঘে সূর্য্য ডুবে যায়—  
 এ যে আমার স্বপ্নে তাতা, স্বপ্নে তাতা হায় !  
 স্বপন আমার ফলতে শুরু হয়েছে মন কয়,  
 ভোরের স্বপন সফল হবে হবে রে নিশ্চয় ।  
 ক্রেশের এবার শেষ হবে রে শঙ্কা ফুরাবে ।  
 ছয় জননী'র ভাগের ছেলে ভাগ্য ফিরাবে ।  
 অপরাজের রাজমহিমায় ছাই দেবে এ ঠিক—  
 আনন্দ ছয় কৃত্তিকার এই অনিন্দ্য কার্তিক ।

### দাবীর চিঠি

রাজার উপর রাজা যিনি প্রণাম ক'রে তাঁর শ্রীপদে,—  
 দাবীর চিঠি পেশ করি আজ বিশ্বজনের পঞ্চায়তে ।  
 কায়দা-কাহ্নু জানিনে ভাই, বলছি সবার করে ধ'রে,  
 শু বিদেশী ! গোৱার জাতি ! তোমরা শোনো বিশেষ ক'রে ।

## বিদায়-আরতি

চক্রধরের চক্র যখন ঘুরছে বেগে মর্ত্যালোকে,—  
অধঃপাতের তলার মানুষ উঠছে উর্দ্ধে সূর্যালোকে,—  
পোল্যাণ্ড হচ্ছে স্বয়ম্ভাভু,—পাচ্ছে ইরিন্ পাক্কা পাটা,  
তখন যে হোমরুল চেয়েছে খুব বেশী কি তার চাওয়াটা ?  
রাজা স্থখে বিরাজ করুন, আমরা তাঁরে মান্য করি,  
কালো গোরা দুই প্রজা তাঁর ছ'য়ে চালায় রাজ্যতরী ;  
একলা গোরাই সব করেছে যে কয় সে কয় গল্প-কথা,  
কালার গোরার স্বৈদ-শোণিতে সাম্রাজ্যেরি বনেদ পোতা ;  
আমরা দিছি গাঁটের পয়সা, আমরা দিছি দেহের রক্ত,  
কবুতে মোদের অভেদ রাজার সিংহাসনের ভিত্তি শক্ত ;  
এম্পায়ারের চার-পায়া আজ চার মহাদেশ ব্যাপ্ত করে,  
কালার গোরার বল যুগপৎ যুক্ত আছে তার ভিতরে ।  
শাক্ষী ক্লাইভ-কাল-ফৌজ সাম্রাজ্যেরি পত্তনেতে,  
প্রথম যে ইট বসিয়েছে তা নিজের বুকের পাঁজর পেতে ;  
মিউটিনিতে আমরা ছিলাম তোমাদেরি পক্ষপাতী,  
গোরার হয়ে অনেক গোলা নিইছি মোরা বক্ষ পাতি' ;  
অনেক যুদ্ধ জয় করেছি চীন কাবুল ও আফ্রিকাতে,  
ধূলায় সোনা ফলিয়ে দিছি সাগর-পারের দ্বীপগুলোতে ;  
চৌকী দিছি শাংহায়ে আর মগের দেশে দিইছি মাথা ;  
তিব্বতেরও সন্ধি হলুক—যাক সে কথা তুলব না তা ।  
সে দিনেও যেই ভাক্ দিয়েছ অম্নি গেছি বেলজিয়মে,  
বোগদাদে দাদ তুলতে তোমার ভয় করিনি জ্যাস্ত যমে,

ভয় করিনি উড়ো-জাহাজ জ্বর-ধোয়া হাউইট্‌জারে,  
 গোরার সঙ্গে গুর্থা ও শিখ জান দেছে হাজার হাজারে ।  
 যুদ্ধে যেমন দুঃসাহসী মঙ্গলাতে তেমন স্বধী,  
 শাসন-কাজে সমান পটু, কোন্ দরোজা রাখবে কুধি ?  
 বাগ্মী মোরা শিল্পী মোরা, কার্যে মোরা বিশ্বজয়ী,  
 বিজ্ঞানেও নইক তুচ্ছ, কারো চেয়েই ক্ষুদ্র নহি !  
 রাজ্যতরীর দাঁড় টানি রোজ, তোমরা রোজই হালে থাক,  
 পশ্চিমে ঝড় উঠছে, মাঝি আমাদেরও শিথিয়ে রাখ ;  
 আমাদেরও দাও অধিকার, নাও তোমাদের সমান ক'রে,  
 সময়-মত লাগুব কাজে, শেখাও যদি হাতে ধ'রে ।  
 অযোগ্য নই একেবারেই বলছি মোরা জোর গলাতে,  
 যদিও কাল-আদমী তবু—ইয়াদ রেখো দিনে রাতে—  
 মোদের ত্যাগে মোদের দানে পুষ্ট বিরাট রাষ্ট্র-হৃদি,  
 চার মহাদেশ চৌ-পাশা যার তোমার একার নয় সে নিধি ।  
 ছায়ের দাঁড়িপাল্লা দিয়ে করলে ওজন দেখতে পাবে  
 আমরা নেহাৎ কম যাব না, যদিও আছি পরের তাঁবে ?  
 কালার গোরার সমান দাবী—মহারানীর ভাষায় কহি,  
 রাজার উক্তি উড়িয়ে দেবে ?—তোমরা হবে রাজপ্রোহী !  
 \* \* \*  
 যোগ্যতা নেই ?...দেখ চেয়ে মানব-ইতিবৃত্তময়  
 কালার দানের অঙ্কগুলি গোরার চাইতে মলিন নয় ।  
 কাল দেছে বান্দ্রীকি ব্যাস ; গোরা দেছে মিন্টনে !  
 কাল দেছে বুদ্ধ অশোক ; গোরা দেছে ? কিং জনে ?

## বিদায়-আরতি

কালার—জনক যাজ্ঞবল্ক্য ; গোরার ?—আছেন মার্টিনো ;  
কালার—রঘু রাজেন্দ্র চোল ; গোরার—ক্লাইভ মারলব্রো ।  
কালার দেছে আর্থ্যভট্ট, গোরার দেছে নিউটনে,  
কালার কৃতী জীবের সেবায়, গোরার vivisectionএ ।  
কালার ছিল বৌদ্ধ মিশন, গোরার মিশন খৃষ্টীয়,  
সবাই জানে কালার দেখেই নকল ক'রে সৃষ্টি ও ।  
একদিকে ওই কণাদ কপিল, অত্র দিকে হিউম মিল,  
একদিকে অমৃতপ্রাশ, অত্র দিকে বীচাম্‌স্‌ পিল !  
কালার ছিল চাণক্য ; আর গোরার ছিল ? ডিজ্‌রেলি ।  
তুলনা ছাই যাক চুলোতে মিছাই নামের ভিড় ঠেলি ।  
গোরার আছে ম্যাগ্না-কার্টা, কালার না হয় নেইক তা,  
Bill of Rights নয় কখনো নয় জীবনের শেষ কথা ।  
তা' বলে নয় তুচ্ছ কালার, তার পলিটিক্‌স্‌ নয় আধার,  
গোরার আছে পালার্মেন্ট্‌ আর কালার ছিল সন্তাগার ।  
কালার কীর্তি মিশর-দ্রাবিড়-আরব-চীনের সভ্যতা,  
গোরার কীর্তি ? ডাইনামাইট—সভ্য করার দ্রব্য তা !  
গোরার যারে ভাব্যতা কয় তিনুশো বছর বয়স তার,  
কালার যা' গোরবের জিনিস—তার অন্তত তিন হাজার ।  
ব্রিটন দেছে ক্রমোয়েল, আর ভারত জামদগ্ন্য-রাম,  
কার্তবীৰ্য্য—চাল্‌স্‌ ষ্টুয়ার্ট্‌ ;—কালার গোরার মিল তামাম ।  
জাতির \* পাতির \* কল্মী-দামে \* আজকে না হয় বন্ধ হাতী,  
তাই ব'লে কি ডুবতে দেবে তোমরা না সব সভ্য জাতি ?

জ্ঞানের বাতি আফ্রিকাতে জ্বালু নাকি ? শুনতে পাই ।  
 মানুষ বিক্রী উঠিয়ে দেছ নিত্যি শোনাও এই কথাই ।  
 তবে মোদের সকল দাবী দাবিয়ে কেন রাখতে চাও ?  
 দাবীর কথা পাড়তে গেলেই কুঁচকে ভুরু দাবাড়ি দাও ?  
 মানুষ হতে দাও আমাদের, ঘুচাও মনের এ আফশোষ,  
 ঘর-শাসনের দাও অধিকার, হোমরুলে কি এতই দোষ ?  
 বোয়ার পেলে, চোয়াড় পেলে, পেলে তাদের দোহারগণ,  
 মোদের ভাগ্যে খোয়াড় শুধু, বুঝতে নারি এ কেমন ।  
 নিজের ঘরের বন্দেজে আর নিজের দেশের খিদ্মতে  
 ফিলিপিনোর চাইতে অধম ভাবছ মোদের কোন্‌মতে ?  
 প্রাপ্য বা তাই চাইছি মোরা—যেটুক মোদের হকদাবী,  
 হাঙ্গামা এ নয়কো মোটেই, রুখছ গিছে ভুল ভাবি' ।  
 সন্দেহে তো ঢের খাটালে, এবার ছুটি দাও তারে,  
 সংশয়ে যে বিনাশ করে সাম্রাজ্যেরও আত্মারে ;  
 বিশ্বাসেরে পরখ করো, ত্যাক নয় বিশ্বাস ক'রে,  
 চিন্লে না লোক দেড়শো বছর একত্রে ভাই বাস করে ?  
 বুঝতে নারি খেলতে ব'সে খেঁড়ির সঙ্গে আড়াআড়ি,  
 শত্রুরই বুক বাড়ছে এতে মিটিয়ে ফেল তাড়াআড়ি ;  
 তোমার হচ্ছে ছকা পাগা, খেঁড়ির কিছুই হচ্ছে নাকো ।  
 বল্লে তা' কেউ কলিকালে মান্বে এমন আশা রাপো ?  
 দেড়শো বছর আমরা আছি পাশাপাশি বিশ্বকূলে,  
 গঙ্গা এবং যমুনা ধায় সঙ্গমে তরঙ্গ তুলে,

## বিদায়-আরতি

কালার গোরার এম্পায়ার এ, ঠেল্বে কারে রাখ্যবে বেছে,  
কালার গোরার যুক্তবেণী হরিহরের মূর্তি এ যে !  
জল্ছে তেজে ত্রায়ের চক্ষু, ত্রায়ের কণ্ঠে হয় ঘোষণা,—  
আইন তোমার কয় হৈকে ওই—কেউ ছোটো না কেউ ছোটো না  
—বল্ছে সত্য, বল্ছে ধর্ম, মনুষ্যত্ব বল্ছে শোনো,  
বল্ছে তোমার ঘরের লোকও, বল্ছে তোমার আপন জনও ;  
ব্রিটানিয়ার বিবেক-বুদ্ধি প্রবুদ্ধ আজ বেস্ট্যান্ট রূপে,  
ধন্য হবে ব্রিটন,—যদি তাঁর বাণী আজ লয় সে লুফে ;  
শক্তি হবে সংহত, দুর্জয় হবে গো বিশ্বেরি মাঝ—  
তিরিশ কোটির হৃদয় যদি লয় জিনে হোমকুল দিয়ে আজ ;  
মানুষ মনুষ্যত্বে যদি মানতে পারে হৃদয় খুলে  
চল্বে তবে যুগে যুগে বাজিয়ে ভেরী নিশান তুলে ;  
অমর হবে মর্ত্যে, সদাই সাম্নে পাবে পুষ্পিত পথ,  
গরীব দেশের হক দাবীতে কান দিলে নাম গাইবে জগৎ ।  
নইলে পরে লাভের ঘরে অমর হ'য়ে অবশ্য রবে,  
হক দাবী যার তার কি ক্ষতি ? পাওনা আদায় হবেই হবে ।  
বিশ্ববিধান বিধির বিধান, ত্রায়ের নিধান নিত্যকালে—  
হক দাবী যার বুক তাজা তার 'হার' লেখে না তার কপালে ।

---

১ দোরোখা একাদশী

( শ্রীযুক্ত গগনেন্দ্রনাথ ঠাকুর মহাশয়ের অঙ্কিত চিত্র দেখিয়া )

উড়িয়ে লুচি আড়াই দিলে দেড় কুড়ি আম সহ  
 একাদশীর বিধানদাতা করেন একাদশী,  
 মুখরোচক এঁর উপবাস,—দমেও ভারী,—অহো !—  
 পুণ্য ততই বাড়ে যতই এলান্ ভুঁড়ির কশি !  
 ওদিকে ওই ক্ষীণ মেয়েটি নিত্য একাহারী  
 একাদশীর বিধান পালন করছে প্রাণে ম'রে,  
 কণ্ঠাতে প্রাণ ধুকছে, চোখে সর্ষে-ফুলের সারি,  
 তৃষ্ণাতে জিভ্ অসাড়, মালা জপছে ঠাকুর-ঘরে ।  
 অবাক্ চোখে বিশ্ব ছাখে হায় গো বিশ্বনাথ,  
 দোরোখা এই বিধান 'পরে হয় না বজ্রপাত ?

নিষ্ঠাবানের সধবাও করেন একাদশী

পতির পাতে প্রচুর ভাবে 'আটকে' বেঁধে রেখে,  
 আওটা-হুখে চুমুক লাগান্ পিছন ফিরে বসি'  
 পীতিদাতা পতি-গুরু পাছে ফেলেন দেখে ।  
 বিড়াল চাটে হুধের বাটি বাড়িয়ে দিয়ে গলা,  
 পিপড়ে মাছি আমার খোলায় উল্লাসে ভিড় করে,  
 শাস্ত্র যাদের ভয় দেখিয়ে করিয়েছে নির্জলা  
 তারাই শুধু হাতের চেটো মেলছে মেঝের পরে ।



## বিদায়-আরতি

তুষাতে জিত্‌টান্ছে পেটে, এম্নি রোদের তাত্,  
খস্‌খসে দুই চোখের পাতা, হয় না অশ্রুপাত ।

\* \* \* \* \*  
ফোঁটায় ফোঁটায় শিবের মাথায় বারার বে জল ঝরে—

সতৃষ্ণ চোখ সারা বেলা দেখ্‌ছে শুধু তাই,  
কাকটা কখন গুটি গুটি ঢুকে ঠাকুর-ঘরে  
অর্ঘ্যপাত্রে মুখ দে' গেল,—একটুও হুঁশ নাই !

চক্ষু দিয়ে প্রাণ-পাখী হার মেল্‌ছে বুঝি পাখা,  
ভিক্ষি গেছে—ভিক্ষি গেছে—জল কে দেবে মুখে ?

কারো সাড়া নেইকো কোথাও মিথো হাঁকা ডাকা—  
একাদশীর বিধান-দাতার গর্জে নাসা স্তখে ।

অধোমুখে বিশ্ব জ্বাখে, হায় গো বিশ্বনাথ,  
পাষাণ 'পরে অশ্রু ঝরে' পড়ে দিবসরাত ।

—

## জলচর-ক্লাবের জল্‌সা-রঙ্গ

( সুর—“ধনধান্তে-পুষ্পে ভরা” )

রঙ্‌ বেরঙের সঙের বাসা

আমাদের এই শহর খাসা,

তাহার মাঝে আছে ক্লাব এক

সকল ক্লাবের সেরা,

পুকুর-জলে তৈরী সে যে

ঝাঁজির জালে ঘেরা !

এমন ক্লাব্‌টি কোথাও খুঁজে  
পাবে নাকো তুমি,  
কাংলা-চিতল কাঁকড়া-কাছিম  
ব্যাঙের বিহার-ভূমি !!

কোথায় এমন দলে দলে  
হামাগুড়ি তায় রে জলে,  
কোথায় মানুষ যায় ভিড়ে, ভাই,  
জলচরের ঝাঁকে,

( তারা ) ভুঁড়ির বয়ায় ভর দিয়ে সব  
বেবাক ভেসে থাকে ।

এমন ক্লাব্‌টি কোথাও খুঁজে  
পাবে নাকো তুমি,  
চতুর্ক-জলহস্তী-হোয়েন্  
হিপোর মলভূমি !!

কাদের জলঝাম্প হেরে  
মৎস্য ভাগে লক্ষ্য মেরে,  
ব্যাঙের কড়কড় ধনি  
কণ্ঠেতে মূলত্বি,

( বেন ) মর্মে জগঝাম্প বাজে  
আকাশে হুন্দুভি !

এমন ক্লাবটি কোথাও খুঁজে  
পাবে নাকো তুমি,  
উল্লাসে প্রফুল্ল এ যে  
হল্লোড়েরি ভূমি।

হাস-সাঁতার আর নেটিভ ডাইভ  
কোথায় এমন করে খুঁইভ,  
সাঁতার-বাজের মডেল কোথায়  
মাইল-মারী টাইল,  
( কোথা ) সাব-মেরিনের বহর দেখে  
বোম্বটে সব কাহিল।

এমন ক্লাবটি কোথাও খুঁজে  
পাবে নাকো তুমি,  
মাছরাঙা পানুকোটি সারস  
বকের বিলাস-ভূমি !!

ছুধে-দাঁত আর পঙ্ক-কেশী  
কোথায় সবাই এক-বয়েসী,  
হে ক্লাব! তোমার তক্তা-ঘাটায়  
বাধা মোদের টিকি,  
( আমরা ) তোমার সেবায় তাই তো ঢালি  
ডঙ্কন্ ডঙ্কন্ সিকি।

এমন ক্লাবটি কোথাও খুঁজে  
পাবে নাকো তুমি,  
গুগলি শামুক চিংড়ি এবং  
মোদের আরাম-ভূমি !!

## নীরব নিবেদন

( বিশ্ববরেণ্য শ্রীযুক্ত রবীন্দ্রনাথ ঠাকুর মহোদয় সমীপে )

আজ নীরবে যাব প্রণাম ক'রে  
একটু শুধু নিয়ে পায়ের ধুলো,  
সঁপে মোদের প্রাণের অর্ঘ্য, কবি,  
বলব নাকো বাক্য কতকগুলো !  
বাক্য যে আজ শুধুই জ্বালায় মালা,  
হৃদয় সে যে রুদ্ধ ব্যথার ডালি ;  
মৌন মুখে তাই তোমাতে দেখি  
তিরিশ কোটির নয়ন দিয়ে খালি ।

শকামুচ স্বদেশবাসীর পাশে  
দেখি তোমায় আত্ম-বোধের ঋষি !  
অভিচারের মঞ্চে যখন ঘোলা  
আকাশ জুড়ে নামে অকাল নিশি ;—

## বিদায়-আরতি

জগৎ যখন নিচ্ছে বিভাগ ক'রে  
মারণ এবং উচ্চাটনে মিলে,  
সে সঙ্কটে সত্য-অনুরাগী  
আত্ম-প্রদ মন্ত্র তুমি দিলে ।

আত্মনিষ্ঠ মানুষ স্বয়ম্ভু,  
মন ব'লে তার একটা মহাল আছে,—  
ভয়ঙ্করের ভোজবাজীতে কভু  
খাজ না আদায় হয় না কে। তার কাছে !  
সেই মহালের খবর তুমি দিলে,  
সূর্য জাগে তোমার তূর্য্যরবে ;  
মানুষ ব'লেই প্রাপ্য যে মর্যাদা  
সে মর্যাদা পেতে হবেই হবে ।

শ্রমোট রাতে অসঙ্কোচের হাওয়া  
জাগ'ল,—উষার নিশাসটুকুর মত,  
নাগালে বৈকুণ্ঠ বুঝি এল—  
তোমার পুণ্যে কুণ্ঠা হ'ল হত ।  
সত্য কথা সত্যযুগের কথা,  
কলিযুগে চারদিকে তার ঘাঁটি,  
কলির মানুষ আমরা—ভাবি মনে  
কামান যা' কয় সেই কথাটাই খাটি ।

গোলন্দাজের গোলা যে বোল্ বলে  
সেই বুলিটাই বুঝি চরম বলা,

আজ দিয়েছ তুমি সে ভুল ভেঙে  
তিরিশ কোটির ঘুচিয়ে মনের মলা ।

অপ্রমত্ত তোমার সরস্বতী  
ভূভারতে দান করে আজ ভাষা,  
সঞ্চারে বল আত্মাতে আত্মাতে,  
বাক্যে মনে সত্য হবার আশা ।

সাঁচার আদর জাগছে তোমায় হেরে  
মিথ্যাচারের মহাজনীর হাটে,  
কুণ্ঠিত দীন মনের-উপর থেকে  
ক্রকুটিময় মেঘলা বুঝি কাটে ।

জীবন যাদের অসম্মানের বোঝা,  
তলিয়ে যারা আছে অবজ্ঞাতে,  
ইচ্ছা করার সহজ শক্তিটুকু  
লুপ্ত যেন পঙ্কু পক্ষাঘাতে,

তাদের তুমি মুখ রেখেছ, কবি,  
হাঝা ক'রে দিয়েছ ঢের লাজে,  
সবার-ছুথের ভাগ নিয়ে স্বেচ্ছাতে  
তকুমা ছেড়ে এসে সবার মাঝে ।

সারা ভারতঃশব্দ তোমার ত্যাগে,  
ঘুচল এবার টুটল মনের জরা,  
তিরিশ কোটির প্রাণের স্পন্দ, কবি,  
তোমার প্রাণের ছন্দে প'ল ধরা ।

স্বর্গার গান

চপল পায় কেবল ধাই,  
কেবল গাই পরীর গান,  
পুলক মোর সকল গায়,  
বিভোল মোর সকল প্রাণ !

শিথিল সব শিলার পর  
চরণ খুঁই দোহুল মন,  
দুপুর-ভোর ঝাঁঝের ডাক,  
ঝিমায় পথ, ঘুমায় বন !

বিজন দেশ, কুজন নাই,  
নিজের পায় বাজাই তাল,  
একলা গাই, একলা ধাই,  
দিবস রাত, সাঁঝ সকাল ।

ঝুঁকিয়ে ঘাড় ঝুম-পাহাড়  
ভয় ছাথায়, চোখ পাকায় ;  
শঙ্কা নাই, সমান ধাই,  
টপ-ফুল-নুপুর পায় ,

স্বাহ্না মোর শেত চামর

জরির খান ওড়না পায়,

অলঙ্কার মাণিক-হার,

মুক্তকেশ,—মুক্তা তায় ।

তুহিন-লীন কোন্ মূনির

ছিলাম কোন্ স্বপ্নেতে !

জন্ম মোর কোন্ চোখের—

কটাক্ষের সঙ্কেতে !

কোন্ গিরির হিম ললাট

যামল মোর উদ্ভবে,

কোন্ পরীর টুটল হার

কোন্ নাচের উৎসবে !—

খেয়াল নাই—নাই রে ভাই

পাই নি তার সংবাদই,

ধাই লীলায়,—খিলখিলাই—

বুলবুলির বোল সাধি ।

বন-ঝাউয়ের ঝোপুলায়

কালসারের দল চরে,



## বিদায়-আরতি

শিং শিলায়—শিলার গায়,—  
ডাল্‌চিনির রং ধরে !

ঝাঁপিয়ে যাই, লাফিয়ে ধাই,  
হুলিয়ে যাই অচল-ঠাট,  
নাড়িয়ে যাই, বাড়িয়ে যাই—  
টিলার গায় ডালিম্‌-ফাট ।

শালিক শুক বুলায় মুখ  
থল্‌-ঝাঁঝির মধ্‌মলে,  
জরির জাল আঙ্‌রাথায়  
অঙ্গ মোর ঝল্‌মলে ।

নিয়ে ধাই, শুন্তে পাই  
‘ফটিক জল ।’ হাঁকছে কে,  
কণ্ঠাতেই তৃষ্ণা যার  
নিকনা সেই পাক ছেকে ।

গরজ যার জল সঁাচার  
পাংকুয়ায় যাক না সেই,  
স্বন্দরের তৃষ্ণা যার  
আমরা ধাই তার আশেই ।

তার খোঁজেই বিরাম নেই  
বিলাই তান—তরল নোক,

## বিকর্ণ কি ঘণ্টাকর্ণ

চকোর চায় চন্দ্রমায়,

আমরা চাই মুক্ত-চোখ !

চপল পায় কেবল খাই

উপল-ঘায় দিই ঝিলিক্,

ছুল্ দোলাই, মন তোলাই,

ঝিলমিলাই দিখিদিখ্ ।

## বিকর্ণ কি ঘণ্টাকর্ণ

কে করেছে ঠাট্টা তোমায় দিয়ে কবির তক্ত ?

বিকর্ণ কি ঘণ্টাকর্ণ চেনা তোমায় শক্ত !

বাংলা ভাষার ওজন তুমি বোঝ তো ছাই ঘণ্টা,

মিথ্যে কেন মাথা বকাও গরম কর মনটা ?

রবি-রথের ঘোড়ার খুরেও জন্মে যে-সব ছন্দ

নাই ক্ষমতা বুঝতে তোমার, তাই করো গাল মন্দ ।

ব্যাকরণের চচ্চড়িতে বুদ্ধি-জাতা পণ্ডা,

উদ্ভূটে শ্লোক বানাও নীরস সাত বৃড়ি সাত গণ্ডা ।

সংস্কৃতের গণ্ডোপরি বিরাম কর বিস্ফোটক,

বাংলা ভাষার কেউ তুমি নও, হংস সারস কিম্বা বক ।

## নিদায-আরতি

ভাব-সাধনার দ্বার ধারো না, ঠাট্টা জান বুদ্ধ হোঁ !  
ধ্যান-রসিকের তপোবনে নাড়'ছ গ্রীবা গৃধ্র হে !  
শাস্ত্র পুঁথি ছুঁড়ে ছুঁড়ে করলে শুধু কীটপনা,  
কথার আঁচে টের পেয়েছি পাওনি স্বধা এক কণা ।  
একটা কথা একশো-বারি বুঝিয়ে কত বল্ব ?  
অবোধ মোষের ঘাড় নোয়াতে কত বা ঘি ডল্ব ?  
চতুর্মুখের মুখ ব্যথা হয় ঢেঁকির সঙ্গে তর্কে,  
এক মুখে কি বল্ব আমি বলদ ধুরন্ধরকে !  
নিমেষে কেউ বোঝে, আবার কেউ বা বছর চলিশে,  
তারও দ্বিগুণ কাটল বয়েস, আর বোধোদয় হয় কিসে ?

## বজ্র-বোধন

অযুত ঢেউয়ের তপ্ত নিশাস অগ্নিহারা  
ফিরতেছিল হাওয়ায় ছায়া-মুক্তি-পারা ;  
নিদাঘ-দিবস হানতেছিল আগুন-চাবুক,  
লুপ্ত সারা জগৎ হতে সোয়ান্তি স্বপ্ন ।  
শুকনো পাতার সকল-এড়া শিথিল স্বরে  
তেপান্তরের তপ্ত তামার চাতাল ঘুরে  
উঠতেছিল গুমোট ঠেলে মৌন মুখে  
বিদ্যাতেরি বিস্ত নিম্নে গোপন বুদ্ধে—

সাগীর-তড়াগ-হৃদের নদের তৃপ্তিহার

উষ্ণ নিশাস, নীরব ছায়া-মূর্তি-পারা ।

হঠাৎ কখন কোন্ গগনের পাণ্ডু হাওয়ার কোন্ ইসারায়  
শরীর পেল এক নিমিষে ওই অতল সে কোন্ তারায় ?  
লক্ষ ব্যথার তপ্ত নিশাস পড়ল হঠাৎ একে বঁধা,  
জীবন-মরণ-মন্ত্র যেন মন্ত্র-মধুর শব্দে গাঁথা ।

আকাশ হ'ল ভাঙড় ভোলার নেশায় ঘোলা চোখের মত,  
ঘোর গুমোটের গুম্-ঘরে আজ ঘুলঘুলি সে খুলল শত ;  
অস্ত্রচলের সোনার বরণ অঙ্গ হঠাৎ উঠল যেমে,  
শিউরে সাগর-টেউ টিমিয়ে থমথমিয়ে রইল থেমে ;  
তালের সারি পাণ্ডু-ছবি কাজল মেঘের মূর্তি দেখে  
চমকে উঠে ময়ূর চোঁচায় "কে গা ? এ কে ? কে গা ? এ কে ?"  
ধায় আকাশের উন্মাদমুখী হঠাৎ যেন প্রমাদ গণি',  
বাগুন-ডোরে শূন্যে দোলে ইন্দ্রাণীরই স্নানের জোণী ।  
বজ্র-বোধন বাজ বাজে, হিমায় হিমায় তড়িৎ চুমায়,  
গুমোট-ভরা আঘাত-সাঁঝের জলদ-গহন গগন-গুহায় ।

হৃদের নদের কুড়িয়ে নিশাস নিশান ওড়ে ! নিশান ওড়ে !  
লক্ষ হিমায় মল্ল্য জাগে প্রলয়-মেঘের মূর্তি ধ'রে !  
আসছে কে গো বাপ্পঘন ! বারুদ-মাথা-অঙ্গে একা,  
ঈশান-কোণে দিম্বারণের হাওদা তোমার যাচ্ছে জ্বাথা ;

## বিদায়-আরতি

তোমার সাড়ায় বৃহৎগেরি বৃহৎ ধ্বনি শুক বনে,  
সিংহ বারেক গর্জে' উঠে গুহায় পশে জন্তু মনে,  
ঝঙ্কা তোমার চারণ কবি, জগৎ লোটার পায়ের নীচে,  
পাশের ধুলার তলায় যারা তারাই শুধু অস্কুরিছে।  
ব্যথার তাপে জন্ম তোমার, আসুছ ব্যথার আসন দিতে,  
নবীন মেঘের গর্ভাধানে মন্ত্র পড় রুদ্রগীতে।  
জীর্ণ যা' তা পড়ছে ভেঙে—জরার ভারে পড়ছে ভেরে,  
তোমার সাড়া চমক দিয়ে জাগায় অফুট অস্কুরেরে।  
গর্ক যাদের পর্কে পর্কে সে পর্কতের উড়াও চুড়ায়,  
বজ্র ! কুশাস্কুরচ্ছবি ! তোমার পরশ পাহাড় গুঁড়ায়।  
গ্রীষ্মে-জরা দম্ব ধরা ভাবছে যারে চিরস্থায়ী,  
তোমার সাড়ায় মুচ্ছা সে পায়, বজ্র ! হে নীলপদ্মশায়ী !

\*

তোমার সাড়ায় তুমায় অধীর কোন্ চাতকের পুড়ল ডানা,  
কোন্ সে শাখীর তাঙল শাখা তার কথা নেই তুলতে মানা,  
তোমার সাড়ায় তরুণ প্রাণের যে বহা আজ জলে-স্থলে,  
কতিন কথা তুলিয়ে দিতে হাসছে তারা নানান ছলে।  
তোমার সাড়ায় উন্টে গেল শূন্য-শয়ান জলের দ্রোণী,  
সোহাগ-দ্রোণীর বর্ণা-ধারায় আর্দ্র ভুবন দিন রজনী।  
লক্ষ ব্যথার প্রসব তুমি, সূর্য্যে নিবায় তোমার গাথা,  
বজ্র ! তুমি দর্পহারী, খড়্গ তুমি অভয়-দাতা !  
তোমার বোধন গাইছে কবি, গাইবে কবি সকল কালে,  
জীবন-লোকে বরণ তোমার দীপক রাগে রুদ্রতালে।

কবি দেবেন্দ্র

শামার শিশে হরের স্তবক হেন  
প্রাণ ছিল যার গানের উছাস-ভরা,  
কণ্ঠ তাহার হঠাৎ নীরব কেন,  
শিউলি-বীথির শেষ বুঝি ফুল-ঝরা ।

বাজল কখন বিসর্জনের বাঁশী,  
আঁধার এল মুগ্ধ আঁখির 'পরে ;  
গোলাপ যখন ফুটছে রাশি রাশি  
গোলাপ-ফুলের ভক্ত গেল মরে' ।

মিলিয়ে গেল মরণ-হারা গানে ;  
ঝর্ণা হ'ল হঠাৎ গতিহারা ;  
যম-নিয়মের তপ্ত মরুস্থানে  
হারিয়ে গেল সরস্বতীর ধারা ।

প্রাণের ভাঁড়ার উঠছে রিক্ত হ'য়ে,  
সিক্ত হ'য়ে উঠছে আঁখির পাতা,  
একে একে বৈতরণীর তোয়ে  
ডুবছে মাণিক ; হচ্ছে নীরব গাথা ।

দরাজ প্রাণের সেই হাসি আজ খুঁজি,  
গান গাওয়া সেই তেমন দরাজ হরে ;  
“দরদী নেই তেমন দরের বুঝি”  
—শোকের হাওয়ায় রক্ত-অশোক বুঝে ।

বড়দিনে

তোমার শুভ জন্মদিনে প্রণাম তোমায় করছে অখুঁষ্টান,  
 ভগবানের ভক্ত ছেলে ! ঋষির ঋষি ! খৃষ্ট মহাপ্রাণ !  
 সাত মনীষীর বন্দনীয় ওগো রাখাল ! ওগো দীনের দীন !  
 জগৎ সারা চিত্ত দিয়ে স্বীকার করে তোমার কাছে ঋণ ।  
 হৃদয়-লতার তন্তু দিয়ে বিশ্ব সাথে বাঁধ্লে বিধাতারে,  
 পিতা ব'লে ডাক্লে তাঁরে আনন্দের সহজ অধিকারে ।  
 চমকে যেন উঠ্লে জগৎ নূতনতর তোমার সম্বোধনে ;  
 শাস্ত্রপাঠী উঠ্লে রুষে, শয়তানেরা ফন্দী আঁটে মনে ;  
 টিটকারী ছায় সন্দেহীরা, ভাবে বুঝি দাবী তোমার ফাঁকা,  
 ক্রুসের পরে জীবন দিয়ে রক্তে আপন কর্লে দলীল পাকা ।  
 মৃত্যুপারের অন্ধকারে ফুটল আলো, উঠ্লে যে জয়গান,  
 আপ্নি ম'রে বিশ্ব-নরে দিলে তুমি নবজীবন দান ।  
 স্বর্গে মর্ত্তে বাঁধ্লে সেতু, ধন্য ধরা তোমার আবির্ভাবে ।  
 মরণ-জয়ী দীক্ষা তোমার জয়াজয়ে অটল লাভালাভে ।  
 তাই তো তোমার জন্মদিনের নাম দিয়েছি আমরা বড়দিন,  
 স্মরণে যার হয় বড় প্রাণ, হয় মহীয়ান্ চিত্ত স্বার্থলীন ;  
 আমরা তোমায় ভালবাসি, ভক্তি করি আমরা অখুঁষ্টান,  
 তোমার সঙ্গে যোগ যে আছে এই এসিয়ার, আছে নাড়ীর টান  
 মস্ত দেশের ক্ষুদ্র মানুষ আমরা, তোমায় দেখি অবাক্ হ'য়ে,  
 অশেষ প্রকার অধীনতার ক্রুসের কাঁটা সারাজীবন ম'য়ে ।

=রাষ্ট্র মোদের কাঁটার মুকুট, সমাজ মোদের কাঁটার শয্যা সে যে,  
 যতই ব্যথায় পাশ ফিরি হায় ততই বেঁধে, ততই ওঠে বেঙ্গে ।  
 কাণ্ডারীহীন জীবন-যাত্রা, কুকাণ্ড তাই উঠছে কেবল বেড়ে,  
 যোগ্যতম জবাবদস্তি ফেলছে চ'ম্বে জগৎটা শিং নেড়ে ।  
 নৃশংসতার হুণ অতিহুণ টেকা দিয়ে চলছে পরম্পরে,  
 শয়তানী সে অট্টহাসে সত্য-বাণীর কণ্ঠ চেপে ধরে !  
 গির্জা-ভাঙা হাউইট্‌জারের গর্জনে হায় ধর্ম গেল তল,  
 মাং হ'য়ে যায় মনুষ্যত্ব, 'কিস্তি' হাঁকে ভব্য ঠগীর দল ।  
 নিরীহ জন লাঞ্ছনা সম, সে লাঞ্ছনা বাজে তোমার বুকে,  
 নিত্য নূতন ক্রুদের কাঠে তোমায় ওরা বি'দ্ধে পেরেক ঠুকে ।  
 তোমার 'পরে জুলুম ক'রে ক্ষুণ্ণ ক'রে মনুষ্যত্বধারা  
 রোমের হকুম-মহকুমা গুঁড়িয়ে গেল, ধুলায় হ'ল হারা ।  
 আজ বিপরীত-বুদ্ধি-বশে ভুলছে মানুষ ভুলছে কালের বাণী,  
 তাসের পরে তাস সাজিয়ে ভাবছে হ'ল অটল বা রাজধানী ।  
 মাড়িয়ে মানুষ উড়িয়ে ধুলো অন্ধ বেগে কবন্ধ রথ চলে,  
 ষষ্ঠবাসী খৃষ্ট-ভক্তি ডুবছে নিতি নীটশেবাদের তলে ।  
 তাকায় জগৎ বাক্যহারা ইয়োরোপের মাটির ক্ষুধা মেখে,  
 ভব্যতা সে ভিক্ষি গেছে ভেপ মে-ওঠা টাকার গর্জ্জয় থেকে,  
 উবে গেছে ভক্তি শ্রদ্ধা, শিষ্টতা আড়ষ্ট হ'য়ে আছে,  
 জড়বাদের স্বক্ষে চ'ড়ে খিঙ্গি-পারা জিকো-জুজু নাচে !  
 তিন ডাকিনী নৃত্য করে ইয়োরোপের শ্মশান-পারা বুকে—  
 সড়াই-লালচ, বড়াই-লালচ, কড়ির লালচ, —নাচছে বিষম রূপে ।





## কোনো ধর্মধ্বজের প্রতি

প্রেমের ধর্ম করুছ প্রচার কে গো তুমি সবুট লাখি দিয়ে,—  
 ছায়ার-মার্কী শিষ্টাচারের লাল-পেয়ালার শেষ তলানি পিয়ে !  
 কুশলে তো চলছে তোমার অর্ধঘণ্টা ধর্মোপদেশ দেওয়া,—  
 টিফিন্ এবং টি-এর ফাঁকে ? জম্ছে ভালো খুষ্ট-কথার খেয়া ?  
 মুখোস খোলো, মুখস্থ বোল বোলো না আর টিয়াপাখীর মত  
 মোটা মাসহারার মোহে,—দোরোখা ঢং চালাবে আর কত ?  
 বয়স গত ; ক্ষাপার মত কামড় দিতে এলে নকল দাঁতে ?  
 বাধানো দাঁত উন্টে গিয়ে, আহা, শেষে লাগ্বে যে টাকুরাতে !  
 নিরীহ যে সত্যাগ্রহী—কি লাভ হ'ল তারে লাখি মেরে ?  
 সে করেছে তোমায় ক্ষমা ;

তার চোখে আজ নাও দেখে খুষ্টেরে ।

\*

\*

\*

“অক্রোধে ক্রোধ জিন্তে হবে,”—

সে শিক্ষা কি রইল শিক্ষিত তোলা,  
 ডিগ্রি নিরেই ফুরিয়ে গেছে ভাগর-বুলির যা কিছু বোলবোলা ?  
 উদর-তন্ত্র উদারতা ? ধর্ম কেবল কথারই কাপ্তেনী ?  
 ভ্রষ্টা-নাদের পিছন পিছন সত্য নিয়ে খেল্ছ ছেনিমেনি ?  
 চেয়ে ছাখে ক্রুশের পরে স্ক্রু কে ওই তোমার ব্যবহারে !  
 শীরস্তবৎ পাষণ-মুরং !—হেটমাথা তাঁর লজ্জাতে ধিক্বারে !

## বিদায়-আরতি

কুড়ি শ' বৎসরের ক্ষত লাল হ'য়ে তাঁর উঠছে নতুন ক'রে !

দেখছে জগৎ—

পাথর ফেটে ফোঁটায় ফোঁটায় পড়ছে শোণিত ঝ'রে!

দাও ক্ষমা দাও, চোখ মেলে চাও,—

কি কাণ্ড হায় করছ গজাল ঠুকে!

নিরীহদের নির্যাতনের সব ব্যথা কার বাজছে আঁখো বুকে !

\* \* \*

কিষা ছাখার নাই প্রয়োজন, তোমরা এখন সবাই বিজ্রিগীষু,

'জ্বিদো' আদল ইষ্টে সবার, তার আবরণ-দেবতা মাত্র যৌগ !

ডায়ার-ডোল্ জবরদস্তি,—

তাতেই দেখি আজ তোমাদের রুচি !

গোবর-দস্ত আইন গ'ড়ে নিষ্ঠুরতায় নিচ্ছ ক'রে শুচি !

বীরত্বেরই বিজয়-মালা বর্সরতার দিচ্ছ গলায় তুলে !

অমানুষের করছ পূজা, সেরা-মানুষ খুঁটদেবে ভুলে !

মরদ-মেয়ে ভুগছ সমান হুণ-বিজয়ের বড়াই-লালচ-রোগে,

মানুষকে আর মানুষ ব'লেই চিন্তে যেন চাইছ না, হায়,

চোখে

ঢাকের পিছে ট্যাম্‌টেমি-প্রায় টমির ধাঁচায় ট্যাশ টোশ ও

আজ ঘোরে

শয়তানই যে হাওয়ায় হাঁটায় শূন্যে ওঠায় সে হাঁপ গেছে স'রে !

নেইক খেয়াল, আত্মা বেচে জগৎ-জোড়া কিনছে জমিদারী !

কে জানে ক'দিনের ঠিকা, ঠিকাদারের ঠ্যাকার কিন্তু ভারি !

ধিকি চলে জঙ্গী চালে, কুচ ক'রে লাল কাগজ-ওলা চলে,—  
নাক তুলে ধায় দালাল-ফোড়ে,

আজ দেখি হায় পাদ্রীও সেই দলে !

যাও দ'লে যাও, ডকা বাজাও, অহঙ্কারের ছায়া ক্ষণস্থায়ী !  
মিছাই ব্রতের বিঘ্ন ঘটাও অন্ধকারের হুমকি-ব্যবসায়ী !  
আমরা তোমার চাই না শিক্ষা, চাই না বিজ্ঞা, হে বিজ্ঞা-বিক্রয়ী !  
ধর্ম-কথাও পণ্য যাদের তাদের পণ্য কিন্তে ব্যগ্র নহি !  
মানুষ খুঁজে ফিরিহি মোরা,—মানুষ হবার রাস্তা যে বাংলাবে,  
তিক্ত হয়ে গেছে জীবন ঘরের পরের অমানুষের তাঁবে ।  
ফলিয়ে দেবে মর্ত্যে যেকোন বুদ্ধ-যীশুর স্বর্গ-সূচন বাণী,  
শহীদ-কুলের হৃদ-শোধ্য হৃদয়ে যার পেতেছে রাজধানী,—  
জাতিভেদের টিটকারী যে পরকে শুধুই ছায় না নানান্ ছলে,—  
জমিয়ে বুকে জিজ্ঞাসানীর জবর জাতিভেদের হলাহলে,—  
ষোলো-আনা মানুষ হবার নিমন্ত্রণ দেবে যে সব জনে,—  
সেই মানুষে খুঁজ্ছি মোরা, অহর্নিশি খুঁজ্ছি ব্যাকুল মনে,  
নিক্তি ধ'রে করলে তৌল্ ওজন সে যার ভজ্জে পূরাপুরি,  
লোভের মোহের মন্ত্রণাতে ভাবের ঘরে করবে না যে চুরি,  
পথ চেয়ে তার সহি অনাচার দুঃখ অপার অনন্ত লাহনা,  
বেশ জানি, "আজ সয় যারা ক্রেশ তাদের তরেই স্বর্গীয় সাধনা,  
নিরীহ যেই ধন্য যে সেই ধৃত-ব্রত দৈবী-মশাল-ধারী,  
নিঃস্ব যারা তারাই হবে বিপুল ভবে রাজ্য-অধিকারী ।"

## চরুকার গান

ভোম্রায় গান গায় চরুকায়, শোন, ভাই !  
 খেই নাও, পাঙ্ক দাও, আমরাও গান গাই !  
 ঘর-বা'র করবার দরুকার নেই আর,  
 মন দাও চরুকায় আপ্নার আপ্নার !

চরুকার ঘরঘর পড়শীর ঘর ঘর !  
 ঘর-ঘর ক্ষীর-সর,—আপ্নায় নির্ভর !  
 পড়শীর কণ্ঠে জাগল সাড়া,—  
 দাঁড়া আপ্নার পায়ে দাঁড়া !

চরুকায় বুঝবুঝ ফুরফুর বইছে !  
 চরুকার বুলবুল কোন্ বোল্ কইছে ?—  
 কোন্ ধন দরুকার চরুকার আজ গো ?—  
 ঝিউড়ির খেই আর বউড়ির পাঙ্ক গো !  
 চরুকার ঘরঘর পল্লীর ঘর-ঘর !  
 ঘর-ঘর ঘি'র দীপ,—আপ্নায় নির্ভর !  
 পল্লীর উল্লাস জাগল সাড়া,—  
 দাঁড়া আপ্নার পায়ে দাঁড়া !

আর নয় আইটাই টিস্-টিস্ দিন-ভর,  
 শোন বিশ্বকর্মার বিশ্বয়-মন্তর !

চরকার চর্যায় সন্তোষ মন্টায়,  
 রোজ্‌গার রোজ্‌দিন ঘন্টায় ঘন্টায় !  
 চরকার ঘরঘর বস্তির ঘর-ঘর !  
 ঘর-ঘর মজল,—আপ্নায় নির্ভর !  
 বন্দর-পত্তন-গঞ্জে সাড়া,—  
 দাঁড়া আপ্নার পায়ে দাঁড়া !

চরকায় সম্পদ, চরকায় অন্ন,  
 বাংলার চরকায় ঝলকায় স্বর্ণ !  
 বাংলার মসলিন্ বোগদাদ্ রোম চীন  
 কাঞ্চন-তোলেই কিন্তেন একদিন !  
 চরকার ঘরঘর শ্রেষ্ঠীর ঘর-ঘর !  
 ঘর-ঘর সম্পদ,—আপ্নায় নির্ভর !  
 স্বপ্তের রাজ্যে দৈবের সাড়া,—  
 দাঁড়া আপ্নার পায়ে দাঁড়া !

চরকাই লজ্জার সজ্জার বস্ত্র !  
 চরকাই দৈন্তের সংহার-অস্ত্র !  
 চরকাই সম্ভান ! চরকাই সম্মান !  
 চরকায় ছঃখীর ছঃখের শেষ ত্রাণ !  
 চরকার ঘরঘর বজ্রের ঘর-ঘর !  
 ঘর-ঘর সম্ময়—আপ্নায় নির্ভর !

## বিদায়-আরতি

প্রত্যাশ ছাড়বার জাগল সাড়া,—

দাঁড়া আপ্নার পায়ে দাঁড়া !

\*

\*

\*

স্বপ্নসং সার্থক করবার ভেল্কি !

উন্মুখ হাত ! বিশ্বকর্মার খেল কি !

তজ্জার হৃদোয় একলার দোকলা !

চরুকাই একজাই পয়সার টোকলা !

চরুকার ঘর্ষর হিন্দের ঘর-ঘর !

ঘর-ঘর হিকমৎ,—আপ নায় নির্ভর !

লাখ লাখ চিন্তে জাগল সাড়া,—

দাঁড়া আপ্নার পায়ে দাঁড়া !

\*

\*

\*

নিঃশ্বের মূলধন, রিজের সঞ্চয়,

বন্ধের স্বস্তিক চরুকার গাও জয় !

চরুকায় দৌলৎ ! চরুকায় ইজ্জৎ !

চরুকায় উজ্জল স্মীর লজ্জৎ !

চরুকার ঘর্ষর গোড়ের ঘর-ঘর !

ঘর-ঘর গৌরব,—আপ নায় নির্ভর !

গঙ্গায় মেঘনাম তিস্তায় সাড়া,—

দাঁড়া আপ্নার পায়ে দাঁড়া !

\*

\*

চন্দের চরুকায় জ্যোৎস্নার সৃষ্টি !

অখ্যের কাটনায় কাঞ্চন বৃষ্টি !

ইজ্জের চব্বাকায় মেঘ জল থান থান !  
 হিঙ্গের চব্বাকায় ইজ্জৎ সম্মান !  
 ঘর-ঘর দৌলত ! ইজ্জৎ ঘর-ঘর !  
 ঘর-ঘর হিম্মৎ,—আপ্নায় নির্ভর !  
 গুজরাট-পাঞ্জাব-বাংলায় সাড়া—  
 দাঁড়া আপ্নার পায়ে দাঁড়া !

### সেবা-সাম

আলগ্ হ'য়ে আলগোছে কে আছি জগতে—  
 জগন্নাথের ডাক এসেছে আবার মরতে !  
 তফাৎ হ'য়ে তফাৎ ক'রে নাইক মহত্ব,  
 দেশের সেবায় শূদ্র হওয়াই পরম দ্বিজত্ব !  
 পিছিয়ে যারা পড়ছে তাদের ধ'রে নে ভাই হাত,  
 মিলিয়ে নেব কণ্ঠ আবার চল সাথে সাথ,  
 জগন্নাথের রথ চলেছে, জগতে জয় জয়,—  
 একটি কণ্ঠ থাকলে নীরব অঙ্গহানি হয় ;  
 সাথের সাথী পিছিয়ে রবে,—কাঁদবে নাকি মন ?  
 এমন শোভাযাত্রা যে হয় ঠেকবে অশোভন ।

চিত্রময়ী তিলোত্তমা ভাবান্ধিকা মোর,  
 মর্ত্তে এস নন্দনেরি নিয়ে স্বপন-ঘোর ;



## বিদায়-আরতি

তোমার আশির অমল আভায় ফুটাও অঙ্ক চোখ,  
আদর্শেরি দর্শনেতে জনম সফল হোক ।

জাগ কবির মানসরূপে বিশ্ব-মনস্কাম,—  
সর্বভূতে আত্মবোধে মহান্ সেবাসাম ।

এক অরূপের অঙ্গ মোরা লিপ্ত পরম্পর,—  
নাড়ীর যোগে যুক্ত আছি নইক স্বতন্তর ;  
একটু কোথাও বাজ্লে বেদন বাজে সকল গায়,  
পায়ের নখের ব্যথায় মাথার টনক ন'ড়ে যায় ;  
ভিন্ন হ'য়ে থাকব কি, হায়, মন মানে না বুঝ,—  
ছিন্ন হ'য়ে বাঁচতে নারি,—নই রে পুরুভুজ ।

তফাৎ থেকে হিতের সৃধন মোদের ধারা নয়,  
ভিক্ষা দেওয়ার মতন দেওয়ায় ভরবে না হৃদয়,  
অনুগ্রহের পায়সে কেউ ঘেস্বে না গন্ধে,  
আপন জেনে ক্ষুদ্র কুঁড়া দাও খাবে আনন্দে ।  
পরকে আপন জানতে হবে, ভুলতে আপন পর,—  
নান্ন নৈহ অসীম ধৈর্য্য অটুট নিরন্তর ।

পিতার দৃঢ় ধৈর্য্য, মাতার গভীর মমতা  
প্রত্যেকের মধ্যে মোদের পায় গো সমতা ;  
পিতার ধৈর্য্যে মানব-সেবা করুব প্রতিদিন,  
মাতার স্নেহ বিশ্বে দিয়ে শুধু মাতৃঋণ ।

দীপ্তিহারা দীপ নিয়ে কে ?—মুখটি মলিন গো !  
চকুমকি কার হাতে আছে ?—জাগাও ফুলিস,—  
জাগাও শিখা—সঙ্গীরা সব মশাল জ্বলে নিক,  
এক প্রদীপের প্রবর্তনায় হোক আলো দশদিক ।  
এক প্রদীপে দিকে দিকে সোনা ফলাবে,  
একটি ধারা মরু-ভূমির মরম গলাবে ।

সত্য সাধক ! এগিয়ে এস জ্ঞানের পূজারী,  
অস্ত্রমনের অন্ধগুহায় আলোক বিথারি' ।  
শিল্পী ! কবি ! হৃদয়ের জাগাও স্বপ্নমা,—  
অশোভনের আভাস—হ'তে দিয়ো না জমা ।  
কর্মী ! আনো স্বধার কলস সিদ্ধ মথিয়া,  
হুঃস্থ জনে সুস্থ কর আনন্দ দিয়া ।  
সুখী ! তোমার সুখের ছবি পূর্ণ হ'তে দাও,  
দুখী-হিমার দুঃখ হর হরম যদি চাও ।  
নইলে মিছে শ্মশানে আর বাজিয়ো না বানী,  
হেস না ঐ অর্থবিহীন বীভৎস হাসি ।  
এস ওঝা ! ভূতের বোঝা নামাও এবারে,  
নিজের রক্ত অঙ্গ জেনে রোগীর সেবা রে !  
জীবনে হোক সফল নব ত্রিবিজ্ঞা-সাধন,—  
সহজ সেবা, সরল প্রীতি, চিত্ত-প্রসাধন ।

## বিদায়-আরতি

বিশ্বদেবের বিরাট্ দেহে আমরা করি বাস,—  
তপন-তারার নয়ন-তারার একটি নীলাকাশ ।  
এক বিনা দুই জানে নাকো একের উপাসক,  
সবাই সফল না হ'লে তাই হব না সার্থক ।  
নিখিল-প্রাণের সঙ্গে মোদের ঐক্য-সাধনা,  
হিম্মত মাঝে বিশ্ব-হিম্মত অমৃত-কণা ।  
সবার সাথে যুক্ত আছি চিন্তে জেনেছি,  
প্রীতির রঙে সেবার রাখী রাঙিয়ে এনেছি—  
কাজ পেয়েছি, লাজ গিয়েছে, মেতেছে আজ প্রাণ,  
চিন্তে ওঠে চিরদিনের চিরনূতন গান ।  
বৈচে ম'রে থাকব না আর আলগ—আলগোছে ;  
লগ্ন শুভ, রাখ ব না আজ শঙ্কা-সঙ্কোচে ।  
বাড়িয়ে বাছ ধরূব বুকে, রাখ ব মমত,  
মোদের তপে দগ্ধ হ'বে শুদ্ধ মহত্ত্ব ।  
মোদের তপে কোঁকড়া কুঁড়ির কুঠা হ'বে দূর,—  
শতদলের সকল দলের স্মৃতি পরিপূর ।  
জগন্নাথের রথ চলিল,—উঠেছে জয়রব,  
উদ্বোধিত চিত্ত,—আজি সেবা-মহোৎসব ।

---

## মহানামন্

( প্রথম হলুকা )

“রাজা নেই ব’লে অরাজক নয়  
কপিলবাস্তু পুরী,  
সস্তাগারের সস্তেরা আছে,  
বাজা ওরে বাজা তুরী ।

নগর-জ্যোষ্ঠ শ্রীমহানামন্  
আদেশ করেন সবে,—

রাজদস্যর এই দস্যতা  
নিরোধ করিতে হবে ।

কোশল-ভূপতি প্রসেনজিতের  
তনয় পিতৃঘাতী—

বৃদ্ধ পিতার রাজ্য হরিয়া  
দেয়াকে উঠেছে মাতি ;

পর-ধন পর-রাজ্যের ক্ষুধা  
প্রাণে জ্বলে ধবক ধবক,

দাসীর পুত্র দস্য হয়েছেন  
দারুণ এ বিরুদ্ধক ।

এই নগরের মাগধে ওর  
মা একদা ছিল দাসী,

## বিদায়-আরতি

মহামনা মহানামনের দ্বারে  
অন্নপিণ্ড গ্রাসি'  
পুষ্ট যে হ'ল, তাহারি পুত্র  
হুয়ারে পেতেছে থানা,  
ঘোচাতে মায়ের দাস্যের স্বত্তি  
বুঝি হেথা দেছে হানা।  
অধমের ধারা ধরেছে ধুট  
ভুলে গেছে উপকার,  
অধঃপাতের পিছল পথে পা  
দিয়েছে কুলাদার।  
ভেবেছে দর্পী—শাক্যসিংহ  
বনে গিয়েছেন ব'লে—  
শাক্যকুলের পৈতৃক ভিটা  
হরণ করিবে ছলে;  
খবর পেয়েছে—হিংসাবৃত্তি  
ছেড়েছে শাক্য-কুল—  
তাই সে এসেছে নিরস্ত্র জনে  
করিবারে নিশ্চূল।  
হার মেনে ফিরে গেছে বারেকার,  
আবার এসেছে তেড়ে,  
ধুষ্টের চুড়ামণিরে এবার  
সহজে দিব না ছেড়ে।

বুদ্ধের জ্ঞান শাক্য আমরা

করি না প্রাণের হানি,

তবুও যুঝিব সহজে না দিব

রাজ্যহীন রাজধানী ।

অমোঘ-লক্ষ্য আমরা শাক্য

হইনা মুষ্টিমেয়,

লড়িবে ভুজ হাতীর সঙ্গে,

যুঝিব,—না ছাড়ি শ্রেয় ।

ঘোষণা দেছেন নগর-জ্যেষ্ঠ

শোনো ওগো শোনো সবে—

প্রাণীর প্রাণের হানি না করিঘা

যুদ্ধ করিতে হবে ।

কে করিবে এই নূতন লড়াই ?

এস জোড়া-ভুগ এঁটে,

শত্রুরে মোরা প্রাণে না মারিব,

ছেড়ে দিব কান কেটে ।

শত্রু-সৈন্য বিব্রত করা

এই আজিকার ব্রত,

কোশলের সেনা ভোলে না যেন রে

শাক্য-রণের কত ।

প্রাণে প্রাণে দেশে যায যাক ফিরে

কান-কাটা পলটন

## বিদায়-আরতি

মরণ-অধিক লজ্জার লেখা

বহে যেন আমরণ ।\*

( দ্বিতীয় হলুকা )

সাড়া প'ড়ে গেল পাড়ায় পাড়ায়,

কপিলবাস্তু জুড়ে,

নিজা তজ্জা ভয় সব যেন

মস্তেতে গেল উড়ে ।

প্রহর না যেতে বর্ষে চন্দ্রে

ছেড়ে গেল দশদিক—

মরাল সহসা সাজোয়া পরিঘা

সজারু সাজিল ঠিক ।

রাজাহীন দেশে জনে জনে রাজা,

জনে জনে দুর্জয়,

অদেশের মান রাখিতে সমান

ব্যগ্র ও নির্ভয় ।

মজুর কুবাণ গোপনে আপন

হাতিয়ারে জায় শাণ,

চারিদিকে শুধু 'সাজ' 'সাজ' 'সাজ',

চারিদিকে 'হান' 'হান' ।

বাহির হইল বিরাশা হাজার

শাক্য তীরন্দাজ,

হাতীর সমুখে ভীমরুল-পাতি

অভিনব রণ আজ—

একদিকে বাহু কোশল-সেনার

পিষিতে চাহিছে চাপে,

আর দিকে যত হিংসা-বিরত

রুদ্ধ-আবেগে কাঁপে ।

বাণে বাণে প্রাণ অস্থির তবু

সমঝি' যুঝিছে সবে,

প্রাণের হানি না করিয়া যে আজ

যুদ্ধ করিতে হবে ।

লঘু-করে বাণ করে সন্ধান

স্থলঘু ক্ষিপ্তগতি

অশ্ব-চালনে অঙ্গ-হেলনে

বিদ্যাত-হেন জ্যোতি ।

তীর হানি' শুধু কোশল-সেনার

কান' কুণ্ডল কাটে,

ঝরা-পাতা হেন কাটা কানে কানে

ছেয়ে ফেলে মাঠে ঘাটে ।

কেটে পাড়ে তুঁণ ধনুকের গুণ

অমোঘ লক্ষ্যে বিধে,

সারথির হাতে বরা ঘোড়ার

কেটে দিয়ে যায় সিধে ।



## বিদায়-আরতি

করে টলমল বিকল কোশল-  
সেনা অদ্ভুত রণে,  
বাণ দিয়ে যেন করে বিক্রম  
শাক্যেরা খুসীমনে ।  
ঢালে ভোঁতা করে শত্রুর খাঁড়া,  
খড়্গ না হানে ফিরে,  
অদ্ভুত যোদ্ধা যুঝিছে বৌদ্ধ  
নিরঞ্জনর তীরে ;  
বুকের উপর শত্রুর ছুরি,—  
মরণ সে ঞ্জব জানে,  
হাতে হাতিয়ার, শত্রুরে তবু  
মারিবে না কেউ প্রাণে !  
হাজারে হাজারে বুদ্ধের জ্ঞাতি  
চলেছে মরণ ভেটে,  
হাস্ত-বদনে মরিছে শাক্য  
মৃত্যুর কান কেটে ।

( তৃতীয় হলুকা )

সম্মা আসিল, ক্ষণিক সন্ধি  
আনিল অন্ধকার,  
শাক্য-দুর্গে তূর্য্য ধ্বনিল—  
ফেরো মবে এইবার ।

শাক্য-কুলের মোমাছি গুরে !

মৌচাকে দে রে চাবি,

হের বিব্রত আবাস্ত-সেনা

হস্তী মদপ্রাবী ।

অসমান রণ চলে কতখন ?

এইবার ফিরে আর ।—

শাক্য-গড়ের কোমর-কোঠায়

বাজে তুরী উভরায় ।

পড়ে অর্গল দুর্গ-দুয়ারে,

পরিখায় ফোলে অল,

কান-কাটা সেনা কান দাবী ক'রে

করে দূরে কোলাহল ।

প্রাণ-হারা সেনা সেই কোলাহল

তুনিবারে নাহি পায়—

দাবীর চেয়ে সে ঢের বেশী দিয়ে

তুয়েছে মুক্তিকায় ।

( চতুর্থ হলকা )

কপিলবাস্ত করি' অবরোধ

ব'সে আছে বিরুদ্ধক,

বাঁটি-মুহড়ায় কড়া পাহারার

বেড়া দেছে কণ্টক ।

যুদ্ধ নাহিক দীর্ঘ দিবস  
 কাটিছে শুক ব'সে,  
 শাক্য-দুর্গ দূরন্দাজের  
 থাকায় নাহি ধ্বংসে ।  
 রসদ ফুরায় কি হবে উপায় ?  
 ফোজ উঠিছে ক্ষেপে,  
 ছাউনির ধারে ব্যাধি উঁকি মারে,  
 কত রাখা যায় চেপে ?  
 চোখ-রাঙানিতে ভুরু-ভঙ্গীতে  
 চেপে রাখা যায় কত ?  
 অসন্তোষের আক্রোশ নিতি  
 ফণা তোলে শত শত ।  
 “ছাউনী নাড়িব” কহে বিরুদ্ধক ।  
 যম্বী তা শুনি কয়  
 “আমাদের চেয়ে অবরুদ্ধেরা  
 ঢের বেশী ক্লেশ সম ;  
 দাঁতে তৃণ করি’ তারা তো এখনো  
 আসেনি শিবিরে সবে ;  
 এখন নড়িলে শত্রু হাসিবে,  
 লোকে অপঘণ কবে ;  
 এখন নড়িলে পায়ে ঠেলা হবে  
 করগত সিদ্ধিরে ।”

সেনাপতি কয় "মুখ দেখানো যে  
 দায় হবে দেশে ফিরে ।"  
 কহে বিরুদ্ধক "তাই হোক ; তবে  
 পণ্টন খুদী নয় ।"  
 "আছে কুটনীতি পণ্টন মোর"  
 মজী হাসিয়া কয় ।

( পঞ্চম হলুকা )

শাক্য-পুত্রের সম্মাগারেতে  
 সন্ত মিলেছে যত,  
 শত্রুর দূত এনেছে যে চিঠি  
 তাহারি বিচারে রত ।  
 শুক্লোদনের শূন্য আসনে  
 বুকের ছবি ভায়,  
 রাজাহীন দেশে রাজার যে কাজ  
 দশে মিলে করে ভায় ।  
 পাকা পাকা যত মাথা ঘেমে উঠে,  
 কথা উঠে কত শত,  
 পত্রের 'পরে টিপ্পনি করে  
 যার যেবা মনোমত ।  
 "শাক্যের প্রতি নেই বটে শ্রীতি,  
 নেইও বিশেষ ঘেব,"

## বিদায়-আরতি

১৯৩৩

লিখেছে কোশল, "দ্বার যদি খোলো

দেখে যাই এই দেশ,

তীর্থ সাকার এ দেশ আমার

মায়ের মাতৃভূমি,

এরে ছারখারে দিতে নারি, শুধু

পথ-রজ্জ যাব চুমি।"

"সে তো বেশ" কহে সন্ত জিনেশ ;

"বড় বেশ নয়" কন—

সন্ত দেবল, "ছল এ কেবল

চোরের এ লক্ষণ।"

সন্ত নালদ কহিল "রসদ

দুর্গে আদৌ নাই,

আজ নয় কাল দুর্গ-দুয়ার

খুলিতেই হবে, ভাই ;

অনশনে নিতি মরে ছেলে বুড়া

পুত্র কন্যা জায়া,

কপিলবাস্তু জুড়িয়া পড়েছে

মৃত্যু-কপিশ ছায়া।

মরার অধিক যত্ননা নেই,

যরিতেই যদি হয়,

অস্ত্রে মরিব, অনশনে হেন

তিলে তিলে মরা নয়।"

তর্ক বাড়িল, আওয়াজ চড়িল  
 শাস্ত সমাগারে,  
 বোকা নাহি যায় কি যে হবে, হায়,  
 কোন্ দল জিনে হারে।  
 অনশন ? কিবা অস্ত্রে মরণ ?  
 বকাবকি এই নিয়ে,—  
 যমের মহিষ গুতোবে, কিন্তু  
 কোন্ শৃঙ্গটা দিয়ে ?  
 নাম-গুটিকার কুণ্ডাতে শেষে  
 গুটি দিল গিয়ে সবে,  
 গুটি গুনে ঠিক হইল—হা দিক  
 দুয়ার খুলিতে হবে !

( বট হলুতা )

দুর্গবারের অর্গল আঙ্গ  
 খুলিতে গিয়াছে টুটে,  
 পল্টন লয়ে পশে বিরুদ্ধক  
 কল-কোলাহল উঠে।  
 একি অভূত ? কোথা গেল দূত—  
 ময়রপুচ্ছধারী ?  
 পল্টন লয়ে কেন পশে পুরে ?  
 এ দেখি জ্বলুম ভারি !

## বিদায়-আরতি

একা এসে দেশ দেখে চলে' যাবে  
এই কথা ছিল আগে,  
রাজদস্যুর দস্য-স্বভাব  
কোন ছুতা পেয়ে আগে ?  
শাক্যপুরীর ধনৈশ্বর্য  
দেখে আপনার চোখে  
নোভের নাড়ীটা হয়েছে প্রবল  
ঠেকাবে কে বল ওকে ?  
পল্টনুগুলা করে লুণ্ঠন,  
যার-তার ঘরে ঢুকি'  
নাগরিকে আর সৈনিকে, হার,  
বেধে গেল ঠোকাঠুকি ।  
ভুলি প্রতিজ্ঞা রাজা বিরুদ্ধক  
হুকুম করিল জারি—  
“শাক্যের কুল কর নির্মূল  
কি পুরুষ কিবা নারী ।”  
ঘরে ঘরে ওঠে ক্রন্দন-রোল—  
কাঁদে নারী কাঁদে শিশু,  
নাহি দেয় কান তাকে শয়তান  
নিদারুণ বিজিগীষু ।  
আগুন জলিছে, খড়্গা ঝলিছে,  
রক্তে ফিনিক ছোটে,

তর্জনে হাহাকারে একাকার  
 আঁঠ ধুলায় লোটে ;  
 আহত লোকের বুকের উপরে  
 ছুটে চলে ক্ষেপা ঘোড়া,  
 তাওবে মাতি' নাচে ক্ষেপা হাতী,  
 বীভৎস আগাগোড়া ।

( সপ্তম হলুকা )

নগরমুখ্য শ্রীমহানামন্  
 ফুক হৃদয়ে হায়,—  
 জীবন ভিক্ষা মাগিতে প্রজার  
 চলেছেন ক্রতপায় ।  
 চলেছে বৃদ্ধ ভগ্ন-হৃদয়  
 মরণ-পাংশু মুখে,  
 নয় চরণে দাঁড়াইতে রাজ-  
 দস্যুর সম্মুখে ।  
 চলেছে সন্ত স্নগত পঙ্খ  
 ছুটি হাত বুকে জুড়ে—  
 দেশের দেশের দুর্গতি দেখি'  
 দুখের দহনে পুড়ে' ।  
 জাবিছে বৃদ্ধ "এ কি রে বিবম,  
 এ কি রে মনস্তাপ,



কোন কানামুখ রাজ্যকামুক  
 চিস্তিল মনে পাপ,  
 সে পাপের ছায়া কান্না ধরি' পশে  
 কপিলবাস্ত-পুরে,  
 গুণের ঘরে একি অনাচার  
 হাহাকার দেশ জুড়ে ।  
 বুকের দেশে এ কি রে যুদ্ধ,  
 একি হানাহানি হায়,  
 প্রাণ দিলে যদি রোধ করা যেত  
 কথিতাম আমি তায় ।"

( অষ্টম হলুকা )

ভিক্ষা মাগিছে বৃদ্ধ আপন  
 দাসীর ছেলের কাছে,—  
 "জয়তু রাজন্ ! বুড়া একজন  
 প্রসাদ তোমার যাচে ;  
 নিজ পরিচয় দিতে নাহি ভয়,  
 মহানামনের নাম  
 হয়তো শুনেছ,—জননীর মুখে,—  
 ওগো কীর্তির ধাম !  
 অতিথি একদা হ'ল তব পিতা  
 আমারি সে উপবনে,

ভাবী রানী সনে নয়নে নয়নে  
 মিলিল শুভক্ৰমে ;  
 এ বুড়া একদা মায়েরে তোমার  
 করেছে সম্প্রদান,—  
 “জানি তা’, জানি তা,” কহে উদ্ধত,  
 “ছাড়ি ভগিতার ভাগ  
 কি প্রসাদ চাও খুলে বল তাই।”  
 “নিরীহ প্রজার প্রাণ”—  
 কহিল বৃদ্ধ নীরবে সহিয়া  
 অবিনয় অপমান।  
 “নিজ প্রাণ লয়ে পালাও বৃদ্ধ,  
 অধিক কোরো না আশ,”  
 কহে বিরুদ্ধক—মূর্ত্ত বিরোধ—  
 হাসিয়া অট্টহাস।  
 “রাজন্ !” “কি চাও ?—যাও, যাও, যাও,  
 পালাও সপরিবারে,  
 এর বেশী কিছু কোরো না ভিক্ষা  
 আমার এ দরবারে।  
 কান কুণ্ডল কেটেছে আমার  
 তোমার নিরীহ প্রজা,  
 সমুচিত সাজা দিব আমি তার  
 বলে’ দিহু এই সোজা।”

## বিদায়-আরতি

মৌন কণেক রহিয়া বৃদ্ধ  
কহেন জুড়িয়া কর—  
“জননীয়ে স্মরি’ এ ভিক্ষা তবে  
দাও কোশলেশ্বর,—  
নিশ্বাস রুধি আমি যে অবধি  
ভুবিয়া থাকিব জলে  
সে অবধি লোক কোরো না আটক,—  
যাক যেথা খুসি চ’লে ।  
তার পর তুমি দিও জনে জনে  
শাস্তি ইচ্ছামত ।”  
“ভাল, তাই হবে”—ব’লে রাজা ভাবে—  
“বুড়ার দম বা কত ?  
কত বা পালাবে ?—যাবে দেখা যাবে ;  
বুড়াটা পালায় যদি ।—  
তবে এ নগরে কি পথে কি ঘরে  
রক্তে বহাব নদী ।”

( নবম হলুকা )

অবারিত যার পালায় যে যার  
যেথা ছ’চক্ষু যায়,  
কপিলবাস্ত হরিষে বিবাদে  
মূরছি পড়িল প্রায় ।

কেউ বেগে ধায় পিছে না তাকায়  
 প্রাণ নিয়ে সোজাহুজি,  
 কেউ যেতে যেতে ফিরে এসে ফের  
 ভুলে নিয়ে যায় পুঁজি ।

বসন ভূষণ ফেলে কেহ ধায়  
 ছেলে আঁকড়িয়া বৃকে,  
 ক্যাল ক্যাল চায় ইতি উতি ধায়  
 কথা নাই কারো মুখে ;  
 সোনা কুশাসনে জড়ায় গোপনে  
 বিগ্ন পানায় রড়ে,  
 যেতে তাড়াতাড়ি শ্রেষ্ঠীর ভুঁড়ি  
 ঝন্ঝন্ঝন রবে নড়ে !

কাণ্ড দেখিয়া কোশল-সৈন্ত  
 চোখ পাকালিয়া চায়,  
 রাজার হুকুমে হুহাত গুটায়  
 দাঁতে দাঁতে ঘসে হায় ?

( দশম হলকা )

হোখা বিরুদ্ধক বিরক্ত মনে  
 পাটলি হৃদের কূলে  
 গল গণি' গণি' হয়েছে অধীর  
 খবল-ছত্র-মূলে ।

## বিদায়-আরতি

শরৎ-চাঁদের অমল আলোয় হাসে উমার হাসি,  
জাগায় মনে উমার পরশ শিউলি-ফুলের রাশি ;  
উমার গায়ের আভা দেখি সকাল-বেলার রোদে,  
দেখতে দেখতে সারা আকাশ নয়ন কেন মোদে !  
উৎসুকী মন হঠাৎ কেন উদাস হয়ে পড়ে,  
শরৎ-আলোর প্রাণ উড়ে যায় অকাল মেঘের ঝড়ে ।  
বরণ-ভালার আলোর মানার সকল শিখা কাঁপে ;  
রোদন-ভরা বোধন-বেলা ; বুক যে ব্যথায় চাপে ।  
উদাস হাওয়া হঠাৎ আমার মন টানে কার পানে,  
হাসির আভাস যায় ডুবে হায় নয়ন-জলের বানে ।  
বহর পরে আসছে উমা বাজল না মোর শাঁখ,  
উমা এল ; হায় গিরিবর, কই এল মৈনাক ?

\* \* \* \*

কই এল বীরপুত্র আমার, কই সে অভয়ব্রতী,  
অত্যাচারের মিথ্যাচারের শত্রু উদারমতি ;  
কাটতে পাখা পারেনি যার বজ্র তীক্ষ্ণধার,  
পাখনা মেলে মাঘের কোলে আসবে না সে আর ?  
বিধির দত্ত বিভূতি যে রাখলে অটুট একা,—  
নির্বাসনে করলে বরণ,—পাব না তার দেখা ?  
সে বিনা, হায়, শূন্য হৃদয়, শূন্য এ মোর ঘর,  
ছিন্নপাখা শৈলকূলের কই সে পঙ্কধর ?

আজকে সে হায় মুকিয়ে বেড়ায় কোন্ সাগরের তলে,  
 মাথার পরে আট পহরে কী তার তুফান চলে !  
 হারিয়েছে সে স্বৈরগতি, অব্যাহতি নাই,  
 স্বভাব-স্বাধীন কাটায় যে দিন বন্ধনে একঠাই ।  
 কত্না দিয়ে দেবতা-জামাই বেঁধেছিলাম আমি,  
 কি ফল হ'ল ? চোখের জলে কাটাই দিবসযামী ।  
 'দেবাদিদেব' কয় লোকে তায়, কেউ বলে তায় 'শিব',—  
 তাঁর বরে হায় হ'ল মোদের ব্যথাই চিরজীব !  
 যম-যাতনা হ'ল স্থায়ী শিবকে জামাই পেয়ে,  
 সোঁৎ বছরে তিনটি দিনের অতিথি হ'ল মেয়ে ;  
 ছেলে হ'ল পর-চেয়ে দূর—এ দুখ কারে কই ?  
 হারিয়ে ছেলে হারিয়ে মেয়ে শূন্য ঘরে রই ।  
 উমার বিয়ের রাত থেকে আর সোয়াস্তি নেই মনে,  
 রাত্রি দিনে জল না শুকায় এ মোর ছ'নয়নে ।

\* \* \* \* \*

মৈনাকেরি মৌন শোকে মন যে ভ্রিয়মাণ ;  
 বোধন-বেলার শানাই বাজে,—কাদে আমার প্রাণ ।  
 কতদিনের কত কথা মনের আগে আসে,  
 জলে-ছাওয়া ঝাপসা চোখে স্বপ্ন সমান ভাসে ।  
 মনে পড়ে মোর আঙিনায় বর-বিদ্যায়ের রথ,  
 সার দিয়ে থান 'স্ব-কৃতি' ভোজ তিন কোটি পক্ষত ।

## বিদার-আরতি

( দ্বাদশ হলকা )

দেশের মরণ বরণ করিয়া

অমর হইল কারা ?

স্বতি-ছায়াপথ উজলি' অগং

তা'রা হ'রে আছে তারা !

মরণের সাথে করি মহারণ

হল যুত্যাঙ্গর,

দেশ-ভায়েদের আয়ু কে বাড়াল

নিজ আয়ু করি ক্ষয় ?

মাহুবে মাহুবে বিশ্বাস কার

প্রতি নিশ্বাসে বাড়ে ?

কার সংযম চরম সময়ে

যমের দণ্ড কাড়ে ?

কে ধর্মিষ্ঠ অদেশনিষ্ঠ

ধর্মের রাখি' মান

দেশের সেবায় করিল সহজে

নিজের জীবন দান ?

বীরের স্বর্গে অমর, অর্ঘ্য

কারা পায় সব আগে ?

মহানামনের মহা নাম জাগে

তা'-সবার পুরোভাগে ।

শাক্যকুলের দ্বিতীয় সিংহ  
বুদ্ধ সে গৃহবাসী—  
আড়াই হাজার বছরেও ম্লান  
নহে তার যশোরশি ।\*

### দূরের পাল্লা

ছিপ্‌খান্ তিন্-দাঁড়—  
তিনজন্ মাল্লা  
চৌপর দিন-ভোর  
ছায় দূর-পাল্লা ।

পাড়ময় ঝোপঝাড়  
জল,—জল,  
জলময় শৈবাল  
পাল্লার টাঁকশাল ।

কঞ্চির তীর-ঘর  
ঐ চর আগ্‌ছে,  
বন-হাঁস ডিম তার  
শ্রাওলায় ঢাক্‌ছে ।

---

রব্বিল-রচিত বুদ্ধ-চরিত অবলম্বনে ।



চুপ চুপ—ওই ডুব  
ছায় পানকোট,  
ছায় ডুব টুপ টুপ  
ঘোমটার বউটি।

বকবক কলসীর  
বকবক শোন্ গো,  
ঘোমটার ফাঁক বয়  
মন উন্ন গো।

তিন-দাঁড় ছিপখান্  
মহর যাচ্ছে,  
তিন জন মাল্লায়  
কোন্ গান গাচ্ছে ?

\* \* \* \*

রূপশালি ধান বুঝি  
এইদেশে সৃষ্টি,  
শূণছায়া যার শাড়ী  
তার হাসি মিষ্টি।

মুখখানি মিষ্টি রে  
চৌখুটি ভোমরা  
ভাব-কদমের—ভরা  
রূপ আখো ভোমরা।

সরনামতীর জুটি  
ওর নামই টগরী,  
ওর পায়ে চেউ ডেউ  
জল হল গোখরী !

ডাক-পাখী ওর লাগি  
ডাক্ ডেকে হৃদ,  
ওর তরে সোঁত-জলে  
ফুল ফোটে পদ্ম ।

ওর তরে মন্বরে  
নদ হেথা চলছে,  
জলপিপি ওর মুহু  
বোল বুঝি বোলছে ।

ছই তীরে গ্রামগুলি  
ওর জয়ই গাইছে,  
গবে যে নৌকো সে  
ওর মুখই চাইছে ।

আট কেছে ঘেঁই ডিঙা  
চাইছে সে পর্শ,  
সকটে শক্তি ও  
সংসারে হর্ষ ।

পান বিনে ঠোট রাঙা  
চোখ কালো ভোম্বা,  
রূপশালি-ধান-ভানা  
রূপ ছাখো তোমরা ।

\* \* \* \*

পান সুপারি ! পান সুপারি !  
এইখানেতে শকা ভারি,  
পাচ পীরেরই শীর্ণি মেনে  
চল রে টেনে বইঠা হেনে ;  
বাঁক সমুখে, সাম্নে বুঁকে  
বাঁয় বাঁচিয়ে ডাইনে কুথে  
বুক দে টানো, বইঠা হানো—  
সাত সতেরো কোপ কোপানো ।

হাড়-বেকনো খেজুরগুলো  
ডাইনী যেন কামর-চুলো  
নাচতেছিল সন্ধ্যাগমে  
লোক দেখে কি থমকে গেল ।  
জম্জমাটে জাঁকিয়ে ক্রমে  
রাত্রি এল রাত্রি এল ।  
ঝাপ সা আলোয় চরের ভিতে  
ফিরছে কারা মাছের পাছে,

পীর বদরের কুদ্রতিতে  
নৌকো বাঁধা হিজল-গাছে ।

• • • •

আর জোর দেড় ক্রোশ—  
জোর দেড় ঘণ্টা,  
টান্ ভাই টান্ সব—  
নেই উৎকণ্ঠা ।

চাপ্ চাপ্ শ্রাওনার  
দ্বীপ সব সার সার,—  
বৈঠার ঘায় সেই  
দ্বীপ সব নড়ছে,  
ভিল্ভিলে হাঁস তায়  
জল-গায় চড়ছে ।

ওই মেঘ জমছে,  
চল্ ভাই সম্বন্ধে,  
গাও গান, দাও শিশ্,—  
বক্শিশ্ ! বক্শিশ্ !

খুর জোর ডুব-জল,  
বয় স্নোত্ স্নিগ্ধস্নিগ্ধ,  
নেই ঢেউ কজ্জোল,  
নয় দূর নয়°তীর ।

## বিদায়-স্মরণ

নেই নেই শব্দ,  
চল সব কুঁড়ি,—  
বকশিশ টকা,  
বকশিশ কুঁড়ি।

ঘোর-ঘোর সন্ধ্যায়,  
ঝাউ-গাছ দুগুছে,  
ঢোল-কলমীর ফুল  
তন্দ্রায় দুগুছে।

লকলক শব্দ-বন  
বক্ তায় মধু,  
চুপ্‌চাপ্‌ চারদিক্—  
সন্ধ্যার লগ্ন।

চারদিক্ নিঃশব্দ,  
ঘোর-ঘোর রাজি,  
ছিপ্‌-খান তিন্‌-দাঁড়,  
চারজন যাত্রী।

\* \* \*

অড়ায় ঝাঁঝি দাঁড়ের মুখে,  
ঝাউয়ের বীথি হাওয়ায় ঝুঁকে  
ঝিমায় বুঝি ঝিঝির গানে—  
অপন পানে পরাণ টানে।

তারায় ভরা আকাশ ওকি  
ভুলোয় গুয়ে ধুলোর পরে  
নুটিয়ে প'ল আচম্বিতে  
কুহক-মোহ-মহ-ভরে !

\* \* \* \*

কেবল তারা ! কেবল তারা !  
শেষের শিরে মাণিক পারা,  
হিসাব নাহি সংখ্যা নাহি  
কেবল তারা যেথায় চাহি ।

কোথায় এল নৌকোখানা  
তারার ঝড়ে হই রে কাণা,  
পথ ভুলে কি এই তিমিরে  
নৌকো চলে আকাশ চিরে !

জলছে তারা, নিবছে তারা—  
মন্দাকিনীর মন্দ সোঁতায়,  
যাচ্ছে ভেসে যাচ্ছে কোথায়  
জোনাক যেন পদ্ম-হারা ।

তারায় আজি কামর হাওয়া—  
কামর আজি আঁধার রাতি,  
অগুন্তি অফুরান্ তারা  
জালায় যেন জোনাক-বাতি ।

কালো নদীর দুই কিনারে  
কমতকর কুঞ্জ কি রে ?—  
ফুল ফুটেছে ভারে ভারে—  
ফুল ফুটেছে মাণিক হীরে ।

বিনা হাওয়ায় ঝিল্মিলিয়ে  
পাপ ডি মেলে মাণিক-মালা ;  
বিনি নাড়ায় ফুল ঝরিছে  
ফুল পড়িছে জোনাক-জালা ।

চোখে কেমন লাগছে ধাঁধা—  
লাগছে যেন কেমন পারা,  
তারাগুলোই জোনাক হল  
কিধা জোনাক হল তারা ।

নিখর জলে নিজের ছায়া  
দেখছে আকাশ-ভরা তারায়,  
ছায়া-জোনাক আলিঙ্গিতে  
জলে জোনাক দিশে হারায় ।

দিশে হারায়, যায় ভেসে যায়  
স্রোতের টানে কোন্ দেশে রে ?—  
মরা গাঙ আর সুর-সরিৎ  
এক হস্রে যেখান শেষে রে !

কোথায় তারা ফুরিয়েছে, আর  
জোনাক কোথা হয় শুরু যে  
নেই কিছুই ঠিক ঠিকানা  
চোখ যে আলা রতন উঁছে।

• • •

আলোয়ালো দপ্পরপিয়ে  
জলছে নিবে, নিবছে জলে,  
উকোমুখী জিব মেলিয়ে  
চাটছে বাতাস আকাশ-কোলে।

আলোয়া-হেন ডাক-পেয়াসা  
আলোয়া হতে খায় জেয়াসা,  
একলা ছোটো বন বাদাড়ে  
ল্যাম্পো-হাতে লকড়ি-ঘাড়ে ;

সাপ মানে না, বাঘ জানে না,  
ভূতগুলো তার সবাই চেনা,  
ছুটেছে চিঠি পত্র নিয়ে  
বনরনিষে হনহনিষে।

বীশের বোপে আগছে, সাড়া,  
কোল-কুঁজো বীশ হচ্ছে খাড়া,  
আগছে হাওয়া জলের ধারে,  
চাঁদ ওঠেনি আজ আধারে।



## বিদায়-আরতি

শুক্‌ তারাটি আজ নিশীথে  
দিয়ে আলো পিচ্‌কিনিতে,  
রাস্তা একে সেই আলোতে  
ছিপ্‌ চলেছে নিঝুম শ্রোতে ।

কিরূছে হাওয়া গায় ফুঁ-দেওয়া,  
মাল্লা মাঝি পড়্‌ছে থ'কে ;  
রাঙা আলোর লোভ দেখিয়ে  
ধরূছে কারা মাছগুলোকে ।

চল্‌ছে তরী চল্‌ছে তরী—  
আর কত পথ ? আর ক'বড়ি ?  
এই যে ভিড়াই, ওই যে বাড়ী,  
ওই যে অন্ধকারের কাঁড়ি—

ওই বাঁধা-বট ওর পিছনে  
দেখ্‌ছ আলো ? ঐ তো কুঠি,  
ঐখানেতে পৌছে দিলেই  
রাতের মতন আজ্‌কে ছুটি ।

ঝপ্‌ ঝপ্‌ তিনখান্  
কাড় জোর চল্‌ছে,  
তিনজন মাল্লার  
হাত সব জল্‌ছে

গুরুগুরু মেঘ সব  
গায় মেঘ-মল্লার,  
জ্বর-পাল্লার শেষ  
হাল্লাক্ মাল্লার ।

## হঠাতের হুল্লোড়

( বাড়িলের ছর )

( আমি ) পাথার-জলে সাতার দিতে  
পেয়েছি ভেলা ।

হঠাৎ ? এ যে হঠাৎ !—এ যে—

হঠাতের খেলা ।

হঠাৎ এল কাল-বশেখী—

মৃত্যু-দারুণ, ভুলব সে কি,

( আবার ) তেমনি হঠাৎ টুটল কি মেঘ

( আলো ) ফুটল গুলেলা ।

( আমি ) হঠাৎ পেলাম কুপার কণা, ছিল না হেতু,

( হেরি ) অর্গে আর এই মর্ন্তে বাধা ঐমেরি সেতু ;

হঠাৎ আমার ফুটল আধি,

উঠল গেয়ে অক্ষপাখী

## বিদায়-আরতি

( কালের ) ঘেরাটোপের ঘনঘটায়

আজকে অবেলা !

( ওগো ) হঠাতের ওই অমনি লীলায় দেখেছি আলো,

( কত ) হঠাৎ চেয়ে চোখ ফেরেনি, বেলেছি ভালো,

হঠাতের এই ভরসা নিয়ে

( আমি ) হর্ষে চলি বুক বাজিয়ে,

( ওগো ) গর-হিসাবে মাণিক পেয়ে

( আমার ) হিসাব হেলা !

---

## মালাচন্দন

( কবিগুরু রবীন্দ্রনাথের জন্মদিনে )

বাংলা দেশের হৃদ-কমলে গন্ধ-রূপে নিলীন হ'য়ে ছিলে,

মৃষ্টি কখন নিলে

কোন মাহেন্দ্র কণে !

ওগো কবি ! তোমার আগমনে

নিখিল-হৃদয় উঠল ছলে নূতন সৃষ্টি-ভরে,

কাননে ফুল ফুটল থরে থরে,

চাপার হ'ল তড়িৎকাস্তি,

অশোক যেন আলোয় আলো করে !

ওগো চমৎকার !

উঠল ভ'রে কানায় কানায় আনন্দে সংসার !

ওমোট্ট কেটে বইল দখিন হাওয়া,

পাথর-চাপা কপাল যাদের তুমি তাদের নিধি হঠাৎ-পাওয়া ।

ওগো গন্ধরাজ !

একি পুলক রাজে তোমার ওই পরিমল-মণ্ডলেরি মাঝ !

স্বর্গে মর্ত্যে একি আসা যাওয়া !

তুমি এলে, বইল যেন বোধন-বেলার হাওয়া !

হাজার পাখীর কুজন গানে শেষ অবসাদ কোথায় গেল ভেসে

বিস্ময়গী লতায় ঘেরা কোন্ স্বপনের দেশে ।

\* \* \*

ছয় ঋতু গায় তোমার আগে ফুল-মুকুলে পল্লবিত পালা,

স্ববির স্বাবর জগৎ জাগে উচ্চকিত চক্ষে কি তার আলা ;

মৃত্তিকাময় পৃথ্বী-ছাড়া দূর গগনে কৃত্তিকা ছয় বোন

পীযুষ-ব্যথা বক্ষে নিয়ে হ'ল যে উন্নয়ন

ধাত্রী তোমার হ'তে ;

স্বদয়-রসের সকল ধারা তোমায় ঘিরে বইল উছল স্রোতে ;

পান ক'রে তায়, স্নান ক'রে তায়,

দান ক'রে তায় দু'হাত ভ'রে ভ'রে

তুষার্ত প্রাণ স্তুধার ধারায়

দিলে সরস ক'রে ।

সরসতীর হরষ-বীণায় স্পন্দ-রূপে লুকিয়ে ছিলে তুমি,

কোন্ উষসী জাগিয়ে দিল চুমি'—

## বিদায়-আরতি

তোমায় ওগো মঞ্জুগায়ন কবি,  
ভালে কি তার এমনিধারা চাঁপার দিনের চাঁপার বরণ রবি ?  
মুষ্টি ধ'রে সপ্তম রাগ উদয় হ'লে রাগ-রাগিনীর মেলায়,  
বাঁশীতে বশ করুলে বিশ্ব হেলায় ।  
তোমার গানের পেতে স্বধার কণা  
এল বনের হরিণ ধেয়ে, সাপ নোয়াল ফণা !

দূর-গগনে নিকট করে তোমার গানের আলো,  
ভালোবেশে যে দীপ তুমি জ্বালো  
অচেনারে চিনিযে সে জ্বায়, পরকে আপন করে,  
তোমার হিয়ার চিন্তা-মণি-ঘরে  
বিশ্ব-মানব জলসা করে, ওঠে বিপুল পুলক-ভরা গীতি,  
হৃথের মূল্যে আনন্দ ক্রয় চলছে সেথা নিতি,  
ছন্দে নাচে জন্ম-মরণ পতন-অভ্যুদয়  
মিলিয়ে হাতে হাত,  
ছন্দ-ছাড়া নয় সেথা কেউ নয় ;  
মদ্রে পুত রাখীর স্মৃতায় সেথা সবাই মিলছে সবার সাথ ।

বিশ্ব-নরের জীবন-যজ্ঞে দীপ্ত ভালে তারার তিলক এঁকে  
চকর পাত্র হাতে  
উঠ'লে তুমি কবি ;—

সকল হানাহানির উর্ধ্বে থেকে  
 দৃষ্টি হানো নিশাচরের নৃশংস উৎপাতে  
 দিব্য পাবক ছবি।

তোমায় হেরে হাল্কা হ'ল চিরব্যথার জগদ্বলন শিলা,  
 অন্তরায়ণ-অন্তরালে বন্দীমনের শিকল হল ঢিলা !  
 অস্বপ্নের শোধন তুমি, অসত্য আর অমঙ্গলের অরি !  
 তোমায় বরণ করি।

আশার গানে আলোর বানে সকল দিলে ভরি',  
 প্রাণের প্রভায় সংশয়েরি ঘূচালে শরীরী,  
 নূতন আলো দিলে, নূতন আশি,—  
 উর্ধ্ব-শিকড় অধঃশাখা অশঙ্ক-চারী পাখী !  
 মুগ্ধ হৃদয়—হারাই ভাষা—মুচ্ছি' পড়ে মন,  
 বনের পুলক ফুল দিয়ে তাই মনের পুলক করছি নিবেদন।  
 প্রণাম তোমায় করছি অহুপ কবি !  
 যার হৃদয়ের মুকুর-আগে বিশ্বপতি আছেন বিশ্ব-ছবি  
 নিত্য দিনই নূতন রাগে নূতনতর ছাঁদে ;—  
 চিত্তলোকে পুলক যে ছায়, নূতন আলোক পৌর্ণমাসী চাঁদে।

### গিরিরাজী

আধার ঘরে বরষ পরে উমা আমার আসে,  
 চোখের জলে তবু এমন চোখ কেন গো ভাসে ?

## বিদায়-আরতি

ভোজের শেষে হঠাৎ এসে খবর দিল চরে,—

‘হেম-স্বমেকর হৈমচূড়া ইন্দ্র হরণ করে !’

উঠল কষে বজ্রললাট শৈল কুলাচল,

পড়ল ডঙ্কা যুদ্ধ লাগি’, তিন কোটি চঞ্চল !

বিদায় ক’রে গৌরী-হরে মন্ত্রণা সব করে

বাদল-ঘেরা মেঘের ডেরা মেঘ-মণ্ডল ঘরে ।

“বিধাতারে জানাও নালিশ,” স্বাবর গিরি কম,

কেউ বলে “বৈকুণ্ঠে জানাও ।” লাথ বলে “নয়, নয়,

কাদতে মানের কান্না যেতে চাইনে কান্ন কাছে,

ইচ্ছাতে ভাই রাখতে বজায় বল বাহুতেই আছে ।

করব যুদ্ধ, নেইক অঙ্কা আর বাসবের পরে,

পাশব বলে বলী বাসব বুঝেছি অন্তরে ।”

হঠাৎ শুনি নারদ মুনি আসেন ক্ষতপায়,

যুদ্ধ সুসাব্যস্ত হ’ল মুনির মন্ত্রণায় !



আজ্ঞো যেন শুনিছি কানে হাজার গলার মধ্যে থেকে,

মৈনাকেরি কিশোর কর্তৃ ছাপিয়ে সবায় উঠছে অঙ্গে ;

বলছে তেজী “কিসের শান্তি ? চাইনে শান্তি স্পষ্ট কহি,

দেবতা হলে দস্থ্য কি চোর আমরা হব দেবজ্যোহী ।

স্বমেকর কোন্ দোষের দোষী ? সর্বভূতের হিতৈষী সে ।

ইন্দ্র যে তার নিলেন সোনা—তায় আচরণ বলব কিসে ?

দেবতা হলেও চোর অমরেশ, হরণ তিনি করেন ছলে,  
 'বৃহৎ চৌর্য্য প্রায় সে শৌর্য্য'—এমন কথা চোরেই বলে,  
 কিম্বা বলে তারাই যারা বিভীষিকায় ভক্তি করে—  
 চোর সে যদি ঈশ জোরালো তারেই পুঞ্জে শ্রদ্ধা-ভরে ।  
 শ্রদ্ধেয় যে নয়কো জানি আমরা শ্রদ্ধা করব না তায়,  
 স্বর্গপতির বজ্রভয়ে মাথা নত করব না পায় ;  
 হেম-সুমেধর হত সোনা দেবো নাকো হজম হ'তে,  
 পাহাড় মোরা তিন কোটি ভাই করব লড়াই বিধিমতে ।”

\* \* \* \*

আকাশ জুড়ে বিপুলবপু উড়ল পাহাড় ক্রোর—  
 ধরার উপগ্রহের মালা উকা হেন ঘোর !  
 অন্ধ ক'রে সূর্য্য ওড়ে বিক্ষ্য বহুমান,  
 ধবল-গিরির ধবলিমায় চন্দ্রমা সে স্নান ;  
 তীর-বেগে ধায় ক্রৌঞ্চপাহাড় ক্রৌঞ্চ-কুলের সাধ,  
 নীল-গিরি নীলকান্তমণির নিশ্চিত ঠিক চাঁদ ;  
 উদয়গিরি অস্তাগিরি উড়ল একত্তর,  
 মাল্যবান্ আর মলয়গিরি ছায় নভ-চত্বর ;  
 চন্দ্রশেখর সঙ্গে মহা-মহেন্দ্র পর্ব্বত—  
 লোমকূপে লাখ ঋষি নিয়ে উড়ল যুগপৎ !  
 সবার আগে চলল বেগে শৈল-মুবরাজ  
 মৈনাক মোর ;—ফেলতে মুছে শৈলকুলের লাজ ।



## বিদায়-আরতি

আমি দেখছি ঘেন দেখছি চোখের 'পর  
দিকে দিকে দিকপালেরা লড়ছে ভয়কর !  
মেঘের-বরণ মহিষ-বাহন যুদ্ধ করেন যম,  
অগ্নি ঘোরেন রক্তচক্ষু নিঃশেষে নির্ধম ।  
চোরাই সোনার কুমীর হোথা লড়েন কুবের বীর—  
সাঁজোয়া সোনার, সোনার খাঁড়া, সোনার ধনুক তীর ।  
পবন লড়েন উড়িয়ে ধূলো অঙ্ক ক'রে চোখ,  
নিষ্কৃতি নীল বিষ প্রাবনে ধ্বংসিয়ে তিন লোক ।  
সৃষ্টিনাশা যুদ্ধ চলে, আর্ন্ত চরাচর,  
আচম্বিতে দিগ্‌বারণে আসেন পুরন্দর ।  
হেঁকে বলে বজ্রকণ্ঠে মাহুত মাতলি—  
“প্রলয়-বাদী তোমরা পাহাড় নেহাৎ বাতুলই ।  
বিধির সৃষ্টি করবে নষ্ট ? এই কি মনের আশ ?  
বিপ্লবে সব ডুবিয়ে দেবে ? করবে সর্বনাশ ?  
ইন্দ্র-দেবের শাসন-প্রথার করবে অমাত্য ?—  
প্রতিষ্ঠা যার বজ্রে,—ও যা পরম প্রামাণ্য ?”  
রুষ্টভাষে কয় আকাশে মহেন্দ্র পর্বত,—  
“চোরের উকীল ! আমরা মন্দ, তোমরা সবাই সৎ !  
লোভাঙ্ক ওই ইন্দ্র তোমার হরেন পরের ধন,  
পরের সোনা হজম ক'রে করেন আক্ষালন ।  
বুহৎ চোরের আক্ষালনে টলছে না পাহাড়,  
ধর্মনাশা ধর্ম শোনাশ্‌ যার অ'লে যাক হাড় !

পরশ নিশ্চিত মনে, ইন্দ্র, কর ভোগ,  
তার প্রতিবাদ করলে রোষে—এ যে বিষম রোগা!  
যার ধন তার ভারি কহর, ফিরিয়ে নিতে চায়,  
বিপ্লবে, আর বাকী কিসে?—বজ্র হানা যায়।  
আর তবে বিলম্ব কেন? বজ্র হানো, বীর!  
তাড়শে সাম্রাজ্য-পদের গর্কে বাঁকা শির!  
বিধান-কর্তা। বিধান ভাঙো, জানাও আবার রোষ।  
তোমার কহর নয় সে কিছুই, পরের বেলাই দোষ।  
নেই মোটে শ্রায়ধর্ম কিছুই, ছল আছে আর জোয়,  
বলছি স্পষ্ট, ইন্দ্র নষ্ট, ইন্দ্র সবল চোর!”

হঠাৎ গ'জ্জে উঠ'ল বজ্র বলসিয়ে ব্যোমপথ,  
পড়'ল মর্ত্যে ছিন্নপাখা মহেন্দ্র-পর্বত।  
পড়'ল বিক্ষা যোজন জুড়ে, পড়'ল গোবর্ধন,  
হারিয়ে গতি পশু পাখা পড়'ল অগগন,  
গ্রহতারার মতন যারা ফিরত গো স্বাধীন  
গরুড় সম অসকোচে ফিরত নিশিদিন  
অচল হ'তে দেখ'ল তাদের, আমার জুনয়ন;  
দেখার বাকী ছিল তবু, তাই হ'ল দর্শন—  
হর্ষ-বিষাদ-মাখা ছবি—বীরত্ব-পুঞ্জের—  
উত্তত বজ্রাগ্নি-আগে দীপ্তি সেই মুখের।

## বিনায়-আরতি

ঐরাবত মাথায় ছেনে পাষণ করবাল  
শ্বেনের বেগে ডুবল জলে আমার সে দুলাল !  
বজ্র নাগাল পেল না তার,—মিলিয়ে গেল কোথা,  
মূর্ছা-শেষে দেখ'লু কেবল বয় সাগরের সোঁতা !

\* \* \* \*

সেই অবধি চোখের আড়াল, চোখের মণি পর ;  
পাখ'না দুটো যায়নি কাটা এই ষা স্নখবর ।  
শ্রায়-ধরমের মর্যাদা মান রাখ'তে গেল যারা  
হার মেনে হায় লাঞ্ছনা নয়, হেঁটমুখে রয় তারা !  
ইন্দ্র নিলেন পরের সোনা—সেই করমের ফলে  
আমার মাণিক হারিয়ে গেল অতল সিন্ধুজলে ।  
কুক্ষণে কার হয় কুমতি রোয় সে বিষের লতা,  
ফল খেয়ে তার পান্থপাখী লোটার যথাতথা ।  
কোথায় পাপের সূত্র হ'ল—উঠ'ল ঝোড়ো হাওয়া,—  
দিন-মজুরের উড়'ল কুঁড়ে বুকের বলে ছাওয়া ।  
কোথায়, লোভের ঘণ্য শোলুই জন্মাল কার মনে,—  
সাপ হ'য়ে সে জড়িয়ে দিল লোকসানে কোন্ জনে !  
ডুবে গেলাম, ডুবে গেলাম, ডুবে গেলাম আমি,  
নয়নজলের ছুন-পাথারে তলিয়ে দিবস-যামী ।

\* \* \* \*

সবে আমার একটি মেয়ে, শাশানে তার ঘর ;  
ছেলেও আমার একটি সবে, তাও সে দেশান্তর,

নুকিয়ে বেড়ায় চোরের মতন বড় চোরের ভয়ে ।  
 কেমন আছে ? কে দেবে তার খবর আমার ক'য়ে ?  
 হাওয়ার মুখেও বার্তা না পাই ইন্দ্রদেবের দাপে ;  
 পাখী বলো, পবন বলো, সবাই ভয়ে কাঁপে ।  
 যুগের পরে যুগ চ'লে যায় পাইনে সমাচাব,  
 আছড়ে কাঁদে পাষণ হিয়া, হয় না সে চুরমার ।  
 ভাবনাতে তার হায় গিরি সব চুল যে তোমার সাদা,  
 উমার আগমনেও হৃদয় শূন্য যে রয় আধা ।  
 প্রবোধ কারা ছায় আমারে আগমনীর গানে ?  
 যে এল না তারি কথাই কাঁদায় আমার প্রাণে ।

\* \* \* \*

যুগের পরে যুগ চ'লে যায় ককালে কাল শিকল গাঁথে,  
 চোরাই সোনায়ে তৈরী পুরী ভোগ করে রাক্ষসের জাতে ।  
 রক্ষকুলে উদয় হ'ল ইন্দ্রজয়ী দারুণ ছেলে  
 তাও দেখেছি চক্ষে ; তবু সাধনা হায় কই সে মেলে ;  
 দেখেছি মেঘনাদের শোঁর্ধ্যা,—হেঁট বাসবের উচ্চ মাথা !  
 হারিয়ে পূজা শত্রু ধরেন শাক্যমূনির মাথায় ছাতা !  
 লেখা আছে এই পাষণীর পাষণ-হিয়ার পটে সবই,  
 হয়নি তবু দেখার অস্ত দেখ'ব বুঝি আরেক ছবি ।—  
 ব'সে আছি শৈল-গেহে একলা আমার বিজন বাসে  
 জাগিয়ে এ মোর মাতৃহিয়া ইন্দ্রপাতের হৃদর আশে ।

বার্ষ কতু হরে না এই আর্ন্ত হিয়ার তীব্র শাপ—  
তার তুণানিল—মনস্তাপে, ছায় যে বুখা মনস্তাপ।  
মাতৃহিয়ার দুঃখ দিলে জলতে হবে—জলতে হবে,  
স্বর্গে মর্ত্যে রাজা হলেও আসন 'পরে টলতে হবে।  
অভিশাপের ভস্ম-পুতুল বিরাজ কর সিংহাসনে,  
নিখাসেরও সহরে না ভর, মিশ্বে ইষ্ঠাং স্বপ্ন সনে।

### ইন্সাক্

ডকা নিশান সঙ্গে লইয়া  
লঙ্কর অফুরান্  
রাজ্য-পরিক্রমায় চলেন  
সুলতান্ বুলবান্ ।  
শিথ নয়নে প্রসাদ-সত্ত  
প্রতাপ-ছত্র-মাথে  
চলেছেন রাজ্য, দিল্লী নগরী  
চলে যেন তাঁর সাথে ।  
সাথে সাথে চলে উদ্দু-বাজার,  
হাজার হাজার হাতী,  
চলেছে জোয়ান পাঠী পাঠান  
হাতে নিয়ে ঢাল কাঠী ।

বল্লম-ধারী চলে সারি সারি

ফলায় আলোক জলে,

প্রজার নালিশ শুনিয়া ফেরেন

মানিক সদলবলে ।

কত সাজা কত শিরোণা বিতরি'

নগরে নগরে, শেষে

হাওদা নড়িল, ছাউনি পড়িল

বদাউনপুরে এসে ।

দিল্লীপতির প্রিয়পাত্র সে

বদাউন-সর্দার,

নগরী সাজিল নাগরীর মতো

ইসারায় যেন তার ।

কোথাও ছুঃখ নাই যেন, কোনো

নাইক নালিশ কার,

ছনিয়া কেবল ঢালা মথ্‌মন্

চুম্কির কাজে চাক ।

আতর গোলাব আর কিম্বাব

যেন বদাউনপুরে

রাজপুরুষের প্রসাদে প্রজার

হয়েছে আটপহরে ।

ভোজে আর নাচে কুচেও কাওয়াজে

কাটে দিন যুগয়ায়,

## বিদায়-আরতি

লোক ধাঙ্গা অতি বদাউন-পতি

সন্দেহ নাই তায় ।

বিশ্রামে বিশ্রান্ত-আলাপে

কাটে দিন কোথা দিয়ে,

রাজ-অতিথির বিদায়ের দিন

ক্রমে আসে ঘনাইয়ে ।

বদাউন-বনে সেবারের মতো

শীকার করিয়া সারা

দল ফিরে সুলতান সহ

উল্লাসে মাতোয়ারা ।

সঙ্গে চলেন বদাউন-পতি

করিয়া তুর্খানাদ,

সহসা কে নারী উঠিল ফুকারি’

“সুলতান ! ফরিয়াদ !”

চমকি চাহিয়া বদাউন-পতি

বক্বক্ব মিঞা কন—

“দেওয়ানা ! দেওয়ানা ! হটাও উহারে,

কি জ্বাখো সিপাহীগণ ।”

সুলতান কন—“না, না, আনো কাছে,

কি আছে নালিশ, শুনি ।”

প্রমাদ গণিয়া আড়ে চায় যত

ওমরাহ বদাউনী ।

শাহান্শাহের হুকুমে সিপাহী

কাছে গেল জেনানার,

আখি বিক্ষারি' কাছে এল নারী

বাদশাহী হাওদার।

“কিবা ফরিয়াদ ? কহ ফরিয়াদী,

নালিশ কাহার পরে ?”

“ভয়ে কব ? কিবা নির্ভয়ে প্রভু !”

পুছে সে যুক্তকরে।

“নির্ভয়ে কও !” বলেন হাকিম।

নারী কয় ঋজুকায়ী—

“হত্যাকারীরে সাজা দাও, প্রভু !

জগৎপ্রভুর ছায়া !

স্বামীরে আমার হত্যা করেছে

বদাউন-সদ্বার,

এই মাতালের কোড়ার প্রহারে

জীবন গিয়েছে তার।”

“কে তোর সাক্ষী, মিথ্যাবাদিনী;

কে তোর সাক্ষী, শুনি ?”

“ধর্মের প্রতিনিধি এসেছেন,

বুঝে কথা কও, খুনী !

সাক্ষী খুঁজিছ ? সাক্ষী আমার

সারা বদাউন-ভূমি,



## বিদায়-আরতি

সাক্ষী আমার ওই কালামুখ,  
আমার সাক্ষী তুমি ।  
সাক্ষী, তোমারি ভৃত্য, স্বাহারে  
গিলেছে পাষণ-কারা,  
আমার সাক্ষী রাজপুরুষেরা  
নালিশ নিলে না যারা ।”  
বজ্রদীপ্ত যুগল চক্ষে  
স্থলতান্ বুলবান্  
চর-পরিষদ-পতিরে করেন  
সঙ্কেতে আহ্বান ।  
নিভুতে তাহারে কি কহিল নৃপ,  
নিমেষে ছুটিল চর,  
নিমেষে আসিল ষায়েদখানার  
সাক্ষীরা ততপর ।  
আসিল কোরান, সাক্ষী-জবান্-  
বন্দী হইল পাকা,  
সাক্ষী-প্রমাণ বাক্য নারীর,  
নয় মিছে, নয় ফাঁকা ।  
বচন-দক্ষ মিথ্যা পক্ষ.  
হেরে গিয়ে হ'ল রুঢ়,  
বর্ষরতায় গর্বের বেশে  
আহির করিল মুঢ়

স্বণায় বক্র ভুরু ভূপতির,

নয়নে আগুন জলে,

হকুমে লুটাল বকুবক খার

উষ্ণীষ ধূলিতলে ।

ঘোড়া ছেড়ে রাজপথে দাঁড়াইল

বদাউন-সর্দার,

হাতে পায় বেঁধে শিকল, সিপাহী

কেড়ে নিল তলোয়ার ।

কোড়া নিয়ে এল কোড়া-বর্দার

বাদশাহী ইন্দ্ৰিতে,

বজ্র-কঠোর স্বরে বাদশার

অপরাধী কাঁপে চিতে ।

“দোষী সর্দার, ভুল নাই আর,

দেখীর শাস্তি হবে,

রাজার প্রতিভূ রাজার সুনাম

ঢেকেছে অগোরবে ।

রাজপুরুষেরা প্রজারে বাঁচাবে

চোর-ডাকাতের হাতে,

কে বলো প্রজুরে রক্ষিবে রাজ-

পুরুষের উৎপাতে ?

রক্ষক যদি হয় ভক্ষক

কে দিবে তাহারে সাজা ?

রাজপুরুষের রাজ-ক্ষুধা হ'তে  
 প্রস্তারে বাঁচাবে ?—রাজা ।  
 এই তো রাজার প্রধান কৰ্ম,  
 এ বিধি স্বপ্রাচীন,  
 এই ধর্মের করিব পালন  
 মানিব না ধনী দীন ।  
 গরীবের প্রাণ, আমীরের প্রাণ,—  
 সমান যে জন জানে,  
 সর্দারী তারি—সুলতানী তারি—  
 ছুনিয়ার মাঝখানে ;  
 গরীবের প্রাণ তুচ্ছ যে মানে  
 অরি তার ভগবান্ ;  
 কোড়ার প্রহারে প্রাণ যে নিল, সে  
 কোড়াতেই দিবে প্রাণ ।  
 আর যারা আজ মলুকের তাজ  
 রাজার নিয়োগ পেয়ে,  
 ছোটোর নালিশ তোলে নাই কানে  
 বড়দের মুখ চেয়ে,  
 খুনের খবর গুম্ ক'রে যারা  
 রেখেছে রাজার কাছে,  
 খুনির দোসর শয়তান-তারা,—  
 দাও বুলাইয়া গাছে ।

বে-ইমানী সনে রফা ক'রে চলা  
জানে না মুসলমান,  
কাজে আজ করে সে কথা প্রমাণ  
ছুনিয়ায় বুলবান্ ।  
বলবান্ ব'লে খুনীর খাতির ?  
হবে না ; হবে না মাফ,  
কসুর করিলে পূরা পাবে সাজা—  
এই মোর ইন্সাক্ ।”

---

### রাজপূজা

রাজার নিদেশে শিল্পী রচিছে দেউল কাঞ্চীপুরে,  
পরশে তাহার শিলা পায় প্রাণ কাঞ্চন-প্রায় ক্ষুরে !  
মঞ্চের পরে বসি' তন্ময় মূর্তি-মেথলা গড়ে,  
তার প্রতিভায় পৃথিবীর গায় স্বর্গের ছায়া পড়ে !  
ইন্দ্র, বরুণ, অগ্নি, ঈশান রূপ ধরে ধ্যানে তারি—  
প্রাণের নিভৃত ভরি' তারি যত দেবতার অবতার ।  
পুষ্পিয়া ওঠে কঠিন পাষণ্ড পরশ তাহার লভি',  
শিল্পীর রাজা গুণী গুণরাজ ক্ষটিক-শিলার কবি ।  
অমৃতকুণ্ডে ডুবায় সে বুঝি ছেদনী-হাতুড়ি ধরে,  
অরূপেরে রূপ দেয় অনায়াসে অলখ-দেবের বরে ।

## বিদায়-আর তি

তার নির্মাণ স্বজন-সমান, বিশ্বয় লাগে তারি,  
চমৎকারের মহলের চাবি জিম্মায় আছে তারি ।  
শিলার স্বর্গে বসি' মশ'গুল' যশের মালা সে গাঁথে,  
শিষ্য একাকী পিছনে দাঁড়ায়ে পান-বাটা লয়ে হাতে ।  
আর কারো নাই প্রবেশাধিকার তার সে কক্ষশালে,  
সুস্তারণ্যে তপোবন রচি' প্রাণের আরতি টালে ।  
ছেনী দিয়ে কাটে, সারাবেলা খাটে, স্বপ্নাবিষ্ট জাগি',  
মাঝে মাঝে হাত বাড়াইয়া পিছে তাখুল লয় মাগি'—  
ফিরে তাকাবার অবসর নাই ; দীর্ঘ দিবস ধরি'  
আদরার গায়ে আদর মাখায়ে রচে স্বর্গের পরী !  
সহসা কি করি' হাতের হাতুড়ি ঠিকরি পাড়ল নীচে,  
দোসরা হাতুড়ি নিতে তাড়াতাড়ি শিল্পী চাহিল পিছে ।  
পিছে চেয়ে গুণী গুঠে চমকিয়া বিশ্বয়ে আঁখি খির—  
তারি ডিবা হাতে কাঞ্চী-নরেশ দাঁড়ায়ে মুকুট-শির !  
“একি ! মহারাজ !” কয় গুণরাজ, “অপরাধ হয় মোর,  
দিন্ মোরে দিন্...প্রভুরে কি সাজে ?”...রাজা কনু “দিন-ভোর  
এমনি দাঁড়ায়ে আছি ডিবা হাতে, জোগায়েছি তাখুল,  
দেখিতে তোমার স্বজন-কর্ম, পাথরে ফোটানো ফুল,  
তন্ময় তুমি পাও নাই টের, কখন এসেছি আমি;  
মোর ইঙ্গিতে কখন যে তব শিষ্য গিয়েছে নামি',  
কাজের ব্যাঘাত পাছে ঘটে ভেবে ডিবাটি লইয়া চাহি'  
শিষ্যকৃত্য করেছি গুণীর হ'য়ে করক-বাহী ।”

রাজার বচন শুনি' লজ্জায় গুণী কহে জাহ্নু পাতি'  
 "মার্জনা কর দাসেরে, হে প্রভু, কাজের নেশায় মাতি'  
 অজানিতে আজ ঘটায়ছে দাস রাজার অমর্যাদা,  
 সাজা দিন মোরে ।" রাজা কন, "গুণী, তব গুণে আমি বান্ধা,  
 ওঠ গুণরাজ ! আমি পাই লাজ, তোমারে কি দিব সাজা,  
 বিধির স্বজন-বিভূতি-ভূষিত তুমি সে প্রকৃত রাজা ।  
 মরণ-হরণ কীর্তি তোমার, মোর সে স্বর্ণস্থায়ী,  
 আমি প্রভু শুধু নিজের রাজ্যে, বাহিরে প্রভূতা নাহি ।  
 রাজপূজা তব ভুবন জুড়িয়া, প্রভাব দুর্নিবার,  
 রাজাধিরাজেরও ভক্তি-অর্ঘ্যে, গুণী, তব অধিকার ।"

## পাতিল-প্রমাদ

বা

প্রসঙ্গ প্রতিবাদ

আমরা কোমর বাধিয়া দাঁড়াইলু সবে,  
 বর্ণ-গর্ব রাখিব পণ ;—  
 এই চিড়ে-ফলারিয়া চিড়িতন আর  
 ইস্কু-দাতন ইস্কাবন !  
 পাতিলের বিল নাকচ পাতিল  
 করিব আমরা পষ্ট কই,

হরবোলা-গাঁই হরতন মোরা,  
 মোরা হেঁজিপেঁজি মোটেই নই !  
 জাথ      তাসের মতন মোরা চারি জাতি,  
 আমরা সবাই জ্যাস্ত তাস,  
 তাসের কেল্লা সাকিন্, রয়েছি  
 ভয়ে ভয়ে পাছে লাগে বাতাস !  
 অঘরে অজ্ঞাতে বিয়ে হবে নাকি ?  
 ছি ছি শুনে লাঞ্জে মরিয়া যাই !  
 তাতে যে বর্ণসঙ্কর হয়  
 গীতাকার ব্যাস বলেছে ভাই !  
 বলেছে মৎস্যগন্ধার ছেলে  
 অজ্ঞাতে অঘরে বিবাহ নয়,  
 সত্যবতী ও জাম্ববতীরে  
 ধামা-চাপা দিয়ে গাও রে জয় !  
 ( কোরাস )      ড্যাডাং ড্যাং ড্যাডাং ড্যাং  
 Inter-caste marriage hang !  
 পাতিল-বিল বাতিল—এই  
 ছ্যাডাং ড্যাং ড্যাডাং ড্যাং !

হো হো, পাতিলের বিল করিতে বাতিল  
 উদয় হয়েছে আমরা হে,

এই তামাটে ও মেটে ভুস্টে পাণ্ডটে  
 কুচ কুচে কালো জামরা হে !  
 ছি ছি ভিন্ন বর্ণে বিয়ে কভু হয় ?  
 বধির হও রে কর্ণ উঃ !  
 আরে বিয়ে হয়নাকো, বিয়ে হয়নাকো,  
 নিকে হয় অসবর্ণ হুঃ !  
 দ্যাখ উচ্চবর্ণ আমরা বেজায়,  
 আমরা দেশের ভরসা তাই,  
 শুধু কলিকাল ব'লে রংটা বেতর,  
 একটু কলি দিলে হ'ব ফর্সা ভাই ।  
 ( কোরাস ) ড্যাডাং ড্যাং ড্যাডাং ড্যাং,  
 Inter-caste marriage hang !  
 পাতিল-বিল বাতিল—এই—  
 ছ্যাড্যাং ড্যাং ড্যাড্যাং ড্যাং !

ড্যাখ জম্বুদ্বীপে বাস ক'রে হ'ল  
 জামের যতন জেলাটা হে !  
 মোদের Arctic Homeএ ফিরে যদি যাই,  
 মেরে দিই তীব্র কেল্লাটা হে !  
 শুধু জাম খেয়ে রঙে জামড়ে পড়েছে,  
 নইলে আর্ক্য আমরা খাটি ও সাঁজা,



তাই প্রতি পরিবারে চাতুর্ক্য  
 দিবা কালো, ধলো, বুলু, ব্রাউন্ বাচ্ছা !  
 তবে রঙের বড়াই কর একজাই,  
 কৃষ্ণচর্ম শর্মা জাগো !

খেঁটে খুস্তি-কলমে লেখ বক্তৃতা,  
 সাড়ে-সাতান্ন ফর্মা দাগো ।

স্বাধ রঙে আছি যোরা রঙের গোলাম—  
 রঙের টঙের সঙের পাঁতি,  
 রঙে আছি, তাই টঙে ব'সে আছি,  
 কেউ বা কাগজী কেউ বা পাতি ।  
 কেউ বা মাচায়, কেউ বা তলায়,  
 কেউ ঘেঁষাঘেঁষি, কেউ তফাতে,  
 সব সঙই যদি টঙে ভিড় করে  
 ধপাৎ হবে যে অধঃপাতে ।

( কোরাস ) ড্যাড্যাং ড্যাং ড্যাড্যাং ড্যাং  
 Inter-caste marriage hang !  
 পাতিল-বিল বাতিল—এই—  
 ছ্যাড্যাং ড্যাং ড্যাড্যাং ড্যাং ।

স্বাধ সতীদাহ রদ. বিধবা-বিপদ  
 বাধিয়ে তো ডেকে এনেছ ফাঁড়া,

বাস্ রহিত-গোত্র কইতন বলে -  
 ° - রঙের এ টঙে দিয়ো না নাড়া ।

ত্মাখ ভেসে দিয়ো না রঙের খেলাটা,  
 ফেলোনাকো দেখে হাতের তাস,  
 ( কিন্তু সনাতন হরতনের টেঙ্কা ?—

আরে ! কোথা গেল ? সর্বনাশ ! )  
 আহা গুলিয়ে দিয়ো না, রোসো বাপু, রোসো,  
 ওই যে টিড়ের তিরির গায়—

ত্মাখ লেখা আছে হরতনের টেঙ্কা ;  
 আর ভয় মোরা করি কাহায় ?

তবে ভেঁজে নাও তাস, বাস্ ভায়া বাস্,  
 লম্বা টিকিতে লাগাও মাল্লা,  
 মোদের সেট্-ভাঙা তাস, কোরোনাকো ফাঁস,  
 ক'সে খেলো,—হবে ছকা পাঞ্জা !

( কোরাস )- ভ্যাভ্যাং ভ্যাং ভ্যাভ্যাং ভ্যাং  
 Inter-caste marriage hang !  
 পাতিল-বিল বাতিল—এই—  
 ছ্যাভ্যাং ভ্যাং ভ্যাভ্যাং ভ্যাং !

■

ত্মাখ অ-আ-ই-উ বলি হাই যদি খালি  
 তোলা যায় স্বরবর্ণেতে,

টিকটিকি তবে কি করিতে পারে ?—

তোলে না ত কেউ কর্ণেতে ।

কিন্তু স্বরে ব্যঞ্জনে ঝঙ্কাট যাই

বাক্যের হয় সৃষ্টি গো,

অমনি অর্থেরও খোঁজ প'ড়ে যায়, পড়ে

আইনেরও খরদৃষ্টি গো,

তাহে ক্যাসাদের পর ক্যাচাঙ্, আসিয়া

করয়ে সমাচ্ছন্ন হে,

এর হেতুটা কি জানো ?—স্বরে-ব্যঞ্জনে

বিবাহটা অসবর্ণ যে !

( কোরাস ) ড্যাড্যাং ড্যাং ড্যাড্যাং ড্যাং

Inter-caste marriage hang !

পাতিল-বিল বাতিল—এই—

ছ্যাড্যাং ড্যাং ড্যাড্যাং ড্যাং !

জাখ বর্ণধর্মে করি' অবহেলা

দেবতারও নাহি অব্যাহতি,

হেঁ হেঁ ক্যাল্‌ফ্যানাইয়া কি দেখিছ বাপু ?

বোসো ঐখানে শুনিবে যদি ।

ঐ ঘুঁটিঙের চুন চেয়ে সাত গুণ

রং ছিল মহেশের সাদা রে !

তিনি      করিলেন বিয়ে হলুদ-বরণা  
               উমারে,—গ্রহের ফের দাদা রে !  
 তাহে      কি যে অঘটন ঘটিল, অবণ  
               কর যদি থাকে কর্ণ, আহা !  
 হল      পার্শ্বতীস্বত লম্বোদর  
               চুনে-হলুদিয়া বর্ণ ভাহা !  
 ( কোরাস )    ড্যাড্যাং ড্যাং ড্যাড্যাং ড্যাং  
               Inter-caste marriage hang !  
               পাতিল-বিল বাতিল—এই—  
               ছ্যাড্যাং ড্যাং ড্যাড্যাং ড্যাং !

আখ      ছাপাখানা হয়ে ছত্রিশ জাতে  
               শাস্ত্র বেবাক পড়িছে হায়,  
               নাই পেয়ে পেয়ে অলপ্নেয়েরা<sup>০</sup>  
               মাধায় ক্রমশঃ চড়িতে চায় !  
 আহা      ভালো ছিল যবে শাস্ত্র শিকায়,  
               ধর্ম ছিলেন টিকিতে ভোঃ !  
 এখন      ছোট মুখে শুনি বড় বড় কথা,  
               তর্কে না ছায় টিকিতে, ওঃ !  
 আরে      শাস্ত্র-তর্ক তোরা কি জানিস্ ?  
               ভারি দেখি আল্পপঙ্কা যে !

জোড়া-ঠ্যাংওলা শাস্ত্র আমরা,  
আমাদিগে নাই অঙ্কা রে!

ভর্ক ভোদের শুনে হাসি পায়,

হায় রে গণ্ডমূখ হায়!

শাস্ত্র-তত্ত্ব সোজা নয় মুঢ়,

পূর্ণ সে গুঢ় স্তম্ভতায়!

(কোরাস) ড্যাড্যাং ড্যাং ড্যাড্যাং ড্যাং  
নাস্তিক সব তার্কিক hang!  
পাতিল-বিল বাতিল—এই—  
ছ্যাড্যাং ড্যাং ড্যাড্যাং ড্যাং!

হেঁ হেঁ তপন-তনয়া তপতীর কেন

নরকুলে বিয়ে হইল রে,

আর ঋদি বশিষ্ঠ বিলোম বিবাহে

ঘট্‌কালি কেন কৈল রে।

মাহুষের ছেলে, দেবতার মেয়ে—

এ ত অহলোম বিবাহ নয়,

এই ত প্রশ্ন? অঙ্কায়ুক্ত

চিত্তে শুনহ কিসে কি হয়।

তাখ সূর্য্য-সুত্রে বিবাহ করিলে

মুম শনি হয় বড়-কুটুম,

তাই তপতীর সাথে বে'র কথা হ'লে  
 দেবতা-কুলের ঘুচিত ঘুম ।  
 কারণ শনি কি যমকে শালক বলিলে  
 হন যদি ওঁরা ক্রুদ্ধ হে,  
 তবে হয় ত দণ্ড পড়িবে মুণ্ডে  
 কিম্বা উড়িবে মুণ্ড-স্বন্ধ রে !  
 আবার জায়া যদি কভু বায়না ধরেন  
 ভায়ের বাড়ীতে যাইতে গো,  
 তবে যম-ঘরে তাঁরে হয় পাঠাইতে,  
 আশা ছেড়ে দাও তার চাইতে ও ।  
 কিন্তু সূর্যের মেয়ে খুব্‌ডো থাকিবে  
 সে যে মহাপাপ শাস্ত্রে কয়,  
 তাই ঘট'কালি করি' বিলোম বিবাহ  
 দিল বশিষ্ঠ হৃষে সদয় ।  
 স্থাথ সকল অবিধি বিধি হয় তেজী  
 তেজপাতাদের পক্ষেতে,  
 আর যমকে তো লোকে বলেই শালক—  
 তাই বাখিল না সম্পর্কেতে !  
 (কোরাস) ড্যাড্যাং ড্যাং ড্যাড্যাং ড্যাং  
 Inter-caste marriage hang !  
 পাতিল-বিল বাতিল—এই--  
 ছ্যাড্যাং ড্যাং ড্যাড্যাং ড্যাং !

## বিদায়-আরতি

হাঁ ঠাণ্ডা করিয়া দিয়াছি,—ওকি ও ।

ফের লোকগুলো আসে যে খুঁকে,  
বলে হরের ঘরগী গঙ্গা কেমনে

করিল বরণ শাস্ত্রমুকে ?  
বলি অত খবরে কি দরকার শুনি  
তামাসা পেয়েছ ? ভারি যে ইয়ে ?  
গঙ্গার কথা গঙ্গা জানেন,

যা না সেথা দড়ি কলসী নিয়ে !  
হেসে ফুটিফুটি, ভারি যে আমোদ,  
ফটিনটি সবারি কাছে ?

বলি যাওনা ঢেউয়ের বহর দেখ গে,  
হাঁ হাঁ ইঁ-করা মকর মুখিয়া আছে ।

( কোরাস ) ড্যাড্যাং ড্যাং ড্যাড্যাং ড্যাং  
Inter-caste marriage hang !  
পাতিল-বিল বাতিল—এই—  
ছ্যাড্যাং ড্যাং ড্যাড্যাং ড্যাং ।

ওকি ফের গুজ্জাগজ্জ ! কাণ্ড কি আজ !  
ফের হাউচাউ ! চাও কি বাপু ?  
হেরে হেরে দেবো হারিয়ে সবারে,  
বচনে কখনো হব না কাবু ।

কি ? শৈব বিবাহ ? গোস্বামী-মত ?  
 বাধ্য নহিক শুনিতে অত ;  
 গোস্বামী-মত হবে সে পরাহে,—  
 শ্রদ্ধাহীনের তর্ক যত !

আখ      শুনে যাও শুধু, তর্ক করো না,  
 কথার উপরে কয়ো না কথা,  
 নিজের গলাটা জাহির করিতে  
 বাহির কোরো না ছুতো ও নতা ।  
 আমরা বলিব, তোমরা শুনিবে,  
 এই সনাতন দেশের রীতি,  
 মোদের      দিখে থুয়ে তোরা ভক্তি করিবি,  
 নিখে থুয়ে মোরা জানাব প্রীতি !  
 তর্ক করো না, তর্কের শেষ ৭  
 হয় না কখনো জ্ঞান না তা কি ?  
 হেঁ হেঁ      গণেশের কলা-বৌকে দেখিয়ে  
 শেষে      উদ্ভিদ-বিয়ে চালাবে নাকি ?  
 ( কোরাস )      ড্যাড্যাং ড্যাং ড্যাড্যাং ড্যাং  
 Intar-caste marriage hang !  
 পাতিল-বিল বাতিল—এই—  
 ছ্যাড্যাং ড্যাং ড্যাড্যাং ড্যাং !



## বিদায়-আরতি

চাখ মোরা সনাতন রঙের গোলাম,  
বর্ণের দাস আমরা সবে,  
ভিন্ন রঙের টেকা যে মারি  
সে কথা স্বীকার করিতে হবে।

ওই পরের নহলা কেবলি ন ফোটা,  
আমার নহলা চৌদ্ধ সে,  
একথা যেজন জানে না সে মুঢ়,  
মানে না যে—চোর বৌদ্ধ সে।

আমরা ফ্যাসানের ঝোঁকে হব না নেশান,  
যা আছি তা মোরা রব নাগাড়,  
দলাদলি ক'রে, কিলোকিলি ক'রে  
ভাগে ভাগে স'রে যাব ভাগাড় !  
শক্ররা বলে চোটে গেছে রং,  
যা আছে সে শুধু রঙের ঢং,  
যাক্ রং, থাক্ ঢং আমাদের,  
রঙের ঢঙের আমরা সং !

( কোরাস ) ভ্যাভ্যাং ড্যাং ভ্যাভ্যাং ড্যাং—  
Inter-caste marriage hang !  
পাতিল-বিল বাতিল—এই  
ছ্যাভ্যাং ড্যাং ভ্যাভ্যাং ড্যাং।

ভাখ ছুঁং-মার্গের আমরা পাণ্ডা

বর্ণ-গর্বে বনেদ গাঁথা,

মোদের বর্ণ যদিচ বর্ণনাতীত,

কিছু তামা, কিছু তামাক-পাতা !

তবু বর্ণে আমরা শ্রেষ্ঠ শুনেছি,

শ্রুতি সে যে-হেতু শোনা সে যায়,

ওহো শ্রুতি অমান্য করিবি-কি তোরা—

ইহ-পরকাল খোয়াবি হয় !

জাগো জাগো তবে ভাই, ওঠ তবে ভাই,

জাগহ, কিন্তু মেলো না চোখ,

বর্ণ মানে যে রং হয়, সেটা

জানা ভাল নয় যতই হোক ।

চক্ষু-কর্ণে বিবাদ বাধায়ে

বল তো মানিবি কারে সালিস ?

তবে জেগে চোখ বুজে চোঁচারে,—যদি এ—

নিরেট গুফর সন্না নিস ।

সোনামুগ কাপৌ-কলায়ে তিসিতে

ভূষিতে মিশিয়া রয়েছে বেশ,

বর্ণ-গর্বে রয়েছে বজায়

চোখ খুলে কেন বাড়ানো ক্লেশ ?

## বিদায়-স্মারতি

বর্ণ সত্য জাতি সনাতন,

Inter-caste ? কখনো নয় !

সনাতন চিড়িতন হরতন

ইস্কাবনের গাহ রে জয় !

ড্যাড্যাং ড্যাং ড্যাড্যাং ড্যাং !

Inter-caste marriage hang !

পাতিল-বিল বাতিল—এই—

ছ্যাড্যাং ড্যাং ড্যাড্যাং ড্যাং !

---

### মধুমাধবী

রাত-বিরাতে কখন এলে, মৌন-চারিণী !

সবুজ-সবুজ উড়িয়ে নিশান, জানুতে পারিনি !

পাতায় পাতায় পাখ্ পাখালির নাচন অনন্ত,

বসত বাঁধার যুক্তি ওদের দিকনা বসন্ত ।

অশথ-পাতা ঝোঁটার বাঁধন এড়িয়ে যেতে চায়,

পান্না-চিকন পাতার পাথার উল্লাসে উথলায় ।

ফর্দা হাওয়ার পর্দাতে গান কোকিল ধরেছে,

চম্পনা তার কণ্ঠী ছুনির ঝালিয়ে পরেছে !

রসাল-ডালে লাল কিশলয় নুকিয়ে ছিল যে,

কিশোর চুমায় মলয় তারে ছুলিয়ে দিল রে !

শ্রাম্-সোনেলার শ্রাম্পেনে বৃন্দ বাতাস ঢেউ তোলে,

নাহক-খুসীর নাস্তানাবুদ ডাল্পালা দোলে ।

নিশ্বাসে তোর শীতের হাওয়ায় বাসন্তী শীৎকার !  
 দিলদরিয়ার ঢেউ দিয়েছে তোমায় চমৎকার  
 রামধনু তুই মাড়িয়ে এলি—অশোক ফুটিয়ে,—  
 অপাঙ্গে কি ভঙ্গী করে' ভোমরা ছুটিয়ে !  
 চাঁচর কেশে নাগকেশরের ঝাপ্টা জড়োয়ার,  
 দুই কানে দুই চাপার কলি, গলায় বেলীর হার !  
 বুক জুড়ে তোর সজ্জনে-ফুলের মোতির সাতনরী,  
 স্বজনী তুই মন-স্বজনের হৃদরী পরী !  
 কাঁচা গায়ের লাবণ্যে যায় দুনিয়া ছাপিয়ে,  
 পাপিয়া কুঞ্জে প্রসাদ-অঁধির 'প্রসন্ন' গিয়ে !  
 ফুলের পাখা ঢুলাও তুমি রজনীগন্ধার,  
 অঙ্গে তোমার দীপ্তি উষার, অপাঙ্গে সন্ধ্যার !

অ-ধর তোমার অঙ্গ-বিভা, স্বপন-মনোহর,  
 অনঙ্কের ও আল্গা চুমার সয় না যেন ভর !  
 রূপটানে তোর মুখটি মাজা, মোহাগশালিনী !  
 মৃগ্ধিমতী শ্রীপঙ্কমী বকুল-মালিনী !  
 কপূরে চাঁদ জ্বালিয়ে বাতি সকল রাত্তি-তোর  
 তারায় তারায় আলোর ঝারায় বরণ করে তোর !  
 অধরে তোর ওড়না ওড়ে, বসন্ত-বাহার !  
 মিহিন্ খাপি সিন্ধু-কাফি পিঁধন চমৎকার !

আঁচল হেনে পিয়াল-বনে করিস্ রে আলা,  
 ধুলোয় ফেলিস্ মহয়া-ফুলের ভর্ষি পিয়াল !  
 পূর্ণিমা তোর হাশ্তে মধুর হৃদয়-হারিণী !  
 আঁখির লীলায় লাস্য, নীরব স্বপ্ন-চারিণী !

## শরতের আলোয়

( গান )

আজ চোখে মুখে হাসি নিয়ে  
 মন জানিয়ে—  
 কার পানে তুই চাস অমন ক'রে ?  
 ছাদে লো আমায় বল্ সখী !  
 ও কি ! ওকি ! নিবল হাসি—  
 প্রাণ উদাসী—  
 চোখের কোলে জল এল ভ'রে  
 তারে কি বিরূপ নিরখি' !  
 আহা ভাগর চোখে কিসের ছুখে হঠাৎ এই ছায়া,  
 বুঝি প্রেমের ভাতি চিন্‌ না কেউ ভাব ল বেহায়া ;  
 মরি বিষাদে তোর নীল হল মুখ  
 হা রে হা ! বিষ নাহি ভখি',—  
 বিমন নিরখি' ।

কাল কেয়াফুলের সকল কলাপ—  
 জর্জা গোলাপ  
 ঝরল হঠাৎ ঝার পরশের ঘায়,  
 সে হাওয়া লাগল কি তোর গায় ?  
 শুকিয়ে এল ঠোঁট দুটি হায়  
 কাঁপছে যে কায়  
 হেম-প্রতিমা ছায় রে কালিমায়  
 সহসা দারুণ কোন্ ব্যথায় ?  
 তুই চোখ তুলে আর চাইতে নারিস, হায় অভিমানী,  
 বুঝি অকালে আজ মেঘ দেখে তোর নেই মুখে বাপ্পি ;  
 তোর সব সোহাগের নিবল আলো  
 হা রে হা ! কার আঁখির হেলায়  
 দারুণ বেদনায় ॥

তোর উড়ে গেল ওড়না অরির,  
 নীলাশরীর  
 কাজল আঁকা আঁচল যায় উড়ে  
 ফিরে আজ গগন-কিনারায় ;  
 তরল মোতির ঝাপটা দোলে  
 চুলের কোলে,  
 ঝামর-আঁখি দাড়িয়ে তুই দূরে  
 যেন কোন্ নিবিড় নিরাশায় ।

## বিদায়-আরতি

বাজে      বৃক্‌ব দুক্ক দুক্‌ মেঘের গুরুগুরুতে  
হল      ঝরঝর নয়ন হাওয়ার কুরুকুরুতে  
বুঝি      না-পাওয়া মোহাগের আভাস  
হা রে হা !      কাদায় তোর হিয়াম  
   গভীর নিরাশায় ।

মরি      হারা দিনের হারা হাসির  
   কুসুমরাশির  
   আদর সে কি ডুবল অতলে ?—  
বিসরণ—      গহন বাদলে !  
   চেনা-চোখের অচিন্ত ভাতি  
   জ্বলবে বাতি  
   বিমুখ হিয়াম মেঘ লা মহলে,  
না রে না,      ডুব বে না জলে ।  
সখি,      তড়িৎ হেসে মেঘ মিনাবে ওই দিগ্‌টির আগে,  
ও যে      ধারায় রোদে হর্ষে কেঁদে বাঁধবে মোহাগে ,  
ফিরে      যাদবের তোর ছাপায় গগন  
হা রে হা      সাগর উত্থলে  
   হিয়াম অতলে ।

---

## ঝর্ণা

ঝর্ণা ! ঝর্ণা ! সুন্দরী ঝর্ণা !  
 তরলিত চন্দ্রিকা ! চন্দন-ঝর্ণা !  
 অঞ্চল সিঞ্চিত গৈরিকে স্বর্ণে,  
 গিরি-মল্লিকা দোলে কুন্তলে কর্ণে,  
 তলু ভরি' যৌবন, তাপসী অপর্ণা !  
 ঝর্ণা !

পাষাণের স্নেহধারা ! তুষারের বিন্দু !  
 ভাকে তোরে চিত-লোল উত্তরোল সিন্ধু !  
 মেঘ হানে জুইফুলী বৃষ্টি ও-অঙ্গে,  
 চুমা-চুম্বকীর হারে চাঁদ ঘেরে রঙ্গে,  
 ধূলা-ভরা ছায় ধরা তোর লাগি ধর্ণা !  
 ঝর্ণা !

এস তৃষ্ণার দেশে এস কলহাস্যে—  
 গিরি-দরী-বিহারিণী হরিণীর লাস্যে,  
 ধূসরের উষরের কর তুমি অন্ত,  
 শ্রামলিয়া ও-পরশে কর গো শ্রীমন্ত ;  
 ভরা ঘট এস নিয়ে ভরসায় ভর্ণা ;  
 ঝর্ণা !



## বিদায়-আরতি

শৈলের পৈঠায় এস তহুগাত্রী !

পাহাড়ের বুক-চেরা এস প্রেমদাত্রী !

পান্নার অঞ্জলি দিতে দিতে আয় গো,

হরিচরণ-চ্যুতা গদ্যার প্রায় গো,

স্বর্গের সূধা আনো মর্ত্যে সুপর্ণা !

ঋণা !

মঞ্জুল ও-হাসির বেলোয়ারি আওয়াজে

ওলো চঞ্চলা ! তোর পথ হ'ল ছাওয়া যে !

গোতিয়া মতির কুঁড়ি মূরছে ও-অলকে ;

মেখলায়, মরি মরি, রামধনু ঝলকে !

তুমি স্বপ্নের সখী বিহ্বাৎপর্ণা !

ঋণা !

কে

চির-চেনার চমক নিয়ে চির-চমৎকার

নতুন দুটি ভ্রমর-কালো চোখে

কে এলে গো হোরার মেলায় দৃষ্টি-অলঙ্কার

বৃষ্টি ক'রে পুলক ঋণালোকে !

কে এলে গো !...অশোক-বীথির ছায়ায় ছায়ায় আজি  
 'নিশ্বাসে পাই তোমার নিশাসখানি ।  
 পদ্মগন্ধা কে সুন্দরী জাফরাণে মুখ মাজি'  
 হাওয়ার গিঠে গেলে আঁচল হানি' !

সৌরভে তোর বিভোর ভুবন মগজ সে মসৃণল,  
 ধূপের বাতি আগুন হ'য়ে ওঠে,  
 অগুরু-বাস আগুন-উছাস বিহ্বলে বিল্কুল,  
 সংজাহারা বকুল ভূঁয়ে লোটে ।

শামার শিশে কোন্ ইসারা করিস্ গো তুই কারে—  
 মন গোপনে ওঠে কেমন ক'রে,  
 চির-যুগের বিরহী ধায় তোমার অভিসারে  
 অশ্রু-মুক্তা-অর্ঘ্যে হ'হাত ভ'রে ।

চাঁদের আলোর রাজ্যে রাণী তুমি চাঁদের কোণা,  
 মর্ত্যজনের চির-অধর তুমি,  
 স্বর্গ তোমার প্রসাদ-হাসি, স্বপ্নে আনাগোনা,  
 মূর্ছে তুবা তোমার আভাস চুমি' ।

আনন্দে তোর নিত্য-বোধন, পূজা শিরীষ-ফুলে,  
 আরতি তোর আঁখির জ্যোতি দিয়ে,  
 রিক্তা তুমি সন্ধ্যা-মেঘের রক্ত-নদীর কূলে,  
 পূর্ণা তুমি প্রাণের পুটে প্রিয়ে ।

## বিদায়-আরতি

পারিজাতের পাপড়ি তুমি ইঞ্জেরি উজানে,  
রাঙা তুমি একশো হোমের ধূমে,  
তপ্ত সোনার মূর্তি তুমি নিদাঘ-দিনের ধ্যানে,  
ফুটি তোমার পদ্যরাগের ঘূমে ।

---

## জ্যৈষ্ঠী-মধু

আহা, ঝুঁকিয়ে মধু-কুলকুলি  
পালিয়ে গিয়েছে বুলবুলি ;—  
টুনটুনে তাজা ফলের নিটোলে  
টাটকা ফুটিয়ে ঘুলঘুলি !

হের, কুল কুল কুল বাস-ভরা  
স্বরু হ'য়ে গেছে রসু ঝরা,  
তোমরার ভিড়ে ভীমরুলগুলো  
মউ খুঁজে ফেরে বিলকুলই !

তারা কাঁক বেঁধে ফেরে ঢাক ছেড়ে  
ছপ্পরের সুরে ডাক ছেড়ে,  
আঙুরা-বোলানো বাতাসের কোলে  
ফেরে ঘোরে খালি চুলবুলি' ।

কত

বোলতা সোনেলা রোদ পিয়ে  
বুঁদ হ'য়ে ফেরে রোঁদ দিয়ে ;  
ফলসা-বনের জলসা ফুরুলো,  
মৌমাছি এলো রোল তুলি' !

ওই

নিঝুম নিখর রোদ থা থা  
শিরীষ-ফুলের ফাগ-মাথা,  
তুলতুলে কার চোখ দুটি কালো  
রাঙা দুটি হাতে লাল কলি !

আজ

ঝড়ে-হানা ডাঁটো ফজলী সে  
মেশে কাঁচা-মিঠে মজলিসে ;  
'রং-চোরা ফলে রস কি জোগালো'—  
কুহ কুহ পুছে কার বুলি !

ওগো,

কে চলেছে ঢেলা-বন ঠেলে  
বুলবুলি-খোঁজা চোখ মেলে,  
জাম্বুলী-মিঠে ঠোঁট দুটি কাঁপে,  
তাপে কাঁপে তনু জুঁইফুলী !

মরি,

ভোমরা ছুটেছে তার পাকে  
হাওয়া ক'রে ছুটো পাখ নাকে,—  
ফলের মধুর মরমুম ঘাপে  
ফলের মধুর দিন 'তুলি' !

গান

এসেছে সে—এসেছে !

চাঁপার ফুলে বুলিয়ে আলো হেসেছে !

পুলক-বীণায় সুর জাগায়ে

এসেছে-গো সোনার নায়ে,

( ও যে ) ভুবন-ভরা ভালবাসা বেমেছে !

দখিন-হাওয়ার ছন্দ নিয়ে এসেছে,

বকুল-মালার গন্ধ পিয়ে এসেছে,

অনাগত যাহার বিভায়

মেলবে আঁখি নূতন দিবায়

( ওগো ) আকাশে তার হিরণ নিশান ভেসেছে ।

নরম-গরম-সংবাদ

নরম । বিলেত হইতে আশিছে—মস্ত !—

গরম । বিলিতি ঘোড়ার—ডিম !

নরম । চোপ্ ! চোপ্ ! ডিম হোমা-পক্ষীর !

নেপথ্যে । কিন্তু ততঃ কিম্ ?

গরম । গোড়াগুড়ি ব'লে রাখ্ছি, হাঁ,

আমরা ও-ডিমে দিব না তা ।

নরম । দেশোয়ালি ঘোড়া ডিম্ব পাড়িবে

এই কি তোদের ভ্রীম্ ?

গরম । মিছে রুর দাদা কথা-কাটাকাটি,

মিছে ঘরাঘরি কর লাঠালাঠি ।

নরম । যা' যা' যা', আমরা লাট হব খাঁটি,  
আমরা দেশের ক্রীম্ !

গরম । ক্রীমি বটে তা' তো দেখছি চক্ষে,—  
জানছি চিন্তে নিদেন পক্ষে,—  
লাট ক'রে দেবে,—লাঠিয়ে কিন্তু,—  
হাড় ক'রে দিয়ে হিম !

নরম । চোপ্ ! চুণোগলি চৌরঙ্গীর  
ঢাক-ঘাড়ে যত বড় বড় বীর  
জানিস্ কি পিঠ চাপ্ ডায় কার—  
জায় জয়-ডিঙিম্ ?

গরম । জানি গো নিরেট মডারেট তারা—  
খালি-পেটে তোলে ঢেকুর যাহারা,  
আচাভূয়া—মোয়া-লোভে উদ্বাহ  
খায় যারা হিম্শিম্ !

নরম । চোপ্ ! চোপ্ ! চোপ্ ! আমরা বক্তা,  
স্পীচ্-মঞ্চের আমরা তক্তা,  
আমরাই হব উজীর নাজীর,  
দেরে-না দেরে-না দ্রিম্ !

গরম । মরি ! মরি ! মরি ! মস্ত গরিমা,—  
মর্যাদার তো নাহি দেখি সীমা,—  
মরে পরে মার,—হাড়মাস কীমা,—

নেপথ্য । সম্প্রতি টিম্ টিম্ !—

## বন্যাদায়

দামোদরের উদরে আজ একী ক্ষুধা সর্বগ্রাসী !  
 বাঁধ ভেঙে, হায়, হত্যা হয়ে বন্যা এল সর্বনাশী ।  
 রাঙামাটির মূলুকে আর রাঙামাটির নেই নিশানা,  
 চারিদিকে অকুল পাথার—চারিদিকে জলের হানা ।  
 দেউলগুলোর ছয়ের ভেঙে ঢেউ ঢুকেছে হল্লা ক'রে—  
 পয়সা নিতে পাণ্ডা-পুরুষ দাঁড়ায় নি কেউ কবাট ধ'রে ।  
 নীচু হওয়ার নানান্ দুখ—খুলে কি আর বল্ব বেশী—  
 বর্ষা হল কোন্ পাহাড়ে—ডুবল্ নাবাল্ বাংলা দেশই ।

এ দামোদর গোবিন্দ নয় ;—গো-ব্রাহ্মণের নয় এ মিতে—  
 হাজার গরু ডুবিয়ে মারে,—ধ্বংস করে হর্ষচিত্তে ।  
 জগৎহিতের ধার ধারে না, অন্ধ অধীর অকুল-ধারা,  
 আপন ধর্ম্মে পায় সে শুধু ক্রুদ্ধ যমের মহিষ পারা ;  
 এই মহিষের বাক্য ছ'শিং—তা'তে আকাল মড়ক বসে,  
 তুসিয়ে চলে ডাইনে বামে, সোনার দেশের পাজর খসে ।  
 এ দামোদর গোবিন্দ নয়—সৃষ্টি যেজন পালন করে ;  
 লম্বোদরী জন্তলা এ গজ গিড়েছে দস্তভরে !

মুছে গেছে গ্রামের চিহ্ন, চেটে নেছে ভিটের মাটি ;  
 মরণ-টানে টানছে ডুরি,—সাতটা জেলায় কান্নাহাটি ।

ধনে প্রাণে ঢের গিয়েছে,—হিসাব তাহার কেউ জানে না।  
 ছন্দছাড়া; বন্ধুহারা,—ঘরে তাদের কেউ আনে না।  
 আলগা চালার কাছিম-পিঠে যাচ্ছে ভেসে কেউ পাথারে,  
 পুড়ছে রোদে উপবাসী, ভিজছে মুঘলবৃষ্টিধারে;  
 হারিয়েছে কেউ পুত্র কন্যা, হারিয়েছে কেউ বৃদ্ধ মায়,  
 আজকে আধা বাংলা দেশে ঘরে ঘরে বহাদার।

অন্ধ, বুড়া, পঙ্গু কত পালিয়ে যাবার পায়নি দিশা,  
 কত শিশুর জীবন-উষায় এসেছে হায় অকাল-নিশা;  
 কত নারী বিধবা আজ, অনাথ কত সন্ত-বধু।  
 কত যুবাব অস্বাদিত রইল জগৎ-ফুলের মধু।  
 বর-ক'নেতে ভাসছে জলে হলুদ-বরণ সূতা হাতে,  
 ফুল-সেজে কার কাল এসেছে—বান এসেছে বিয়ের রাতে।  
 জল ঢুকেছে সাত শো গাঁয়ে, হাজার-ফোকর মোচাকেতে,  
 ধুয়ে গেছে মধুর ধারা, সঞ্চিত আর নাইক খেতে।

বট-পাকুড়ের ফেঁকড়িগুলো অবশ হাতে পাকুড়ে ধ'রে  
 কত লোক আজ কষ্টে কাটায় সাপের সঙ্গে বসত ক'রে।  
 অবাক হয়ে রয়েছে সব জন্মসম্ভবের আবির্ভাবে,  
 সত্য স্বপন গুলিয়ে গেছে,—কেবল আকাশ-পাতাল ভাবে।  
 হাল্ পুছিলে জবাব দিতে কেঁদে ফেলে শিশুর মত,  
 হারিয়ে মানুষ হারিয়ে পুঁজি গরীব চাষা বুদ্ধিত।



## বিদায়-আরতি

ভিক্ষা এদের ব্যবসা নহে,—হাত পাতিতে লজ্জা পায়,  
দৈবে এরা ভিক্ষাজীবী,—আজকে এদের বন্ধাদায়।

বানের জলে হুধের ছেলে তক্তপোষের নৌকা চ'ড়ে  
ভেসে ভেসে একলা এল কোন্‌ গাঁ হতে জলের তোড়ে।  
তুলতে ধ'রে ঠেকুল ভারি তক্তপোষের একটি পায়,  
আঁকড়ে পায় জলের তলে মরা মায়ের অমর মায়া !  
লুপ্ত আজি পীুষধারা মৃত্যুহত মায়ের বুকে,  
হুধের ছেলে ক্ষুধা পেলে কে দেবে দুধ শুষ্ক মুখে ?  
এক রাতে যার স্নেহের ছলল হ'ল পথের কাঙাল হায়,  
কে দেবে তায় মায়ের স্নেহ ? আজ অভাগার বন্ধাদায়।

বানের মুখে সাঁতার টেনে আতুর স্বামীর প্রাণ বাঁচায়,  
ডাঙায় তুলে কোলের ছেলে, সাঁতরে যে ফের ফিরুল গাঁয়ে  
বাঁধা গরুর খুলতে বাঁধন, তুলতে নিজের ক্ষুদ্র পুঁজি,  
ফিরতে সে আর পারেনি হায় বন্ধাজলের সঙ্গে যুঝি' ;  
নেই, বেঁচে সে চাষার মেয়ে দুঃসাহসী দয়াবতী,  
আছে তাহার কোলের ছেলে, আছে তাহার আতুর পতি ;  
তাদের কে আজ পথ্য দেবে—আজকে তারা নিঃসহায়,  
হাতে হাতে মিলিয়ে নে ভাই, আজ আমাদের বন্ধাদায়।

আসল গেছে, ফসল গেছে, গেছে দেশের মুখের ভাত ;  
সামনে 'পুঞ্জো',—নতুন ধুতির সঙ্গে ভাসে তাঁতীর তাঁত।

কোথায় গেছে হালের বলদ, কোথায় গেছে ছুধের গাই,  
 কার ভিটেতে কে মরেছে,—কিছুই খোঁজ খবর নাই।  
 উদাসী আজ কাজের মানুষ সকল-শূন্য-হওয়ার শোকে,  
 শুনছে না সে কিছুই কানে, দেখছে না সে কিছুই চোখে;  
 দেশের যারা পুষ্টি কান্দি সেই চাষীদের পানে চাও,  
 বন্দাদায়ে নিঃসহায়ে ভিক্ষা দাও গো ভিক্ষা দাও।

অল্প সমান ছাত্রেরা আজ অগ্রজেরি কার্য্য করে,—  
 দেশের কাজে অগ্রে চলে—স্বৈচ্ছাসেবার ছুঃখ বরে।  
 আজকে যেন প্রলয়-বুকে স্তম্ভ জ্যোতিলেখা হাসে—  
 ক্ষুদ্র দানের বটের পাতায় ভাবী দিনের ইষ্ট ভাসে;  
 হুঃখীরূপে হুঃখহারী আজ আমাদের নেবেন সেবা,  
 হৃদুভি তাঁর উঠল বেজে, না যাবে আজ এগিয়ে কেবা!  
 সর্বভূতের অন্তরাত্মা আজকে শোনো উঠছে কৈদে;—  
 বধির হ'য়ে থাকবে কে আজ ব্যর্থ জীবন বক্ষে বেঁধে?  
 এ দায় নহে ব্যক্তিগত—যেমন-ধারা কন্যাদায়,  
 বাংলা জুড়ে রোল উঠেছে—আজ আমাদের বন্দাদায়।

আছেন দেশে হুঃখহারী লক্ষ্মীতাতা কোটিশ্বর,  
 তাঁদের পুণ্যে লক্ষ প্রাণী দেখবে ফিরে স্ববৎসর;  
 কিন্তু তাও যথেষ্ট নয়—সপ্ত কোটির এদেশটিতে।  
 ভরতে হবে ভিক্ষাপাত্র ক্ষুদ্র দানের সমষ্টিতে।

## বিদায়-আরতি

শাকাম্বের যে দু'এক কণা বাঁচে তোমার আমার ঘরে—

নিবেদিয়া দাও তা' আজি নারায়ণের তৃপ্তি তরে ।

তুষ্টিতে তাঁর জগৎ তুষ্ট—দুর্কাসারও ক্ষুধা হরে,

তাঁর নামে দাও মুষ্টিভিক্ষা, জয় হবে দুর্ভিক্ষ-'পরে ।

গরীব-সেবাই হরির সেবা—ভারতবাসী ভুল্ছ তাও ?

বন্যাদায়ে নিঃসহায়ে ভিক্ষা দাও গো ভিক্ষা দাও ।

মরুভূমির মানুষ যারা—মরা জলের দেশে থাকে—

তাদেরও প্রাণ সরস আজি—মরম বোঝে, ধরম রাখে ;

তারাও আজি মর্ত্যে বসি' চিন্ত-আরাম-স্বর্গ লভে,

দুঃস্থ শিরে ভগবানের ছত্র ধরে সর্গোরবে ।

সার্থকতা দ্বারে তোমার, বন্ধ কর ব্যর্থ কথা,

মরম দিয়ে মরম বোঝ ঘুচাও মনের দরিদ্রতা ;

ঘুচাও কুণ্ঠা ওগো বন্ধু ! শক্তি কারো তুচ্ছ নয়,

হিম হতে যে বাষ্প লঘু,—তাতেই বাদল বন্যা হয় ।

যুগে যুগে পুণ্য শোভে,—পুণ্য আজি তোমায় চায়,

শূন্য হাতে ফিরিয়ে না গো ; রক্ষা কর বন্যাদায় ।

## গুণী-দরবার

আমরা সবাই-নাই ভিড়ে ভাই,

নাই মোরা নাই দলে,

বাস আমাদের গন্ধরাজের

পরিমল-মণ্ডলে !

আমরা জানিনে চিনিনে শুনিনে  
 , আমরা জানিনে কারে,  
 হৃদয়ে যাহার রাজ্য—কেবল  
 রাজ-পূজা দিই তারে ;  
 মন যদি মানে তবেই মানি গো  
 পুলক-অশ্রুজলে ।  
 অরসিকে মোরা ষোড়-হাতে কহি  
 ভিড় বাড়ায়েনা ভাই,  
 মরমী রসিকে হৃদয়ের দিকে  
 টেনে নিতে মোরা চাই ;  
 নাই আমাদের ভিতর বাহির,  
 কোনো কিছু নাই ছাপা,  
 নিশানের পরে আগুন-বরণ  
 আঁকি বৈশাখী চাপা ।  
 মিলন মোদের গানের রাজ্যার  
 ছন্দ-ছত্রতলে,  
 বসতি মোদের গন্ধরাজের  
 পরিমল-মণ্ডলে ।



পরমায়

( কবিগুরু শ্রীযুক্ত রবীন্দ্রনাথের জন্মদিনে পঠিত )

ফুল-ফোটানো আবহাওয়া এই  
করলে কে গো সৃষ্টি,  
মধুর তোমার দৃষ্টি !  
প্রণাম তোমায় করি !  
আমরা কমল, ভূঁইচাঁপা, যুঁই,  
কুন্দ, নাগেশ্বরী ।

মন-হরিণের মনোহরণ  
বাজাও তুমি বংশী  
মানস-সরের হংসী,  
তোমার পানে চায় গো  
উল্লাসেরি কলধ্বনি  
কণ্ঠ তাহার ছায় গো ।

দত্য-যুগের আদিম !—গ্রহ-  
ছত্রপতি সূর্য্য,  
তোমার সোনার তুৰ্য্য  
ব্যক্ত চরাচরে ;  
বাষ্প-গোপন শক্তিতে সে  
বজ্র সজ্জন করে ।

সত্য-মণি জাগাও তুমি,  
 চাক তোমার কর্ণ,  
 ফুল-ফোটারো ধর্ম,  
 আগরণের সঙ্গী !  
 বিশেষে তুমি নিত্য কর  
 নূতন রঙে রঙ্গী !

তোমার প্রকাশ-মহোৎসবে  
 আমরা মিলি হর্ষে,—  
 মিলি বরষ-বর্ষে ;  
 নাই আমাদের স্বর্ণ,  
 আমরা আনি অন্তরেরি  
 প্রীতির পরম-অন্ন ।

জন্ম-ভিক্ষির পরম প্রসাদ  
 দাও আমাদের ভক্তি,  
 প্রাণে পরম শক্তি,  
 দেখাও হৃদিরীক্ষ্য  
 অন্তরে ধীর আরাম এবং  
 আসন অন্তরীক্ষ ।

কবি-পূজা

কুবেরের রাজ্য ছাড়ি'                      উত্তরে যাদের বাড়ী  
তোমাতে পূজিল তারা স্বর্ণচম্পাদলে ;  
বাগ্মীকির সরস্বতী                      লভিলেন নব জ্যোতি  
হে কবি ! তোমার পুণ্যে পুনঃ পৃথ্বীতলে ।

ছনিয়ার জ্ঞানী গুণী                      মুগ্ধ তব বীণা শুনি'  
আজি বিশ্বগুণীগণে গণনা তোমার,  
উজলিয়া মাতৃভূমি                      আজি উজলিছ তুমি  
জগতের যতনের নব রত্নহার ।

এ হার টুটিবে যবে                      এ কাল সে কাল হবে,  
লুকাবে জ্যোতিষ্ক বহু বিশ্ব-আধারে,  
তুমি রবে অবিচল                      সূর্য্যকান্তি সমোজ্জ্বল  
অনন্ত কালের কণ্ঠে বৈজয়ন্তী-হারে ।

বাণী তব বিশ্ব ছায়                      কুবেরেরও পূজা পায়,  
পূজা পায় পুষ্পলাবী রতন কান্ধন,  
ভারি সঙ্গে অহঙ্কণ                      মোরা করি নিবেদন  
অম্বরক্ত হৃদয়ের আরক্ত চন্দন ।

## নবজীবনের গান

বাজা রে শঙ্খ, সাজা দীপমালা,  
 হাতে হাতে আজি মিলা রে ভাই !  
 ভারতে উদয় হয় নেশনের—  
 এসেছে সময় দেবী তো নাই ।  
 যমুনার কালো জলের সঙ্গে  
 করে কোলাকুলি গঙ্গাজল,  
 যুবন্ প্রাণের গান শোনা যায়,  
 উড়ায়ে নিশান চল রে চল ।  
 আত্মপূজার আত্মস্তরী  
 রাক্ষসীটারে বাঁধিয়া রাখ,  
 গাই-গোত্রের গ্রাম্য স্বার্থ  
 যুক্তবেগীর জলে মিলাক ।  
 ছত্রিশ জাতে ছত্রিশ ভাগে  
 হ'য়ে আছে জরা-সন্ধ দেশ,  
 পরায়ে বজ্র-কঙ্কণ তারে  
 ঐক্যে বাঁধিয়া ঘুচা রে ক্লেশ ।  
 চির-যুবা প্রাণ করে আহ্বান,  
 ভগবান্ আজি সহায় তোর,  
 ছোঁয়াছুঁয়ি নিয়ে গোঁয়াসনে আর  
 বাহতে মিলা রে বাহর ভোর ।



কোরাস { বাজা রে শঙ্খ, সাজা দীপমালা,  
হাতে হাতে আজি মিলা রে ভাই !  
ভারতে উদয় হয় মহাজাতি,  
এসেছে সময় দেবী তো নাই ।

নেশন হবার এসেছে সময়  
নিশিদিন মনে রেখ সে কথা,  
বুদ্ধ, নিমাই, নানক, কবীর  
তোরি কাছে মাগে সার্থকতা ।  
মিলনের সাম তারা অবিরাম  
গাহিল যে সে কি মিথ্যা হবে,—  
চিত্ত-রূপণ মরণ-পন্থী  
ভেদ-অন্থরের বিকৃত রবে ?  
এক অথগু জাতি হব মোরা  
হীরা-চুনী-নীলা মিলাব হারে,  
ঠাই ক'রে নিতে হবে যে নবীন  
জগতের মহা-সস্তাগারে ।  
হের রাক্ষস-সত্ত্বের শেষে  
করে প্রত্যাচ্য শাস্তিপাঠ,  
স্ব-প্রতিষ্ঠ হবে সব লোক,  
গণ্ডী সে ভাঙে, খোলে কবাট ।  
পৃথিবীর যত শূদ্র জেগেছে,  
জেগেছে পরিশ্রমীর দল,

এখন শূত্র তারাই যাদের

অতীতের লাগি শোক কেবল ।

কোরাস { বাজা রে শঙ্খ, সাজা দীপমালা,  
হাতে হাতে আজি মিলা রে ভাই ।  
ভারতে মহতো মহীয়ান্ হের  
এসেছে লগন দেগী তো নাই ।

আশার আলোর আভাস আকাশে

লেগেছে রে, আঁখি মেলিয়া ত্যাক,  
খণ্ড স্বার্থ আহুতি দে ভাই,

চক্ৰ নিবি যদি হ' তোরা এক ।

দেবহিতে দেহ দিয়েছে দধীচি ;—

দেশ-হিতে আজ তাঁহারি মত

দিতে হবে বলি ভেদবুদ্ধি ও

মর্যাদা-লোভ মজ্জাগত ।

নেশন গড়িতে অভিজাত জাপ্

সব দাবী ছেড়ে নোয়াল মাথা,  
দাইমিয়ো-সামুরাই যা পেরেছে—

কত্র-বিপ্র ! পারিবে না তা' ?

ঋষির বংশ ব'লে দিশি দিশি

মানের কাম্ম কাদিবে কে রে ?

সূর্য্যবংশ ব'লে কি আমরা

কর দিই আজও রাজপুতেরে ?

## বিদায়-আরতি

শত্রু-শাতন স্মৃতে তোমার

শত্রু-নিপাত হয় না আর,

প্রগতি পাবার কেন লোলুপতা ?

শেষ ক'রে দাও এ দীনতার ।

কোরাস { বাজা রে শঙ্খ, সাজা দীপমালা,  
হাতে হাতে আজি মিলা রে ভাই ।  
ভারতে উদয় মহাসঙ্ঘের  
এসেছে সময় দেবী তো নাই ।

ক্ষত্রিয় হ'ল প্রখ্যাত আজ

ক্ষত্র-ভ্রাণের অক্ষমতায়,

বড় ভাগ আর দক্ষিণা দাবী

মানিবে কি কেহ মুখের কথায় ?

বৃহতী বসুধা,—কে মিটাবে ক্ষুধা,—

বৃহৎ প্রাণের দীক্ষা নেবে ?

জনসাধারণে করাবে ধারণ

‘মহীয়ান্ ব্রহ্মণ্য-দেবে !

জন-স্বাধারণ করুক গ্রহণ

যুগ-সঞ্চিত জ্ঞানের চাবী,

বল হাসিমুখে, ‘দিলাম—দিলাম—

দিলাম—না রেখে কিছুগই দাবী ।’

এক বিরাটের অঙ্গ সবাই,

বিকারে রক্ত চড়েছে শিরে ;—

## নবজীবনের গান

মাথায় রক্ত মাথা হ'তে নেমে  
ঘুরিয়া ফিরুক সব শরীরে ।

স্বাস্থ্য ফিরুক, শক্তি ফিরুক,  
কান্তি ফিরুক, বাচুক প্রাণ,

হৃদয়ের কল চলুক সহজে,

দূরে যাক গ্লানি কালিমা ম্লান !

কোরাস { বাজা রে শঙ্খ, সাজা দীপমালা,  
হাতে হাতে আজি মিলা রে ভাই ।  
ভারতে নেশান-নিশান উদয়—  
এসেছে সময় দেবী তো নাই !

( ভেদের চিহ্ন কর হে ছিন্ন,

কুঠা ঘুচাও, জাগাও স্মৃতি,

ভারত ব্যাপিয়া হউক উদয়

এক অখণ্ড সত্য-মূর্তি ।

প্রেমের সূত্র হোক আমাদের

ঐক্যের রাখী—রাখী আদিম,—

প্রতি পার্শ্বীয় সদ্রা যেমন,

প্রতি ইহুদীর তিফিলিম্ ।

বৃহৎ হবার জানেরে জাগাও—

ব্রহ্মের জ্ঞান সবারি হোক,

যে প্রণবে প্রাণে নবীনতা দান

সে প্রণবে দেশ হোক অশোক ।

## বিদায়-আরতি

হোক জগতের বৃহৎ ক্ষেত্রে  
দ্বিতীয় জন্ম আমা-সবার,  
হোক দ্বিজ আজ নিখিল-হিন্দু,  
দাও খুলে দাও সকল দ্বার ।  
সংস্কারের সঙ্কোচে ভরা  
দীন আত্মারে দাও অভয়,  
সকল দৈন্ত্য করিয়া বিনাশ  
মহাজাতি-রূপে হও উদয় ।

কোরাস { বাজা রে শঙ্খ, সাজা দীপমালা,  
হাতে হাতে আজি মিলা রে ভাই !  
ভারতে উদয় বিশ্বরূপের—  
এসেছে সময় দেবী তো নাই ।

এসেছে সুদিন, ওঠ্ ওরে দীন !  
তোরে প্রসন্ন আজি বিধাতা,  
হের নেশনের প্রসব-ব্যথায়  
আতুরা বিধুরা ভারত-মাতা ।  
গণকের দল বলিছে কেবল  
এখন প্রসব বন্ধ থাক্,  
দেবী নাকি ঢের শুভ লগনের,—  
পেচকের বুলি চুলাতে যাক্ ।  
ভাবী নেশনের নিশান উড়া রে,  
পেয়েছি নিশানা ত্যাক রে ভাই,

জাতে জাতে হাতে হাতে মিলাইতে  
 বাড়িয়েছে হাত হের সবাই !  
 কে আছিল জড়ভরতের মত  
 গিছে আচারের মুখেতে চেয়ে,  
 শক্তি-সাধনে সগান আসনে  
 তুলে নিতে হয় হাড়ীরও মেয়ে ।  
 নেশনের শিব প্রাণে জাগে ঘার  
 শৈব-বিধানে হবে সে বর,  
 গোস্বামী-মত খুলিবে দরজা  
 মনু যদি আজ করেনই পর ।

কোরাস { বাজা রে শঙ্খ, সাজা দীপমালা,  
 হাতে হাতে আজি মিলা রে ভাই ।  
 ভারতে উদয় মহা মহিমার—  
 এসেছে সময় দেবী তো নাই ।

তোদেরি ঘিরিয়া খণ্ড ভারতে  
 মহান্ জাতির হইবে সৃষ্টি,  
 গ্রীকরাণী সহ চন্দ্রগুপ্ত  
 করিবে মাথায় পুষ্পবৃষ্টি,  
 আশিসিবে তোরে কণাদ কবষ  
 মহীদাস-মাতা পুণ্যবতী,  
 কল্যাণ তোর করিবে কায়না  
 তপতী এবং সত্যবতী ।

## বিদায়-আরতি

বিশ্বামিত্র করিবে আশিস

ল'য়ে বশিষ্ঠ-সুতারে বামে—

বংশ ধাহার কনোজে বিদিত

পূজিত আৰ্য্য-মিশ্র নামে ।

বিষ্ণু ও রমা, রুদ্র ও উমা,

সূর্য্য-ছায়ার অমোঘ বরে

সার্থক হবে নব-ভারতের

এ মহা-মিলন অবনী পরে ।

বহিবে যুক্তবেণী ঘরে ঘরে

ঘুচায়ে বর্ণ-ভেদের গ্লানি,

ঘরে ঘরে, ভাই, কানাই বলাই,

হবে যশোমতী ভারত-রাণী ।

কোরাস {  
বাজা রে শঙ্খ, সাজা দীপমালা,  
হাতে হাতে আজি মিলা রে ভাই ।  
ভারতে এবার মহা মিলনের  
এসেছে সময় দেবী তো নাই ।

হ'তে হ'তে যাহা স্থগিত রয়েছে,

পূরা সে হবেই, কে দিবে বাধা ?—

ঐরাবতেরা বৈরী হ'লেও

গঙ্গার কাজ হয় সমাধা ।

জরুজঠরে জাহ্নবী আর

নয় বেশীদিন জানি গো জানি,

হ'বে না ব্যর্থ তীর্থঙ্কর-

বোধিসত্ত্বের বিবেক-বাণী ।

ইরাণী, তুরাণী, মিশরী, আফ্রানী,

শক, হুন, কোল, হাবসী, সিদি,

রস্কো-দ্রাবিড় মগ-মোগলের

রক্ত মিলাল ভারতে বিধি ।

আর্য্য-দম্ব্য ময়-কাছোজী

মালাই মিলেছে ভারত-দেহে,

ভাব হ'য়ে গেছে ; নিশাসে নিশাস

মিলেছে মিশিছে সখে স্নেহে ।

বিয়ে হ'য়ে গেছে ; এখন চলেছে

বাসী বিয়েটার রাত কাটানো,

নাই দেরী আর ফুলশয্যার,—

স্বপ্ন ক'রে দে রে ফুল-খাটানো ।

কোরাস

বাজা রে শঙ্খ, সাজা দীপমালা,

হাতে হাতে আজি মিলা রে ভাই ।

ভারতে উদয় মহামানবের—

এসেছে সময় দেরী তো নাই ।

মিলন ঘটেছে কৃত জাতে জাতে,

কত শ্রেণী সাথে মিশেছে শ্রেণী,

তাই ত সাগর-সঙ্গম আর

তীর্থ মোদের যুক্তবেণী ।



## বিদায়-আরতি

হ'য়ে গেছে বিয়ে, ছাখ না তাকিয়ে  
হর-হুদে তাই কানী বিরাজে,  
গ্রাম জলধরে তাই ত দামিনী  
রাই শোভে সারা ভারত মাঝে ।  
হ'য়ে গেছে বিয়ে ; নাই সঙ্কোচ  
সত্যে স্বীকার করিতে কভু,  
মহা-মিলনের রাখী হাতে হাতে  
বাগেন নীরবে জগৎ-প্রভু ।  
বাহান্ন পীঠ এক হবে বাহে  
উচ্চারো সেই মন্ত্র তবে,  
আনো শক্তির কঙ্কালগুলি—  
মহাশক্তির উদয় হবে ;  
ছোট ছোট সব দেউল টুটিয়া  
মিলুক দেবীর শক্তিরশি,  
ভারতে আবার জাগুক উদার  
উদাসী শিবের প্রসাদ-হাসি ।  
হিমালয় হতে মলয়ালয়  
তাহারি আভাসে পুলকাকুল,  
প্রলয়-পয়োধি-জলে তাই ফিরে  
ফুটে ওঠে হের পদ্মকুল ।  
মহাজীবনের বার্তা এসেছে  
মহা-মিলনের লয়ে নিশান,

ডাকে ভবিষ্য, ডাকিছে বিশ্ব,  
করিছে ইসারা বর্তমান ।

কোরাস { বাজা রে শঙ্খ, সাজা দীপমালা,  
হাতে হাতে আজি মিলা রে ভাই ।  
ভারতে উদয় হয় বিরাক্টের  
এসেছে সময় দেবী তো নাই ।

### বৈশাখের গান

চলে ধীরে ! ধীরে ! ধীরে !  
অনিবার মুহুধারা ঘিরে ঘিরে ধরনীরে !  
ধীরে ! ধীরে ! ধীরে !  
খর রৌদ্রে বায়ু মূর্ছে, জলে জালা,  
চির স্বপ্নে রহে চম্পা চির-বালা,  
তলু-আলা চলে যাত্রী. ওড়ে ধূলি ঘুরে ফিরে ।  
ধীরে ! ধীরে ! ধীরে !  
গলে সূর্য্য, ঝরে বর্ষা, মরে পাখী,  
মেলে জিহ্বা মরু-ভূষণ মোছে আখি,  
ছায়া কাঁপে খর তাপে, বৃকে চাপে মরীচি রে !  
ধীরে ! ধীরে ! ধীরে !

## বিদায়-আরতি

দিশাহারা চলে ধারা পথ বাহি',  
দিন রাত্রি নাহি তজ্জা, ত্বরা নাহি,  
নাহি ক্লান্তি, শ্রাম কান্তি ঢালে শান্তি তীরে তীরে !  
ধীরে ! ধীরে ! ধীরে !

---

## গান

কুহলধ্বনির ঝড় ওঠে শোন  
নিফুট আলোর কূলে কূলে ;  
শিথানে মুখ লুকিয়ে কেন  
কান্না রে আজ ফুলে' ফুলে' ?  
বাসন্তী এই কোজাগরী  
কিসের ব্যথায় উঠ'ল ভরি',  
কী ব্যথা সে কী ব্যর্থতা  
বিষের হাওয়া হিমায় বুলে !  
প্রাণের মেলায় মায়ার খেলায়  
হঠাৎ বেহুঁর বাজ'ল কোথায়,  
হারিয়ে গেল কী নিধি তোরা  
অশ্রুজলের আধার সোঁতায় ?

নারা বুকের পাঞ্জর-তলে  
 রাঙা আঙার ফুঁপিয়ে জলে,  
 সপ্তপদীর শেষ হল কি  
 জীবন-ভরা ভুলে ভুলে !

### সিংহবাহিনী

মরত-লোকে এলোকেশে ও কে এল তোরা যা দেখে ।  
 বিজুলি-ছটা ! বহিষ্কটা সিংহ পরে পা রেখে !  
 নিখিল পাপ নিধন তরে  
 মৃণাল-করে কুপাণ ধরে,  
 ঈষৎ হাসে শঙ্কা হরে, চিনিতে ওরে পারে কে !  
 তরুণ-ভানু-অরুণ-ঘটা নয়ন-তট ভূষিছে !  
 দম্ভ-দূর দৈত্যাসুর ভাগ্য নিজ ছুঁষিছে !  
 শাস্ত-জন-শঙ্কা-হরা  
 অভয়-করা খড়্গ-ধরা  
 আবিভূতা সিংহ-রথে মাইভে বাণী ঘোষিছে !  
 দমন হয় শমন নামে শমিত যম-যজ্ঞণা !  
 ইন্দ্র বায়ু চন্দ্র রবি চণক কপে বন্দনা !

গর্ভগৃহেতে শুভ্র আলোক  
জ্বলিছে সূর্য্য-পারা ।

বিশ্ববীজের বিপুল বিকাশ  
আকাশ-পাতাল জুড়ি'  
অনাদি কালের অক্ষয়-বটে  
কত ফুল কত কুঁড়ি,  
উর্দ্ধে উঠেছে লাখ লাখ শাখা  
নিম্নে নেমেছে বুরি ।

বিশ্ববীণায় শত তার তবু  
একটি রাগিণী বাজে,  
একটি প্রেরণা করিছে যোজনা  
শত বিচিত্র কাজে,  
বিশ্বরূপের মন্দির ঘিরি'  
মুক্তি-মেখলা রাখে ।

... (See Note 2 to rule 101, Civil Rules and Procedures, Volume I.)



